



K.T.

Zanîngeha Artukluyê ya Mêrdînê
Enstîtûya Zimanên Zindî yên li Tirkîyeyê
Şaxa Makezanista Ziman û Çanda Kurdî

Teza Lîsansa Bilind

**ANALÎZA KURMANCIYA DEREGEZA
XORASANÊ LI GOR HÊMANÊN
ZIMANNASIYÊ**

Mehdi Jafarzadeh

15711021

Şêwirmend
Doç. Alk. Dr. Necat Keskin

Mêrdîn, 2017



T.C.

Mardin Artuklu Üniversitesi

Türkiye'de Yaşayan Diller Enstitüsü

Kürt Dili ve Kültürü Anabilim Dalı

Yüksek Lisans Tezi

**ANALÎZA KURMANCIYA DEREGEZA
XORASANÊ LI GOR HÊMANÊN
ZIMANNASIYÊ**

Mehdi Jafarzadeh

15711021

**Danışman
Yrd. Doç. Dr.Necat Keskin**

Mardin, 2017

TAAHHÜTNAMÉ

TÜRKİYE'DE YAŞAYAN DİLLER ENSTİTÜSÜ MÜDÜRLÜĞÜNE

Mardin Artuklu Üniversitesi Lisansüstü Eğitim-Öğretim ve Sınav Yönetmeliğine göre hazırlamış olduğum “**Analîza Kurmanciya Deregeza Xorasanê Li Gor Hêmanên Zimannasiyê**” adlı tezin tamamen kendi çalışmam olduğunu ve her alıntıya kaynak gösterdiğim ve tez yazım kılavuzuna uygun olarak hazırladığımı taahhüt eder, tezimin/projemin kağıt ve elektronik kopyalarının Mardin Artuklu Üniversitesi Türkiye'de Yaşayan Diller Enstitüsü arşivlerinde aşağıda belirttiğim koşullarda saklanmasına izin verdiğim onaylarım. Lisansüstü Eğitim-Öğretim yönetmeliğinin ilgili maddeleri uyarınca gereğinin yapılmasını arz ederim.

- Tezimin/Projemin tamamı her yerden erişime açılabilir.
- Tezim/Projemin sadece Mardin Artuklu Üniversitesi yerleşkelerinden erişime açılabilir.
- Tezimin/Projemin ... yıl süreyle erişime açılmasını istemiyorum. Bu sürenin sonunda uzatma için başvuruda bulunmadığım takdirde, tezimin/projemin tamamı her yerden erişime açılabilir.

.... / /

Mehdi Jafarzadeh

KABUL VE ONAY

Mehdi Jafarzadeh tarafından hazırlanan “Analîza Kurmanciya Deregeza Xorasanê Li Gor Hêmanên Zimannasiyê” adındaki çalışma, 28.09.2017 tarihinde yapılan savunma sınavı sonucunda jürimiz tarafından Kürt Dili ve Kültürü Anabilim Dalı, **YÜKSEK LİSANS TEZİ** olarak oybirliği ile kabul edilmiştir.

Doç. Dr. Raffit SULAIMAN R. Sulaiman

(Başkan)

Doç. Dr. Noyreddin KIZIC 

Yrd. Doç. Dr. Necat KESKİN 

Onay

Enstitü Müdürü

Doç. Dr. M. Nesim DORU

PÊŞGOTIN Û SPASÎ

Dema mirov bala xwe dide ser zimanê kurdî, şêweyên cihêreng û diyalektên curbicur têñ bihîstin. Li her wenatekî ku kurd lê dijîn zimanê wan jî ketiye bin tesîra zimanê wî welatî. Ji ber nebûna sîstema perwerdehiyê zimanê kurdî li gelek herêman pêş neketiye û biroj (update) nebûye. Gelek caran dema kurd li ser mijareke modern diaxivin, di zimanê xwe de kêmasiyê dibînin û bi zimanê ku pê perwerdehî dîtine rahettir dikarin xwe derbibirin. Ev mesele ji ber gelek sedeman rojbiroj kûrtir jî dibe. Li Xorasanê jî gelek kurd, ji zimanê xwe dûr ketine û êdî zarokêñ kurd bi zimanekî din diaxivin. Dayîk û bavêñ kurd jî helbet li ber vê meseleyê xemsar in û nediyar e gelo ayendeya kurmanciya herêma Xorasanê dê çi bibe. Kurdêñ Xorasanê piranî kurmanciâxêv in û devoka wan kurdiya bakur ango kurmanciya jorîn e. Li gor dîrokê, niha çend sede ji koçkirina wan ber bi Xorasanê ve, derbas dibe. Li gor amarêñ nefermî zêdetirî milyonekê kurd li Xorasanê dijîn ku hîn piraniya kesêñ mezintir ji 20 salan, kurdî diaxivin yan jî fam dikan. Ev lêkolîn hewldaneke biçûk e ku dixwaze behsa zimanê kurdiya kurmanî ya herêma Deregeza Xorasanê bike û kurmanciya wê herêmê wesf bike.

Ev xebat ji sê besan pêk hatiye. Di beşa yekem de, dê mijar û meseleyên girîng yêñ di vê tezê de bêñ ravekirin. Herwisa sinorêñ lêkolînê ji hêla erdnîgarî û mijarê ve tê ravekirin, û rîbaza lêkolînê dê zelal bibe. Paşxaneya demografîk li herêma Xorasanê û hebûna kurdan li wir tê eşkerekirin. Di beşa duyem de çarçoveya teorîk û têgehî tê şirovekirin û zimannasî û hêmanêñ serekî û besêñ serekî di zimannasiyê de yêñ ku ji bo vê vekolînê pêwîst in, têñ ravekirin. Di beşa sêyem de analîza kurmanciya herêma Deregezê li gor hêmanêñ zimannasiyê, tê pêşkêşkirin. Ji bo kesêñ ku dixwazin zêdetir devoka Deregeza Xorasanê binasin, ev beş wêneyeke giştî li ber çavêñ wî/wê vedike. Di dawiya xebatê de pêvek û çîrok û ferhenkok hatiye zêdekirin ku çavkaniyêñ serekî ji bo vê xebatê têñ hesibandin. Herwisas ji bo kesêñ ku li ser zimanê kurdî û bi taybet ji bo kesêñ ku li ser devokêñ cuda yêñ kurmancî dixebeitin, ev lêkolîn dikare bibe çavkaniyekê. Ji

ber ku ziman bi xwe beşike girîng ji civak û folklorê ye, em di vê bawerê da ne ku ev çavkanî dikare bi kêrî civaknasan û folklorzanan jî bê.

SPASÎ

Xwendina ziman û edebiyata kurdî li dibistan an zanîngehê hertim xeyala min bû, dema ku min bihîst li Mêrdînê beşa ziman û edebiyata kurdî hatiye vekirin, min biryar da ku ez jî herim û li wir xwendina xwe bidomînim, bi rêya dost û hevalan min xwe gihand zanîngeha Artukluyê lê di vê rîyê de gelek kesan alîkariya min kirin ku ez pêwîst dibînim spasiya wan bikim:

Pêşî ez spasdarê dê û bavê xwe me ji ber ku ew herdu yekemîn mamosteyên min yên rastîn bûn, wan çand û zimanê me parast û weke emanet û mîrateke giranbiha raberî min kirin.

Destxweşîya xanima hêja Fahriye Adsay dikim, wê weke xwengeke mezin û dilsoz alîkariya min kir heta min karî xwe bigihînim zanîngeha Mêrdînê.

Deyndarê Mihemed Emîn Cirik û malbata wî ya hêja me, bi dilgermî pêşwaziya min kirin û gelek alîkariya min kirin.

Spasdarî bo hemû mamosteyên min ên hêja li zanîngeha Artukluyê; Prof. Farûq Ismaîl, Mamoste Behruz Shujai, Doç. Alk. Dr. Mustafa Aslan, Dr. Mehmed Tayfon (Malmisanij), mamoste Mikail Bülbül, Doç. Alk. Dr. Shahab Vali, Doç. Alk. Dr. Yılmaz Özil, Mamoste Remezan Alan, Dr. Remezan Pertev û hemû karmendên hêja yên beşa zimanê kurdî ku hertim bi her awayî alîkariya min kirin.

Spasiyeke taybet jî bo şêwirmendê min Doç. Alk. Dr. Necat Keskin ku serê xwe di vê xebatê de êşand û ji bo bidawîanîna vê vekolînê, rîbazên zanistî nîşanî min dan. Herwisa spasiya endamên jûriya parastina têza xwe dikim; Doç. Dr. Rafik Sulaiman, Doç. Dr. Hayrettin Kızıl ku bi baldarî xebata min xwendin û hin xalêñ hewceyî serrastkirinê, destnîşan kirin.

Ez deyndarê mamoste Prof. Farûq Ismaîl, Dr. Behrûz Shujai û Mamoste Mikail Bülbül im, ji ber ku wan bi pisporiya xwe ya li ser zimannasiyê bala min kişand ser mijara zimannasiyê û bûn rênîşandêrên min ji bo vê xebatê.

Destxweşıya hevalê birûmet, Selîm Temo dikim ku pirtûkxaneya xwe ya şexsî li ser min vekir û gelek çavkaniyên kevn yên ku li ser kurmanciya Xorasanê hatibûn nivîsîn, nîşanî min da ku gelek bo lêkolîna min sûdmend bûn.

Herwisa ez spasdarê hevalên xwe yên hêja; Cemal Özer, Deniz Çakan û Evdilrehman Akin im ku wan ez weke endamekî mala xwe ya xwendekariyê pejirandim û alîkariyê min kirin.

Mehdi Jafarzadeh

Mêrdîn 2017

KURTE

Ev xebat dixwaze kurdiya kurmancî ya li herêma Deregeza Xorasanê, li gor hêmanên zimannasiyê analîz bike. Kurdên Xorasanê bi devoka kurmanciya bakurî diaxivin. Kurdên wê herêmê li du parêzgehên Xorasana bakurî û Xorasana Rezewî niştecih bûne. Li gor texmînên nefermî nifûsa kurdên wê herêmê ji milyonek kes zêdetir e. Li vê herêmê gelek etnîk weke, kurd, tat, fars, tirk, tirkman û belûç dijîn. Wisa xuya ye ku piraniya van etnîkan ji deverên din hatine û li Xorasanê bi cih bûne. Zêderengiya etnîkî di herêmê de hin bandor li ser zimanê kurdî danîne. Ev xebat dê nîşan bide ku di kurmanciya kurdên herêma Deregeza Xorasanê de ferq û guherînên binyadî di kîjan hêmanên zimannasiyê de zêdetir pêk hatine.

Bêjeyêن Sereke

Ziman, zimanê kurdî, kurdiya kurmancî, Xorasan, Kurmanciya Deregezê

ÖZET

Bu çalışmanın amacı, dilbilim unsurlarına göre Horasan Deregez bölgesindeki Kurmancı lehçesinin analizinin yapılmasıdır. Horasan bölgesindeki Kürtler, Kuzey Kürtçesinin lehçesini konuşurlar. O bölgedeki Kürtler, Kuzey Horasanda ve Razavi Horasanında yaşamaktalar. Resmi olmayan tahminlere göre bu bölgelerdeki toplam Kürt nüfusunun 1 milyondan fazla dır. Bu bölge etnik yapı olarak Kürt, Fars, Türk, Beluç, Türkmen ve Tat gibi farklı etnik gruplar barındırıyor. Öyle görülüyor ki bu etnik gruplar çoğunluğu farklı bölgelerden buraya göç etmiştir. Bölgedeki çok çeşitli etnik yapılanmanın Kürtçe dili üzerine az da olsa etkisi olmuştur. Bu çalışmada Horasan bölgesinin Deregez yöresindeki Kürtlerin konuşukları kurmancının köken bakımından fark ve değişimlerini hangi dilbilim unsurlarına göre bir araya geldiğini göreceğiz.

Anahtar kelimeler

Dil, Kürtçe dili, Kürtçe/ Kurmancı, Horasan, Deregez Kurmanccası

ABSTRACT

This study is to analyse the Daragazi Kurmanji of Khorasan according to basics of linguistics. The dialect of Khorasani Kurdish is north Kurdish (Kurmanji). The Kurds live mainly in the two district, northern and Razavi Khorasan. The total number of the Khorasani Kurds can be estimated almost one million. This region, is characterised by a large ethnic diversity; Kurds, Baluches, Lurs, Turks, Turkmens, etc., though most of them have appeared here as a result of migration from other areas. The mixture of population in the region had some effect on Kurdish dialect that is spoken in that area. This study will focus on the most remarkable changes of basic characteristics of kurmanji dialect of the Daragazi Kurdish.

Key Words

Language, Kurdish Languages, North Kurdish, Khorasan, Daragazi Kurmanji

NAVEROK

PÊSGOTIN Û SPASÍ.....	I
KURTE.....	IV
ÖZET.....	V
ABSTRACT.....	VI
NAVEROK	VII
LÎSTEYA CEDWELAN.....	IX
LÎSTEYA WÊNEYAN	X
KURTEBÊJE	XI
DESTPÊK	1
BEŞA YEKEM	3
MIJAR, ARMANC Û RÊBAZ.....	3
1.1. Mijara lêkolînê	3
1.1.1. Xebatên zimanî li ser herêma Xorasanê	4
1.2. Armanc û girîngî	6
1.3. Sinorêñ lêkolînê ji hêla erdnigarî û mijarê ve	7
1.4. Rêbaza lêkolînê	9
1.5. Kêşeyêñ lêkolînê	11
BEŞA DUYEM	13
ÇARÇOVEYA TEORÎK Û TÊGEHÎ.....	13
2.1. Zimannasî (Linguistics)	13
2.1.1. Dengnasî (Phonology)	14
2.1.2. Bêjesazî (Morphology)	16
2.1.3. Hevoksazî (Syntax).....	23
2.2. Zimanê kurdî	24
2.3. Dîrok û paşxaneya demografîk ya kurdêñ Xorasanê	27
2.3.1. Hebûna kurdan li Xorasanê berî serdema Sefewiyan	28

2.3.2. Kurdên Xorasanê; serdema Sefewiyan û pişt re	29
2.3.3. Herêma Deregezê û kurdên Deregezê	32
BEŞA SÊYEM	35
ANALÎZA KURMANCIYA DEREGEZA XORASANÊ LI GORÎ HÊMANÎN ZIMANNASIYÊ.....	35
3.1. Dengnasiya kurmanciya Deregezê (Phonology)	35
3.1.1. Pevguherîna nedengdêran	36
3.1.2. Dengdêr û pevguherîna dengdêran	40
3.2. Bêjesazî (Morphology).....	43
3.2.1. Nîşankirina rewşê (Case marking).....	43
3.2.2. Nîşankirina rewşê û zayendê (Case and Gender)	45
3.2.3. Bangnîşan (Vocative);	46
3.2.4. Nasyarî (Definite)	47
3.2.5. Nenasyarî (Indefinite)	48
3.2.6. Nenasyarî û zayend (Indefinite and gender)	49
3.2.7. Vegerok (Referential)	50
3.2.8. Cihnav (Pronoun).....	50
3.2.9. Lêker (Verb)	54
3.2.10. Rengdêr (Adjective).....	59
3.2.11. Îzafe (the Îzafe construction)	61
3.3. Hevoksazî (Syntax)	63
3.3.1. Peyvrêzî (word order)	63
3.3.2. Bingihanek (Relative clause)	64
3.3.3. Forma tebatî (Passive)	65
ENCAM.....	67
ÇAVKANÎ.....	70
PÊVEK	76
ÇIROK	76
FERHENGOK.....	101

LÎSTEYA CEDWELAN

Cedwel	Rûpel
Cedwela 1: Cihnavêni kesîn di kurmancî de	22
Cedwela 2: Îsoglosa zimanên Îranî.....	25
Cedwela 3: Dengdêrin kurdî û cihê bilêvkirina wan.	40
Cedwela 4: Cihnavêni kesîn di kurmanciya Dergezê de	51
Cedwela 5: Diyarkerên nîşandêr di kurmanciya Deregezê de.....	51
Cedwela 6: Ferhengok	133

LÎSTEYA WÊNEYAN

Wêne

Rûpel

Wêne 1: Nexseya Îranê.....	8
Wêne 2: Sinorêna teqrîbî yên dabeşkirina devokên kurdî	26
Wêne 3: Xorasan, sinorê Îran û Tirkmenistanê	32
Wêne 4: Rewşa Erdnîgariya bajarê Deregezê	33

KURTEBÊJE

<i>A</i>	Kara (Biker) bo lêkerên têper
<i>BZ</i>	Berî Zayînê
<i>Bnr.</i>	Binêrin
<i>C</i>	Cild
<i>Hwd</i>	Her wekî din
<i>Hr</i>	Heman rûpel
<i>Hb</i>	Heman berhem
<i>KB</i>	Kurmanciya Bakurî
<i>KD</i>	Kurmanciya Deregezê
<i>No</i>	Number
<i>O</i>	Berkar bo lêkerên têper
<i>Ph</i>	Pirjimar
<i>PZ</i>	Piştî Zayînê
<i>r</i>	rûpel
<i>SVO</i>	Subject-Verb-Object
<i>SOV</i>	Subject-Object-Verb
<i>s</i>	Sede (sedsal)
<i>S</i>	Kara bo lêkerên têneper
<i>Yh</i>	Yekjimar
<i>Vol</i>	Volume

DESTPÊK

Li bakur-rojhilata Êرانê li ser sinorê Êران û Tirkmanistanê herêmek heye ku navê wê Xorasan e. Parek ji gelê kurd li wir dijîn ku diyalekta wan kurmanciya bakurî ye. Nifûsa kurdên Xorasanê ji milyonekê zêdetir e û ew li ser sinorê Êران û Turkmanistanê hatine bicihkirin. Ali Madîh di lêkolîneke xwe de hejmara gundêñ kurdan li herêma Xorasanê weke 696 gundan destnîşan kirine.¹ Ku helbet hejmareke zêde ji kurdên wir li bajarêñ Meşhed, Qoçan, Çinaran, Farûc, Şîrwan, Bujnord, Esferayêñ, Deregez, Kelatê Nadir, Laîn, Mane-Similqan û Aşxanê dijîn.²

Di erdnîgariya Xorasanê de gelek komên etnîkî yên din jî weke belûç, lûr, tirkman, azerî, ereb, fars û tat dijîn.³ Ji ber hebûna komên etnîkî yên cihêreng û firehrengîya çandî li wê herêmê, zimanê kurdên wir jî hin guherîn têda çêbûne. Helbet ev firehzimanî û firehçandî zêdetir di nava bajarêñ wê herêmê de xwe nîşan dide. Gundêñ kurdan li herêma Xorasanê teqrîben yekdest in yanî di piraniya gundêñ kurdan de tenê kurd dijîn. Li gor zanista zimannasiyê kontakta zimanî (language contact) dikare bibe sedema guherînên zimanî, ziman dikarin têkevin bin tesîra hevdu. Dikarin ji hev bêjeyan deyn bikin û heta di demeke dirêj de guherînên fonetîk jî di sirûsta zimanêñ di kontaktê de dikare bê dîtin.⁴

Meseleyeke din ku li ser zimanê herêma Xorasanê bandor daniye, nebûna sîstema perwerdehiyê û herwisa nebûna medyayêñ weke telvezyon û radyoyê ye. Li Êranê zimanê fermî û dewletî zimanê farsî ye, zimanêñ ji bilî farsî derfet û firseta

¹ Abbas Ali Madîh, “The Kurds of Khorasan”, **BIRLL**, Iran and the Caucasus, 2007, Vol. 11, No. 1. r.1.

² Afrasiab Shekofteh, **The Kurds in Khorasan, North-east of Iran**, 2008, r. 7. <http://www.pen-kurd.org/englizi/varia/The-Kurds-in-Khorasan.pdf> (tarîxa têketinê, 12.07.2017)

³ Pierre Oberling, **Khorasani. Ethnic Groups**, Encyclopedia Iranica, 2008.

Herwisa ji bo agahîyêñ berfirehtir li çavkanîyêñ jérê binêrin:

Bnr. Afrasiab Shekofteh, **The Kurds...** 2008; Garnik Asatrian, **Prolegomena to the Study of the Kurds**. Iran and the Caucasus, 2009, 13.; Henry Walter Bellew. **An Inquiry into the Ethnography of Afghanistan**. Oriental University Institute. London, 1891; Bnr. Henry Walter Bellew, **From the Indus to the Tigris, A Narrative of a Journey Through the Countries of Balochistan, Afghanistan, Khorassan and Iran**, London, Trübner Co. 1872.

⁴ Muriel Norde, Bob de Jonge, **Language Contact: New perspectives**, Cornelius Hasselblatt, Amsterdam, 2010. r. 13.

perwerdehiyê nabînin; medyayêni ji bilî zimanê farsî gelekî kêmhejmar û li hin deveran jî bi awayekî nefermî qedexe ne. Li gor vê yekê kurmanciya herêma Xorasanê jî li gor bajar û gundan ne yeşsan e yanî bajar bi bajar û gund bi gund heta li gor eşîretan jî dikare bê guhertin û şêwezarên cihêreng bêñ bihîstin. Ev guherîn jî bi şeklên curbicur dikare bê dîtin, li hin herêman, ew guherîn bi awayekê rêzimanî (bêjesazî û hevoksazî) pêk hatiye û li hin deveran ew guherîn zêdetir ji hêla leksokolojiyê ve tê dîtin. Li gor xebata meydanî li herêma Xorasanê mirov rastî awayêni curbicur ji guherînan tê. Devokên curbicur ên ku li wir têñ bihîstin, li gor mijara axafitinê û gundî yan bajarîbûna axêver tê guhertin. Bi giştî li herêma Xorasanê normeke yeşsan ya zimanî ji bo hemû cihan nayê dîtin.

Ji ber berfirehbûna erdnîgariya herêma Xorasanê derfet û wext nebû ku mirov bikaribe hemû herêmên Xorasanê têxe nava vê lêkolînê, loma tenê herêmeke biçûk ji Xorasanê ku bajarê Deregezê ye, ji bo vê lêkolînê hatiye bijartin. Ev bajar li ser sinorê Turkmanistanê ye, Deregez 120 km dûrî Qoçanê û 40 km dûrî Askabadê ye. Ev pirs heye ka gelo li ser kurmanciya herêma Xorasanê lêkolînên zimanî hatine kirin yan na? ji ber vê yekê hewce ye mirov bala xwe bide ser çavkanî û lêkolînan. Di lêgerînên mijarêni girêdayî bi vê lêkolînê de hin çavkanî hatine dîtin, ku di beşa (1.1.1.) de têñ pêşkêşkirin, ji aliyekî din ve dibe ku hin çavkanî û lêkolîn li ser kurmanciya herêma Xorasanê, bi zimanêni din jî hebin ku em hêvî dikan di xebatêni zimanî yên paşerojê de bêñ dîtin.

BEŞA YEKEM

MIJAR, ARMANC Û RÊBAZ

Di beşa yekem de mijar, armanc, rîbaz û pirsa vê lêkolînê têl zelalkirin; herwisa pêwîstî bo lêkolînê bi vî rengî têl ravekirin. Mijara lêkolînê ji hêla çarçove û xebatê ve tê şirovkirin. Di vê beşê de hewl hatiye dayîn ku ji bo xwîner îmajek ji herêma Xorasanê û kurmanciya Deregezê bê çêkirin.

Piştî zelalkirina mijar û pirsên sereke di vê lêkolînê de binbeşeke din ku gelekî pêwîst e bê zelalkirin, armanc û girîngiya vê lêkolînê ye, dibe ku kesek bi xwe re bibêje ka gelo armanca vê xebatê çî ye yan girîngiya xebatê bi vî rengî çî ye, di vê beşê de ew pirs hatiye bersivdan.

Herwisa pêwîst e sinorê lêkolînê hem ji hêla mijarê ve û hem jî ji hêla erdnîgariyê ve bê diyarkirin, ji ber ku Xorasan herêmeke berfireh e, ne mimkîn bû ku mirov bikaribe xwe bigihîne hemû dever û gund û bajarê kurdan loma jî sinorê vê lêkolînê di vê beşê de tê taînkirin.

Di dawiya vê beşê de rîbaza vê lêkolînê têl zelalkirin, yanî tê diyarkirin ka ev xebat li ser çi bingehêke têorîk tê meşandin.

1.1.Mijara lêkolînê

Mijara vê xebatê analîzkirina kurmanciya Deregeza Xorasanê li gorî hêmanên zimannasiyê ye. Pirsa serekî jî ew e ku bê destnşîankirin ka guherînên zimanî di kîjan beşa zimanî de zêdetir pêk hatiye. Deregez beşek ji herêma Xorasanê ye û lêkolînê zimannasiyê yên kamil û temam li ser herêma Xorasanê herwisa devera Deregezê nehatine kirin. Wek ku li tarîxê heye, axêverê herêma Xorasanê bi piranî di serdemâ Shah-Abasê Sefewî de ji deverê kurdnişîn (Kurdistanê) ber bi Xorasanê ve hatine

koçberkirin.⁵ Ji aliye kî din ve dema mirov bala xwe dide ser qisekirina kurdê Xorasanê bandora zimanê din yên wê herêmê, weke farsî, tirkî, tirkmenî û hin zimanê weke tirkiya cuqetayî (Çağatay Türkçesi) jî divê nehê jibîrkirin.⁶ Herwisa bê dîtin ku derbasbûna demê û cudabûna û dûrketina kurdê Xorasanê ji kurdê Kurdistanê, bandoreke çawan li ser zimanê herêma Xorasanê daniye û guherînên fonolojîk û morfolojîk dê diyar bibin. Ji ser navê eşîrên Xorasanê û devokê kurmancî li wir, tê xuyakirin ku kurdê wir ji herêmê curbicur ji Kurdistanâ Bakur hatine koçberkirin.⁷

Di vê lêkolînê de analîzeke wesfî ji kurmanciya herêma Deregeza Xorasanê, li gor hêmanê zimannasiyê tê nîşandan û gramera kurmanciya herêma Deregezê tê ravekirin. Herwisa gelek caran ji bo zelalbûna mijar û mînakêni di vê lêkolînê de pêwîst hatiye dîtin ji kurmanciya bakurî bê istifadekirin. Mebest ji kurdiya bakur, heman kurmanciya bakur e ku niha li Tirkiyê tê axiftin û herwisa di kovara *Hawarê* de jî ev şêwezar hatiye bikaranîn û nivîsîn.⁸ Ji aliye kî din ve pêwîst e xebatê zimannasiyê yên ku li ser kurmanciya Xorasanê jî bê destnîşankirin.

1.1.1. Xebatê zimanî li ser herêma Xorasanê

Berî ku mirov bixwaze dest bi lêkolînê bike hewce ye çavkanî û lêkolînê berê bi hûrgilî bêna raçavkirin loma jî di lêgerînan de hin çavkanî hatin dîtin ku li ser herêma Xorasanê û kurmanciya wir hatine pêşkêşkirin.

Li gor çavkaniyênu ku jib o vê têzê hatine dîtin, yekemîn pirtûka ku li ser zimanê kurdê Xorasanê hatiye nivîsîn, sala 1853 ji aliye Ilya Nikolaeviç Berésine (1818-1896) ve bûye. Nivîskarî di xebata xwe de cih daye zimanê din yên Îranî jî û

⁵ Mebest herêmê kurdnişîn yên ku niha di navbera 4 welatêne Îran, Tirkîye, Iraq û Sûriyeyê de ye. Li gor lêkolînê vekoler, cihê teqez, bajar yan herêma ku kurdê Xorasanê berî koça xwe ji Kurdistanê lê dijiyan, nehatiye diyarkirin.

محمد حسين پاپلی بزدی، *کوچ نشینی در شمال خراسان، ترجمه اصغر کریمی، آستان قدس، مشهد، 1371، ص 78*.

⁶ Behruz Shujai, *The Kurdish of Gilan*, (Teza Çapnebûyi), Uppsala University, 2000, r.5.

⁷ Abbas Ali Madih, "The kurds of Khorasan" ... r.17.

⁸ Kovara *Hawarê* ji aliye Celadet Alî Bedirxan ve di sala 1932ê li Sûriyê dihat çapkirin.

Bnr. Victoria Fromkin, Robert Rodman, Nina Hyams, *an Introduction to Language*, Ninth Edition, Wadsworth, Cengage Learning, 2011. r. 479.

tenê 61 hevok ji kurmanciya Xorasanê qeyd kirine. Ev lêkolîn ji sê cildan pêk tê. Nivîskarî di cilda sêyem de ferhengek amade kiriye ku kurmanciya Xorasanê weke kurdiya rojhilat û kurdiya Kurdistana (soranî) Îranê weke kurdiya rojava bi nav kiriye.⁹

Albert Houtum-Schindler sala 1881ê tê Mehabadê û piştî demekê diçe Xorasanê li Nêyşabûrê eşireta Emarlû¹⁰ dibîne û li wê derê ferhengokekê ji devoka kurmanciya Amariyan (Emarlû) amade dike. Di pirtûka wî ku di sala 1884an tê çapkiran de ji bilî kurmancî, Goranî, Kelhurî, û hin zimanên din jî cih digirin.

Lêkolîneke din ku li ser zimanê herêma Xorasanê û Turkmenistanê hatiye kirin, ji aliyê Çerkezê Xuduyê Bakaiv ve bûye. Ev lêkolîn sala 1962ê li devera Turkmenistanê hatiye encamdan. Ev pirtûk bi navê *Tekstên Kurdên Tirkmêniya* li Moskovayê hatiye çapkiran û bi zimanê rûsî ye. Ev lêkolîn li ser bêjesazî û hevoksaziyê sekiniye û bi awayekî berfireh zimanê wê herêmê analîz kiriye.

Yekî din ku li ser kurdên Xorasan xebat kiriye Isaac Tsukerman (ЦУКЕРМАН) e. Tsukerman têza xwe ya doktorayê, sala 1986ê li ser herêma Xorasan û Turkmenistanê bi dawî anije û lêkolîneke berfireh li ser zimanê herêma navborî kiriye. Di dawiya pirtûkê de çîrokên gelêrî yên wê herêmê hatine tomar kîrin û bi awayekî wesfî analîza kurmanciya herêma Xorasanê û Turkmenistanê hatiye kiriye. Navê wê lêkolînê *kurmanciya Xorasanê* ye û sala 1986ê li Moskovayê hatiye çapkiran.

Ev xebatênu ku li jorê amaje pê hatin kîrin di lêgerînên ji bo amadekirina vê

⁹ Bnr. Berésine Ilya Nikolaevič. *Recherches Sur Les Dialectes Persans. Volume 1*, Casan, Université de Casan. 1853, r. 25-31.

Berésine Ilya Nikolaevič, *Recherches Sur Les Dialectes Persans. Volume 3*. Casan: Université de Casan, 1853.

Albert Houtum-Schindler, *Beiträge Zum Kurdischen Wortschatze. Zeitschrift Der Deustchen Morgenländischen Gesellschaft*, 1884p. 43-116.

И. И. ЦУКЕРМАН, **Чорасанский Курманджи**: Issledonavie Teksty ХОРАСАНСКИЙ КУРМАНДЖИ: ИССЛЕДОВАНИЕ И. 1986.

Цукеман, И.И **Хорасанский Курманджи**, Морква, Акдемия НАУК СССР, 1986.

¹⁰ Eşîreteke kurd e ku li Xorasanê dijîn, herwisa parek ji vê eşîretê li herêma Gilana Îranê jî dijîn.

tezê de hatine dîtin. Wek ku tê xuyakirin di vê mijarê de xebat kêm in, bi kêmasî di kurmancî de, ku ev yek jî girîngiya vê tezê careke din derdixê meydanê.

1.2. Armanc û girîngî

Armanca vê xebatê qeydkirina gramera kurmanciya bajarê Deregezê li Xorasanê ye. Ji ber ku ziman yek ji çavkaniyên girîng ji bo civaknasî û etnografiyê tê hesibandin;¹¹ Di civakên du zimanî yan çend zimanî weke devera Xorasanê de, ev lêkolîn dikare bibe çavkaniyek ji bo berçavgirtina rastiya civakî. Herwisa eger berpirsên pergala perwerdehiyê bixwazin li gor ziman û qabiliyetên herêma Xorasanê sîstema perwedehiyê ava bikin, lêkolînên bi vî rengî dikarin rê nîşanî wan bidin; ji alîyekî din ji bo amadekariya kitêb û dersên dibistanê herêma Xorasanê, xebatê zanistî yên zimanî dikarin bibin çavkaniyên pêbawer. Ji aliyêkê din ve, ev vekolîn û vekolînên bi vî rengî dikarin deriyekî nû bo zimannasiyê û zimannasan vekin, da ku nezelaliyê zimannasiyê hindiktir bikin. Îroroj ji ber hin sedemên civakî-siyasî û nebûna statûya zimanî ji bo zimanê kêmîneyan li Îranê, xelkê herêma Xorasanê jî berê xwe didin zimanê serdest û hêdî hêdî zimanê wan ber bi jibîrbûnê ve diçe. Helbet teknolojiyê û sîstemên pêwendiyê yên nû jî ev proseyâ jibîrkirina çand û zimanî, lezgîntir kiriye. Loma jî girîng e herçiqas zûtir ziman û devokên cihêreng bêñ tomarkirin û parastin. Li ser vê bingeha fikrî vekolînên li ser zimanî bi awayekê zanistî pêwîst in. Di maweya çend salan de mirov dikare bibîne ku nifş bi nifş û sal bi sal hejmara axêverên kurd bi zimanê kurdiya kurmancî li Xorasanê kêmîtir dibe. Vekolînên zanistî dikarin van sedemên dûrketina xelkê ji zimanê xwe yê dayîkî destnîşan bikin û herwisa dikarin ji bo avakirina standard yan normeke zimanî bibin çavkanî.

Di vê xebatê de armanceke din jî ku pêwîst e li ser bê sekinîn ev e ku li gor dîtinê nivîskarê vê xebatê û hevpeyvînê bi axêverên herêma Xorasanê re, gelek kurdêñ wê herêmê ji hebûna kurmancîaxêvîn deverêñ din yên dinyayê nehaydar in.

¹¹Ronald Wardhaugh and Janet M. Fuller, **An Introduction to Sociolinguistics**, Wiley Blackwell, West Sussex, 2015, r.277.

Eger lêkolînên bi vî rengî li ber destê kurdên Xorasanê hebin, ku yek ji armancêν vê xebatê jî ew e, bi taybetî jî haya nifşen nû dê ji ziman û çanda wan çêbibe. Ji aliyê din ve ev xebat dê têkiliyekê di navbera kurmancîaxêvên herêmên cuda de çêbike.

1.3. Sinorêñ lêkolînê ji hêla erdnigarî û mijarê ve

Devera ku ev xebat li ser hatiye kirin, Deregeza Xorasanê ye. Deregez bajarek e li ser Xorasana Rezevî ku li bakur-rojhilatê Îranê ye. Celîlê Celîl di pirtûka xwe ya *Sêxiştiyêñ kurmancî, Xorasanê* de wisa dibêje: “...*Xorasan diaspora kurda ya here mezin û here kevn e...*”.¹² Lê wisa ku di beşa dîroka hebûna kurdan li Xorasanê (2.3) de tê şirovekirin, ji ber hebûna herdemî ya kurdan li Xorasanê ku li gor çavkaniyan vedigere derdora hezar salan berî niha, êdî wateya dîasporayê belkî ji bo herêma Xorasanê re ne guncaw be. Kurdên Xorasanê niha li du parêzgehêñ Xorasana Rezevî û Xorasana Şumalî niştecih in.¹³

Wek ku di nexşeyê de jî (Wêne 1) xuya dike Xorasan ji aliyê bakur, bi Turkmanistanê re û ji aliyê rojhilat, bi Turkmanistan û Efxanistanê re hevsinor e.

¹² Celîl Celîl & Gulê Şadkam, **Sêxiştiyêñ Kurmancî Xorasan**, Enstîtûya kurdzaniyê, Wien 2012. r. 5.

¹³ Abbas Ali Madih, “The kurds of Khorasan” ... 2007, r. 11.



Wêne 1: Nexşeya Íranê.¹⁴

Li gor amarên nefermî nifûsa kurdên Xorasanê derdora milyonek kes e.¹⁵ Demîrhan û Hajîyan di xebateke xwe de hejmara kurdên Xorasanê teqrîben du milyon kes destnîşan kirine.¹⁶ Piraniya kurdên Xorasanê niştecihêن gundan in lê herwisa hejmarek ji kurdên wir hîn koçer in; Bi giştî hejmara kurdên Xorasanê yên ku li gundan dimînin zêdetir ji kurdên li bajaran in.¹⁷

Wisa ku di sernava vê vekolînê de jî heye, ev lêkolîn hewl dide kurmanciya herêma Deregezê li gor hêmanên zimannasiyê analîz bike û bi giştî divê bê gotin ku hewla vê analîzê, derxistina gramera kurmanciya herêma navborî ye û wesfandina zimanê rojane ya herêma Deregezê ye.

¹⁴ <https://www.mapsofworld.com/iran/political-map.html> Dîroka têketinê: 20.7.2017)

¹⁵ Hb. r.11.

¹⁶ Abdollah Hajîyan, û Umîd Demîrhan. “*Gulbijêrek ji Çand û Wêjeya Kurdên Xorasanê*”, *Fritillaria Kurdica*, 2017. 16, r. 68-160.

¹⁷ Afrasiab Shekofteh, *the Kurds in Khorasan...*, r. 8.

1.4. Rêbaza lêkolînê

Bingeħa vê xebatê, lêkolîneke meydanî li herêma Deregezê ye ku sala 2014ê weke deng, çîrok û hevpeyvîn hatine qeydkirin. Çîrokbêj û axêver ji wê herêmê ne û xwecihêñ gundêñ derdora Deregezê ne; me ji bo xebata meydanî û hevpeyvînan serdana gundêñ *Cinar, Quroçan, Momewan, Rehmenqulî, Geyîgan, Maliyan* û *Sayînan* kir. Ji 5 çîrokbêjan ku sê jin û du jî mîr bûn, me çîrok berhev kirin. Hemû çîrokbêj ji pêncî salî mezintir bûn. Piraniya wan nexwenda bûn. Mezintirîn axêvera ku pê re hevpeyvîn hatiye çêkirin 110 salî bû. Gelekan ji wan ji bilî kurdîya kurmancî zimanekî din nizanîbûn û zimanê pêwendîya wan bi cîhanê re kurdîya kurmancî bû.

Ji bilî dengên qeydkirî û hevpeyvînan, hin çavkaniyêñ din jî di vê lêkolînê de bi kar hatine weke çavkaniyêñ tarîxî yên ku qala kurdan û koça wan ber bi Xorasanê ve kirine, ji layekî din ve çavkaniyêñ erdnigariyê ku herêma Xorasanê rave kirine jî bûne jêder. Herwisa sefername yên berî koça mezin a kurdan ber bi Xorasanê ve di vê lêkolînê de weke çavkanî gelek sûdmend bûne. Ji ber ku li gor agahiyêñ van pirtûkan mirov dikare hebûna kurdan li Xorasanê berî serdema dewleta Sefewiyan jê derxe. Herwisa lêkolînêñ li ser zimanê kurdî bûne çavkanî. Çavkaniyeke din ku gelek sûd jê hatiye wergirtin, teza masterê ya Behruz Shujai ye.¹⁸ Teza Shujai li ser kurdêñ Gîlanê hatiye nivîsîn.¹⁹ Ji ber ku kurdêñ Emarlû ku niha li Gîlanê dijîn ji Xorasanê ber bi Gîlanê ve hatine koçberkiran, tevî hin ferq û guherînê ku bi demê re ketiye nava devoka Xorasan û Gîlanê lê eger mirov bala xwe bide ser vê xebatê û xebata ku Shujai pêk anîye û mînakêñ herdu deveran berawîrd bike, şibihîn û yeksaniya wan du devokan dê bibîne.²⁰

Ji ber ku herêma Xorasanê berfireh e û derfeta xebata meydanî di hemû bajarêñ wê herêmê de nemimkin bû, ji ber vê hindê ev xebat tenê bajarê Deregezê weke cihê lêkolînê hatiye bijartin. Helbet angaşta vê xebatê jî ew nîne ku hemû

¹⁸Behruz Shujai, **The Kurdish of Gilan**, (teza çapnebûyî), Uppsala University 2000.

¹⁹Gîlan navê parêzgeheka Îranê ku li hêla bakurê Îranê ye. Hejmarek ji kurdêñ Xorasanê li wir dijîn.

كليم الله توحدي (كانيمال)، حركت تاريخي كرد به خراسان، كوشش، مشهد 1364، جلد اول ص. 20 .92-81

deverên bajarê Deregezê girtibe nava lêkolîna xebata meydanî. Li bajarê Deregezê jî kurdên koçer hene ku hemû demsalên salê li wir nayê dîtin û ji bo ku mirov bikaribe xwe bigihîne hemû gund û deverên bajêr, derfet û wexteke zêdetir pêwîst e. Di xebata meydanî li bajarê Deregezê de, dihat dîtin ku axêverên wir li gor bajarî yan gundbûn û xwende yan nexwendebûna wan, kurmanciya wan jî diguherî, bi taybet dema axaftina kesên ku zêdetir li bajaran mijûlî karêñ fermî û idarî ne, têkelbûna farsî û kurmancî di devoka wan de zêde xuya dikir. Rêjeya bandorgirtina ji zimanê farsî li gor gundî yan bajarî, xwende yan nexwendebûnê dihat guhertin.

Rêbaza vê lêkolînê wesfî (descriptive) ye û di vê rîbazê de hewl tê dayîn kurmanciya herêma Deregezê wek ku niha heye bê tesbîtkirin û gramera kurmanciya wir bê qeydkirin. Ev lêkolîn dixwaze kurdiya wê herêmê weke ku niha heye li gor hêmanêñ zanista zimannasiyê şirove û analîz bike. Di dawiya vê xebatê de çîrokek ji xebatêñ meydanî weke pêvek hatiye pêşkêşkirin, gelek mînakêñ bikarhatî di vê lêkolînê de ji vê çîrokê hatine girtin lê ji ber zêdebûna hejmara çîrokan me nekarî cih bidin hemûyan û tenê ev çîrok weke bijarte hatiye pêşkêşkirin.

Di pirtûkêñ ku heta niha li ser rîzimana kurmancî de hatine nivîsîn ji bo termêñ rîzmanê û zimannasiyê lihevkirinek nîne, pirtûka Celadet Bedirxan a li ser gramera kurmancî, weke bingehekê ji bo piraniya xebatêñ pişî wî re hatiye bikaranîn. Herwisa di vê lêkolînê de dema behsa kurmanciya bakurî tê kirin, ji ber ku hin caran pêwîst e kurmanciya Deregezê bi referansekê re bê berawirdkirin, ew referans di vê xebatê de gramera Mîr Celadet Ali Bedirxan e. Di nava xebatê de mînakêñ ku ji devera Deregezê têñ pêşkêşkirin dê bi şiklê *îtalîk* bêñ destnîşankirin û herwisa mînakêñ ji kurdiya bakurî jî li bin wan dê werin nivîsîn. Herwisa li ber mînakêñ zimanî yên herêma Deregezê ku bi forma *îtalîk* in (KD) tê nivîsîn yanî bi vê wateyê ye ku ev mînak ji kurmanciya Deregezê hatiye dayîn. Bi heman rengî ji bo mînakêñ kurmanciya bakurî jî forma (KB) li hemberî mînakân tê nivîsîn.

Ji aliyekî din ve bo termînolojiya zimannasiyê Weqfa Mezopotamiyayê xebatek li ser termêñ rîzmanî pêk anîye û ferhengokek biçûk ji termêñ zimannasiyê

amade kiriye, ji bo vê tezê me ferhengoka termên rêzimanî ya weqfa Mezopotamiyayê weke bingeh ji bo termên zimannasiyê tercîh kiriye, helbet xebatê din yên li ser rêzimana kurmancî jî dê bêñ berçavgirtin.²¹

Herwisa di dawiya vê lêkolînê de ferhenkokek hatiye amadekirin ku lîstek ji bêjeyêñ kurmanciya Deregezê hatiye amadekirin, ev bêje di kurmanciya rojane de li herêma Deregezê têñbihistin. Gelek ji wan bêjeyan di devoka kurmancî ya Deregezê de bi wateyeke din têñbikaranîn, yanî wateya wan bêjeyan di kurmanciya Bakurî û kurmanciya Deregezê de ne yeksan e. Loma ev ferhengok dê derfeta berawirdkirê jî bide kesêñ ku dixwazin ser vê mijarê lêkolînan bikin.

1.5. Kêşeyêñ lêkolînê

Ji ber nebûna lêkolînêñ bingehîn ên zimanî li ser kurmanciya herêma Xorasanê û bi taybetî jî devera Deregezê, ev xebat hewldanek e bo derxistina gramera zimanê herêma Deregezê û analîza wê ya li gor hêmanêñ zimannasiyê. Tevî hebûna hin zehmetî û astengiyêñ li ber vê lêkolînê dîsa jî em di wê bawerê de ne ku em gihîştine armancêñ xwe.

Di vê xebatê de astengiya herî mezin qanûna dewleta Îranê bû, ji ber ku xebatêñ zimanî û çandî divê bi destûra dewletê bêñ kirin, me nedikarî bi awayekî eşkere xwe bigihînin hemû kesî. Helbet me ji bo xebata xwe ji ti derê destûr nestandibû ji ber vê hindê me bi awayekî veşartî xebata xwe ya meydanî encam da. Dive bê gotin dema qeydkirina çîrok an hevpeyvînan, gelek kes ditirsiyan ku pişt re bo wan kêşe bêñ çêkirin.

²¹ Koma kurmancî, **Termên zimannasiyê**, Weqfa Mezopotamiyayê, (berhema çapnekirî) herwisa bnr. xebatêñ ku li ser gramer kurmancî hatine kirin:

Çetin Taş, **Waneyêñ Rêziman û Rastnîvisa Kurmancî**, Weşanxaneya Dîwan, Stenbol, 2013.

Sami Tan, **Rêzimana Kurmancî**, çapa duyem, Enstîtûya Kurdî ya Stenbolê, İstanbul 2011. Mistefa Aydogan, **Rêbera Rastinvîsinê**, İstanbul, Rûpel, 2012.

Kadri Yıldırım, **Kürtçe Dilbilgisi** Mardin Artuklu Üniversitesi Türkiye'de Yaşayan Diller Enstitüsü Yayınları, 2012.

Mikail Bülbül, & Bahoz Baran, **Rêzimana Kurmancî** Weşanêñ Enstîtuya Kurdî ya Amedê, 2008.

Qenâtê Kurdo, **Rêzimana Kurdî (Kurmancî û Soranî)**, çapa yekem, Weşanxaneya Nûbihar, Stenbol, 2013.

Bahoz Baran, **Rêzimana kurmancî**, Belkî, İstanbul, 2012.

Li rexê din ev xebata meydanî sala 2014ê hatiye encamdan, pêwîst bû dîsa careke din em xwe bigihînin herêma Xorasanê lê ji ber nebûna derfetan û herwisa rewşa siyasi ya Îranê ev yek ne mimkin bû.

Herwisa girêdayî vê mijarê, meseleyeke din ku lêkolînên zêdetir jê re pêwîst in dîroka kurdêñ herêma Xorasanê ye; pêwîst bû bo vê meseleyê em xwe bigihînin arşîvîn dewletî lê ji ber nebûna derfetê, me tenê xwe sparte çavkaniyêñ tarîxê û serfernameyan.

- Tenê çend gervanêñ biyanî di pirtûkêñ xwe de hebûna kurdan li Xorasanê berî serdema sefewiyan qeyd kirine ku di beşa (2.3.1) de bê dîtin.
- Meseleya duyem sedema sereke ji bo koçkirina kurdan ber bi Xorasanê ye ku weke pirsgirêk dikare were nîşankirin.
- Meseleya sêyem nifûsa kurdan li herêma Xorasanê ye ku ti caran bi awayekê fermî ji aliyê ti saziyan ve nehatiye pêşkêşkirin. Mirov nizane gelo hejmara wan ya rastîn çîqas e?
- Di dawiya vê lêkolînê de ferhengokek hatiye pêşkêşkirin, li gor lêgerînêñ di nava ferhengêñ curbicur de bêjeyêñ di ferhengoka dawiya lêkolînê de nehatin dîtin. Di vê beşê de hewcetî bi ferhengeke kamil ya kurdî-kurdî hebû ku eger ferhengeke kamil bi dest biketa lêgerîn ji bo van bêjeyêñ destnîşankirî jî hêsanfir dibû.

Beşa yekem, beşa danasîna vê xebatê bû û zemîneya xebatêñ li ser kurmanciya herêma Xorasanê hate diyarkirin. Herwisa mijar û armanca xebatê jî hatin ravekirin, li aliyekî din sinorêñ lêkolînê ji hêla erdnîgariyê ve hate destnîşankirin. Pêwîst e çarçoveya teorî û herwisa termêñ ku di vê xebatê de hewcetî pê hene, bêñ ravekirin.

BEŞA DUYEM

ÇARÇOVEYA TEORÎK Û TÊGEHÎ

Zimannasî û termên zimannasiyê çarçoveya teorîk û têgehî ya vê xebatê pêk tînin. Di vê beşê de termên zimannasiyê têz zelalkirin ku di beşa analîzakirina kurdiya herêma Deregeza Xorasanê de dê bêñ bikaranîn. Çar beşên sereke di zimannasiya giştî de, dengnasî (phonology), bêjesazî (morphology), hevoksažî (syntax) û watenasî (semantic) ne ku ji bilî watenasiyê sê beşên din bi kurtî têz ravekirin ku ji bo wesfkirina gramera kurmancî ya herêma Deregezê dê bibin bingeh.

2.1.Zimannasî (Linguistics)

Zimannasî zanistek e ku li ser zimanan diseleine û dixeblite. Bi şeweyleke zanistî vekolînê di siruştâ zimanî de dike ji bo geşkirina teoriya giştî ya kemilîn û werara zimanê mirov û şewaza xebitîna zimanan.²² Zimannasî, herwiha, rola ziman di civakê de û binyada hundirî û pêkhatêñ wî, taybetmendî û qanûnêñ wî, karîgerî, pêşketina dîrokî û dabeşkirina malbatî ya zimanî jî vedikole û wesf dike. Di rastiyê de zimannasî hewl dide pirsên li jêrê bîbersivîne:

- Ziman çî ye?
- Ziman çawan dixeblite û ji kîjan hêmanan pêk tê?
- Mirov çawan bi hev re pêwendiyê çêdikin?
- Ferqa pergala zimanê mirov û zimanê canewerêñ din çî ye?²³

Dîroka zimannasiya modern bi lêkolînêñ zimannasê fransî, Ferdinand de Saussure ve (1857 - 1913) hatiye girêdan. Pirtûka wî ya bi navê “dersên zimannasiya giştî” sala 1916ê ji hêla du şagirdêñ wî bi navêñ Charles Bally û Albert Sechehaye ve

²² Bruce P. Hayes, **Introductory Linguistics**, Department of Linguistics, University of California, Los Angeles, 2010. r. 3.

²³ Suzette Haden Elgin, **What Is Linguistics?**, Prentice-Hall, New Jersey, 1973.

hat belavkirin.²⁴ Piştî lêkolînên Saussure hêdî hêdî zanista zimannasiyê pêş ket û di sedeya 20em de geş bû û niha gelek şaxên zimannasî çêbûne û ew weke zanistekê navbeşî bi beşen din ên zanistên weke civaknasî û antropolojî û kompûterê ve jî hatiye girêdan. Zimannasî bi xwe li ser çend beşen biçûktir tê dabeşkirin. Li gor Hayes zimannasiya giştî ji çend beşan pêk tê. Dengnasî (phonology), bêjesazî (morphology), hevoksazî (syntax), watenasî (semantics) çar beşen eslî di zimannasiya giştî de ne.²⁵

Ji ber ku armanca vê xebatê derxistina gramera kurmanciya herêma Deregezê ye, pêwîst e binbeşen girîng yên zimannasiyê bêni şirovekirin û termên bingehîn û sereke di van binbeşan de bêni diyarkirin. Danasîna van binbeşen navborî li jêrê hatiye pêşkêşkirin û dê heta dawiya vê beşê bi mînakîn û daneyêñ zimanê kurdî mijarêñ pêwîst di vê xebatê de ji hêla teorîk ve bêni teyînkirin.

2.1.1. Dengnasî (Phonology)

Dengnasî (phonology) ku ji du peyvan, fonem (unîta dengî) û logy (zanist), pêk tê, rêzimana dengan pêk tîne.²⁶ Fonem hêmanek girîng di kîte û bêjeyê de ye, herwisa fonem wateya bêjeyan ji hev cuda dike, li gor cihgirtin di nava bêjeyê de ew jî diguhere û ji dengêñ berî xwe û piştî xwe bandorê werdigire.

Fonem (Phoneme) yekîneya binyadî ya dengî di dengnasiyê de ye. Ku her fonemek temsîliyeta dengekî dike.²⁷ Hejmara foneman di zimanê kurdî de zêde ne lê

²⁴ Mark Aronoff and Janie Rees-Miller, **The Handbook of Linguistics**, Blackwell Publishers Oxford, 2003. r. 95. Herwiha ji bo agahiyêñ derbarê jiyan û xebatêñ Ferdinand de Saussure de bnr. http://www.newworldencyclopedia.org/entry/Ferdinand_de_Saussure Dîroka Têketinê: 29.7.2017; Herwisa Bnr. **Brief survey of the history of linguistics. Saussure's Third Course of Lectures on General Linguistics** (1910-1911) publ. Pergamon Press, 1993. (ev notên li vir ne yên Sasussure bi xwe nivîsandine, ji aliyê xwendekarêñ wî ve piştî mirina wî hatine berhevkirin û çapkiran). Bnr. <https://www.marxists.org/reference/subject/philosophy/works/fr/saussure.htm> Dîroka Têketinê: 29.7.2017.)

²⁵ Bruce P. Hayes, **Introductory Linguistics**, Department of Linguistics, University of California, Los Angeles 2010, r. 11. Herwiha di derbarê dîroka zimannasiyê de ji vê pirtûkê jî dikare sûd bê wrigirtin; R. H. Robins, **a Short History of Linguistics**, Longman, London, 1967.

²⁶ Hb. r. 319.

Herwisa Bnr. Bruce P. Hayes, **Introductory phonology**, Blackwell, West Sussex, 2009.

²⁷ Suzette Haden-Elgin, **What Is Linguistics?** Prentice-Hall, New Jersey 1973. r.12.

di alfabetîya kurmancî ya Bedirxanî de tenê 31 tîp hatine bicihkirin, ji bo hin dengên bibêhn û bêbêhn tenê tîpek hatiye bikaranîn, tevî ku ev du dengên ji hev cuda ne yan ew du fonem in û dikarin wateya bêjeyê biguherînin. Li mînakêñ jêrê tê dîtin:

Kar (xebat)

Kar (bizinê biçûk)

Di mînakêñ jorê de dengê *k* weke fonem tê dîtin û tevî ku nivîsîna du bêjeyan yek e lê tê dîtin ku wateya bêjeyan bi guherîna foneman hatiye guhertin.

Alofon (Allophone) weke varyanta fonemê tê naskirin. Weke mînak dengek weke *a* di bêjeyeke weke *baran* de li gor devokêñ herêmî dikare bi awayêñ curbicur bê bihîstin, forma wê ya binyadî heman *a* ye lê ev guherteyêñ curbicur ku girêdayî devokan in weke alofon tên naskirin.²⁸

Weke mînak dengê **û** di nava devokêñ kurmancî de bi çend awayan tê bihîstin yanî çend alofonêñ dengê **û** hene:

- a. [û] wekî dûr [dûr] di piraniya devokêñ kurmancî de
- b. [y] wekî /ü/ ya tirkî, di devoka culemêrgî de, wekî dûr [dyr/dûr]
- c. [wî/wî] di hinek devokêñ behdînî de, wekî dûr [dwîr]
- d. [î] di devoka duhokî de wekî dûr [dîr]

Termêñ li jorê, di besa dengnasiyê de zêde tên bikaranîn û ji bo têgihîştina hemû cureyêñ dengan û guherteyêñ wan pêwîst in. Dema mirov bala xwe bide ser dengnasiyê û armanca dengnasiyê, kemasiyêñ alfabetîya dengen kurdiya kurmancî di nava xwe de nahewîne. Bedirxanî hin fonemên nêzî hev weke tîpekê dîtine û tenê tîpeke alfabetîya bo wan terxan kiriye. Helbet ji bo mijarêñ zimannasiyê û nivîsîna bi awayekî

²⁸ Victoria Fromkin, Robert Rodman, Nina Hyams, **An Introduction to Language, Ninth Edition**, Wadsworth, Cengage Learning, 2011, r. 232.

navnetewî alfâbêyeke standard bi navê IPA²⁹ li dinyayê heye. Lê ji ber ku ev xebat bi zimanê kurdî ye û alfâbêya Bedirxanî teqrîben di nava kurmancan de tê naskirin loma li vir ji bo transkrîpsyona dengan û mînakan ev alfabe hatiye bikaranîn.

Hemû dengên zimanî dikevin nava du kategorîyan: dengdêr (vowel) û nedengdêr (consonants).³⁰

Nedengdêr (Consonant) ev deng in ku ji bo bilêvkirina û derbirîna wan asteng hene. Yanî bi hêsanî nahêن bilêvkirin. Ji bo bilêvkirina wan dengan pêwîstî bi dengdêran heye.

Weke mînak dengê *b* bi xwe nedengdêr e eger mirov bixwaze wê dengê bilêv bike jê ra dengdêrek lazim e, yanî divê dengdêrek li ber wê dengê bê danîn ku mirov bikaribe wê dengê bilêv bike.

Dengdêr (Vowel) ev deng in ku ji bo bilêvkirina wan ti asteng nînin. Dengdêr bi xwe li ser du grûban tênebê dabeşkirin: dengdêren kurt, dengdêren dirêj.

Mînak dengê *I* bêyî ku dengekî alîkar jê re hewce bê bi hêsanî tê bilêvkirin.

Ji ber guherînên fonetîk di zimanan de devok û formen ciyawaz yêz zimanî çêdibin. Di beşa mînakên zimanê herêma Deregezê de mînakên zêdetir ji dengan û guherîna dengan dê bênen pêşkêşkirin.

2.1.2. Bêjesazî (Morphology)

Bêjesazî beşek ji zimannasiya giştî ye ku dêşmana (structure) bêjeyan û herwisa rêbazên rêzimanî yêz teşegirtina bêjeyan analîz dike. Bêjesazî yanî vekolîna bêje û peyvan.³¹

Ji bo zelalbûna mijara bêjesaziyê hin term divê bênen ravekirin. Wisa ku

²⁹ International Phonetic Alphabet (IPA)

³⁰ Hb. r.195.

³¹ Bruce P. Hayes, **Introductory Linguistics**, Department of Linguistics, University of California, Los Angeles 2010. r. 13.

Fromkin dibêje; stem (reh) navoka watedar ya bêjeyê ye. Hin tiştên ku li rehê têr zêdekirin û wateya wê diguherînin yan modîfiye dikin weke *affix* (gire) têr binavkirin. Affix dikarin li pêsiya bêjeyê bêr zêdekirin ku bi wan re dibêjin prefix (pêşgir); Affix dikarin li dawiya bêjeyê jî bêr zêdekirin ku bi wan re jî dibêjin suffix (paşgir); Herwisa affix dikarin li pêşî û dawiya bêjeyê bêr zêdekirin ku bi wan re dibêjin circumfix (baznegir).³²

(1) **Gire (Affix):** Li vir tenê çend mînak ji bo zelalkirina mijarê têr nivîsîn.

- | | |
|-------------------------|-----------------|
| a. Pêşgir (prefix) | direve |
| b. Paşgir (suffix) | hatin |
| c. Baznegir (circumfix) | bihatima |

Morfem (Morpheme): Biçûktirîn yekîneya (unit) watedar di zimannasiyê de ye.³³

Weke mînak di bêjeya *Nexweşiyê* de *ne-* morfem e; *xweşî* morpheme nîne ji ber ku em dikarin wê bêjeyê li ser du parçeyên biçûktir dabeş bikin. Herwisa di bêjeya nexweşiyê de *i* morpheme e, ji ber ku *i* dikare li *xwes* (rengdêr) bê zêdekirin û *xweşî* (navdêr) çêbike û hem jî li gor pênaseya morfemê ji hêla rêzimanî ve watedar e.

Hin taybetmendiyêن bêjesaziya kurdî hene ku gelek bêje li gor rewşê û cihgirtina di nava hevokê de teşe digirin. Yanî haleta bêjeyan di ferhengê de normal e lê dema ku di hevokê de cih digirin hin gireyên nû li bêjeyan têr zêdekirin.

(2) Mînak:

- a. Hevalê min avjeniyê dike.

Di (2a)ê de em dibînin ku li gor hevokê û dema lêkerê û hin taybetmendiyê din, hin gire li *heval* û *avjenî* hatin zêdekirin.

³² Victoria Fromkin, Robert Rodman, Nina Hyams, **An Introduction to Language, Ninth Edition**, Wadsworth, Cengage Learning, 2011, r. 43-50.

³³ Hb.hr.

Bêjesazî dikeve bin tesîra gelek tiştan, yekjimar yan pirjimarî, nasyar û nenasyarî, nîşankirina rewşê (tewang), nêr û mêtî û hwd, di teşegirtina bêjeyan de gelek girîng in. Helbet di beşa sêyem de (analîza zimanê kurmanciya Deregezê) gelek mînak û şiroveyên wan hene ku dikare bê dîtin. Bi giştî bêjezasî û syntax/hevoksazî bi hev re rêzmananê pêk tînin. Ji ber vê yekê ev du mijar gelekî girêdayî hevdu ne.

Nîşankirina rewşê/tewang yek ji wan mijarên girîng di bêjesaziya kurdiya kurmancî de ye ku li jêrê şirove û tesîra wê li ser mijara bêjesaziyê dikare bê dîtin.

Nîşankirina rewşê (Case marking), bi gotineke din yanî çemandin an nîşankirina navdêran e; dema navdêr tên çemandin li gorî hin taybetiyên weke zayend, îzafe, nasyarî û nenasyarî û hwd. Hin gire li navdêran zêde dibin an jî eger cihnav ku bi eslê xwe navdêr bin jî bi awayekî tên çemandin. Di kurdiya kurmancî de jî ev taybetî heye û nîşankirina rewşê tê dîtin. Wisa ku Bedirxan dibêje; Nîşankirina rewşê (tewangbarî), yek ji taybetiyên kurmancî ye, di zimanê kurdiya kurmancî de hinek beşen hevokê li gorî erka xwe diguherin û hinek qertafan digirin; ji vê yekê re nîşankirina rewşê tê gotin.³⁴

Wisa ku Teqevî dibêje; Dêşmanên nîşankirina rewşa navdêran di kurmancî de du beş in:³⁵

- 1. Nomînatîv-Akuzatîv (Nominative – Accusative):** Di vê haletê de ku hevok di dema niha de ne, lêker li gorî karayê ava dibin û wisa ku di mînakên di jêrê de tê dîtin, di vê haletê de berkar (direct object) tê çemandin:

S: Karaya lêkera têneper

O: Berkara / patienta lêkera têper.

A: Karaya lêkera têper

³⁴ Celadet Alî Bedirxan, **Elfabêya kurdî & Bingeha Gramera Kurmancî**, Nefel, Stockholm 2002. r. 57.

Herwisa Bnr. Barry J. Blake, **Case, Second edition**, Cambridge, United Kingdom, 2004. r.1.

محمد تقى، مقایسه نظام های حالت دهی گویش کرمانجی با فارسی معاصر، دانشگاه بیر جند، (پایاننامه چاپ نشده)، 2012 ص. 44.

Ez têm.

S

Ew **min** dibîne.

O

Ez wî dibînim.

A

2. **Absolutîf-Ergatîv (Absolutive-Ergative):** Di vê haletê de hevok di dema

borî de ne, lêkerên têper li gorî berkarê ava dîbin û kara tê çemandin.

Ergatîv (Ergative) herwisa weke ergatîv-absolutîf³⁶(nîv-ergatîv) jî tê binavkirin; bêjeya ergatîv ji bo diyardeyeke rêzimanî tê bikaranîn ku di wê nimûneyê (pattern) de kara ya lêkerên têneper û berkara (object/patient) lêkerên têper bi awayekî kod dîbin û herwisa bi karaya lêkerên têper re jî ferq dîkin.³⁷ Ev nimûne weke temamker ji bo zimanê akûzatîv re ye. Elemanêن weke kara û berkarê li ser çemandina lêkeran bandorê çêdikin. Di zimanekî weke ingilîzî de, lêker tenê li gor karayê tê çemandin ku bi wan zimanan ra dibêjin akuzatîv.³⁸ Zimanekî weke kurdiya kurmancî, lêkerên têper di dema borî de li gorî berkarê tê çemandin.

Kurdiya kurmancî zimanekî ergatîv-absolutîv (nîv-ergatîv) di nîşankirina rewşê de ye û girêdayî têper yan têneperbûna lêkerê û dema lêkerê ye. Bi giştî di zimanêن ergatîv de kara ya lêkerên têneper û berkara (object/patient) lêkerên têper bi awayekî kod dîbin; vê yekê em dikarin di mînaka jêr de bibînin:

(3)

- a. **Ez** hatim. (Karaya lêkereke têneper)
- b. Te **ez** dîtim. (Berkara / patient) lêkereke têper.
- c. **Min** ew dît. (Karaya lêkera têper)

³⁶ Geoffery Heig, **Alignment in Kurdish: A Diachronic Perspective**, Zu Kiel Unisversity 2004. r.25.

³⁷ Robert Dixon, **Ergativity**, Cambridge University Press, Cambridge 1994. r. 1.

³⁸ Roşan Lezgîn, **Ji bo Kurmancan bi Awayê Muqayeseyî Gramera Kirdikî (Zazakî)**, Roşna, Stenbol 2013. r. 124.

Li (3 a, b, c) *ez* û *min* diyar in; wisa ku di tarîfa ergatîvîtiyê de heye.

Di van mînakan de heta radeyekê bandora ergatîvîtyê li ser nîşankirina rewşê û bêjesaziya kurmancî hate dîtin. Taybetiyeke din ku di kurmancî de heye û bêjesaziya kurmancî bandorê jê werdigire, zayenda navdêran e.

Nîşankirina rewşê û zayendê (Case marking and gender): Zayend yek ji mijarên girîng di zimmannasiyê de ye. Wisa ku Hayes dibêje; Di zimanekî weke almanî de navdêr dikarin nêr, mî yan notr (bêzayend) bin ku zayend dikare li ser bêjesaziyê bandorê dayîne.³⁹ Ji alîyekî din ve di kurmancî de zayend xwe di navdêran de nîşan dide; navdêr dikarin li gor zayenda xwe bên kategorîkirin; hin navdêr *mê* hin navdêr *nêr* in. Dema ku bêjeyek di nava farazeke navdêrî (noun phrase) yan hevokekê de cih digire rewşa wê jî tê nîşankirin; bi gotineke din qertafêzayendê jî li gorî nêr û mîtiya navdêran lê tê zêdekîrin ku ew jî dikeve bin mijara bêjesaziyê.

Bêjesaziya kurmancî herwisa girêdayî nasyar û nenasvariya navêdêran e jî, ji bo vê yekê û dîtina bandora nasyar û nenasvariye ev mijar jî divê were vekolandin.

Nasyar (Definite): Navdêrên ku ji bo bihîzer û mixateb naskirî bin, nasyar in. Bêjer navê ku dixwaze di hevokê de bi kar bihîne kod (Nîşandar) dike û wisa tesewir dike ku ev nav ji bo bihîzer naskirî ye.⁴⁰

Weke mînak di hevoka “*Azad hat*” de bihîzer yan xwînerê kurmancîzan, dizane *Azad* kî ye û wî nas dike.

Li rexê din di zimanê kurdiya kurmancî de rewşa sifrê (zero case), -(haleta ku tiştek li navdêran nehatîye zêdekîrin, yanî navdêr nehatine çemandin û mirov dikare

³⁹ Bruce P. Hayes, **Introductory Linguistics, Department of Linguistics**, University of California, Los Angeles 2010. r. 28.

⁴⁰ Givon T., **Syntax: a functional typological introduction Vol 1**, Philadelphia, Joun Benjamin Publishing company, Amsterdam 1984-1990. r.

bibêje haleta bêjeyan ya di ferhengê de)- bi xwe nasyar e.⁴¹

Mînak:

(4)

Azad hat.

Dema bihîzerekî/ê kurmancîaxêv mînaka (4)ê bibihîze, ji bo wî nasyariya *Azad* tiştekî teqez e. Di (4)ê de tê dîtin ku navdêr yanî *Azad* nehatiye çemandin, rewşa wê navdêrê diyar nebûye û tiştek lê nehatiye zêdekirin û di rewşa sifrê de ye. Wisa ku Bülbül destnîşan kiriye, di kurmancî de heta ku navdêr veqetandekên nenasnyariyê nestînin, dê ew nasyar bimînin.⁴²

Nenasyar (indefinite): Navdêrên ku ji bo bihîzer û mixateb nenaskirî bin di zimannasiyê de weke nenesyar têن pênasekirin. Yanî dema axêver hevokeke weke “hevalek hat” bibêje bihîzer ji vê hevokê tênagihêje ku ew *heval* kî ye û kîjan e, yanî bi gotineke din ev ji bo bihîzer nenasyar e.

Di kurmancî de partîkelên (veqetandek) nenasnyariyê bi vî rengî ne: Di navdêrên yekjimar de li gorî zayendê partîkela -ek di dawiya navdêran de têن û wan nenasyar dikin û ji bo nenasyarkirina navdêrên pirjimar û her du zayandan jî in tê bikaranîn.⁴³

(5)

- a. Hespek hat. (-ek partîkela yekjimar û nenesyariyê ya zayenda nêr)
- b. Mehînek hat. (-ek partîkela yekjimar û nenasnyariyê ya zayenda mê)
- c. Qelemin hene. (-in partîkela pirjimar û nenasnyariyê ya herdu zayandan)

⁴¹ Mikail Bülbül, **Peyvrêzî di Frazêñ Navdêrî de (Devoka Mêrdînê)**, The Journal of Mesopotamian Studies, C:2/1, Zivistan 2017. r. 95.

⁴² Hb.95.

⁴³ Celadet Alî Bedirxan, **Elfabêya kurdi & Bingeha Gramera Kurmancî**, Nefel, Stockholm 2002. r. 64. Herwisa Bnr. Baran Rizgar, **Learn Kurdish. A multi-level course in Kurmanji**, Lithosphere, London 1996. r. 7.

Herwisa mijareke din ku li gorî nîşankirina rewşa navdêran û herwisa zayenda xwe dikare li ser bêjesaziyê bibandor be, cihnav in. Gelek cureyên cihnavan hene; weke cihnavêñ pirsyarî, nîşandêr, kesane, nenasyar;⁴⁴ lê ji ber ku cihnavêñ kesîn dikevin bin tesîra nîşankirina rewşê û li gor dema lêkeran û têper yan têneperbûna lêkerê têñ guhertin, pêwîst hatiye dîtin ku cihnavêñ kesîn bêñ zelalkirin û bandora wan li ser bêjesaziyê bê dîtin.

Cihnavêñ kesîn (Pronoun): Bêjeyêñ ku dikarin cihê navdêran bigirin yan li cihê nadêran rûnin. Di zimanê kurdiya kurmancî de du cure cihnvêñ kesane hene, cihnavêñ dîrekt (direct case pronoun) û cihnavêñ çemandî (oblique case pronoun).⁴⁵

Cihnavêñ dîrekt (direct)	Cihnavêñ çemandî (Oblique)
Ez	Min
Tu	Te
Ew	Wî/Wê
Em	Me
Hûn	We
Ew/Ewna	Wan

Cedwela 1: Cihnavêñ kesîn di kurmancî de

Di zimanê kurdiya kurmancî de weke zimanê ingilîziyê, cihnavêñ kesîn teqez divê bêñ bikaranîn; wisa ku Trakson jî destnîşan kiriye, hebûna cihnavêñ kesîn di hevokê de teqez pêwîst e.⁴⁶ Bi gotineke din kurdiya kurmancî weke zimanekî cihnavavêj (pro-drop) nine û hebûna cihnavan di hevokê de pêwîst e.

(6) Cihnavêñ kesîn di ingilîzî û kurdî de

- a. They went

⁴⁴Celadet Alî Bedirxan, **Elfabêya kurdî** ...r.72.

⁴⁵ Hb. r.72./herwisa Bnr. Baran Rizgar, **Learn Kurdish. A multi-level course in Kurmanji**, Lithosphere, London 1996. r. 14.

⁴⁶ Thackston, W. M., **Kurmanji Kurdish: A refrence grammar with selected readings**, Unpublished, Harvard University Press, Massachusetts 2006. r. 18.

b. Ew çûn.

Eger di mînaka (6a) de *they* tunebe, ev hevok kamil û temam nabe. Loma jî hebûna cihnavê pêwîst e. Bi heman awayê di kurdî de jî eger em hevoka (6b) bêyî cihnavê binivîsin; Nediyar e ka “kî çûn”, “ew çûn”, “em çûn” yan “hûn çûn”. Loma jî hebûna cihnavê lazim e.

Li vir tenê termên sereke têr şirvokirin lê di beşa sêyem de ku li ser kurmanciya Deregezê bi hûrgilî radiweste, gelek bi berfirehî mînak têr dîtin û cureyên cihnavan weke cihnavê serbixwe (independent pronoun), diyarkera nîşandêr (demonstratives), cihnavê vegerok (reflexive pronoun), cihnavê pirsyariyê, cihnavê likandî têr ravekirin.

Di vir de hêmanên sereke yên ku li ser bêjesaziya kurmancî bibandor in hatine şirovekirin, û cureyên wan bi mînakê berfirehtir di beşa sêyem de têr dîtin. Heta niha bêjesazî heta radeyekê hate diyarkirin, niha li pêşıya me hevoksazî û awayê rêzkirina bêjeyan tê şirovekirin.

2.1.3. Hevoksazî (Syntax)

Hevoksazî beşek ji zimannasiyê ye ku li ser dêşman û struktura hevokê dixebite.⁴⁷ Rola hevoksaziyê lêkdana bêjeyan yan frazan û avakirina hevokan e.⁴⁸ Helbet rêza cihgirtina bêjeyan di navâ hevokê de şert e yanî peyvrêzî (word order) divê li gor dêşmana wî zimanî bê dariştin. Mînak di zimanê ingilîzî de peyvrêzî bi vî rengî ye; Subject (kara) – Verb (lêker) – Object (berkar) (SVO) ye.⁴⁹ Yanî eger peyvrêzî bi awayekî gramatîkî neyê dariştin, hevok bê wate dibe, yanî bi gotineke din ji forma wî zimanî derdikeve.

⁴⁷ Bruce P. Hayes, **Introductory Linguistics**, Department of Linguistics, University of California, Los Angeles 2010. r. 53.

⁴⁸ Suzette Haden Elgin, **What Is Linguistics?** PRENTICE-HALL, New Jersey 1973. r.12.

⁴⁹ Victoria Fromkin, Robert Rodman, Nina Hyams, **an Introduction to Language**, Ninth Edition, Wadsworth, Cengage Learning, 2011, r. 78.

(7)

- a. I go home.
- b. I home go.

Di (7a) de hevok li gor rêzimana ingilîzî ye û em dikarin (SVO) bibînin. Yanî ji bo kesên ku ingilîzî dizanin ev hevok watedar e. Lê em li (7b) binêrin, bêje heman bêje ne tenê rêza dariştina wan hatiye guhertin yan peyvrêziya wan li gor zimanê ingilîzî nîne. Ji ber vê yekê jî peyvrêzî yek ji mijarêng girîng di zimanen de ye ku bihîzer yan xwîner bi dîtin an bihîstina bêjeyan li pey hev û tertîba wan wateya hevokê têdigihêje.

Di zimanê kudiya kurmancî de peyvrêzî bi giştî Subject (kara) – Object (berkar) – Verb (lêker), (SOV) ye.⁵⁰ Yanî SOV (Subject, Object, Verb)

- c. Ez pirtûkê didim wî.

Eger di (7c) de peyvrêziya hevokê bi awayekî din hatiba dariştin, êdî ev hevok ji çarçoveya hevoksazî û peyvrêziya kurmancî derdiket û teqrîben hevok bêwate dibû.

Li rexê din cihê kurdmancî di nava diyalektên kurdî de û herwisa cihê zimanê kurdî di nava zimanên îranî de pêwîst e bê diyarkirin.

2.2.Zimanê kurdî

Kurd li welatên Iran, Sûriye, Tirkîye, Iraq, Azerbaycan, Kazaxistan, Tirkmenistan, Ermenistan, Gurcistan, (Xorasan û Gîlan) û gelek ji welatên ewropayî

⁵⁰ Margareet Dorleijn, **The Decay of Ergativity in Kurmanji**, Tilburg University Press 1996. Herwisa Bnr. Geoffrey, Haig, **On the Interaction of Morphological and Syntactic Ergativity Lessons from Kurdish**, Research Centre for - Linguistic Typology, Australian National University, Australia, 1998.

dijîn lê piraniya kurdan li çar welatên Îran, Tirkîye, Iraq û Sûriyê dijîn.⁵¹ Ji ber vê yekê jî zimanê kurdî li gelek ciha tê axaftin.

Kurdî zimanekî iranî ye ku di dabeşkirina zimanî de weke zimanekî bakur-rojavayî yê iranî tê hesibandin; Haig îsoglosa zimanên iranî weke cedwela 1ê jêrê şirove dike.⁵²

Zimanên iranî di qonaxên dîrokî de	Zimanên tesbîtkirî	
Îraniya Kevn	Farsiya Kevn (6-4s.BZ)	Avestaya Kevn, Avestaya Nû (12s.-6s.BZ, ev dîrok zêde zelal nîne)
	Îraniya Rojavayî	Îraniya Rojhilatî
Îraniya serdema navîn (4/3s. BZ8/9 s. PZ)	Farsiya miyane, Partî	Sogdi, Khotani
Îraniya Modern	Farsî Kurdî Belûçî hwd.	Peşto Pamir Osetî hwd.

Cedwela 2: *Îsoglosa zimanên Iranî*

Bandora hêmanên weke erdnîgarî, siyasî, civakî û çandî li ser zimanê kurdî li welatên ku kurd têda dijîn çêbûye, ji ber vê yekî kurdî bi awayên cihêreng li gelek cihan tê bihîstin. Lêkolînerên ku li ser zimanê kurdî dixebeitin gelek kategorî ji bo diyalektên kurdî destnîşan dikin, weke mînak; Dorleijn zimanê kurdî li ser pênc diyalektan dabeş dike;

- Diyalakta bakurî (kurmancî)
- Diyalakta navendî (soranî)


⁵¹ Geoffrey Haig, Ergin Öpengin, **Kurmanji Kurdish in Turkey: structure, varieties, & status**, Bulut, Christiane (ed.) Linguistic Minorities in Turkey and Turkic speaking minorities of the peripheries. Wiesbaden: Harrassowitz, Pre-publication draft, November 2015, r.1. ژوپیس بلو، دستور زبان. گردی کرمانچی، ترجمه علی پاکرشت، عمومی علی، قم ۱۳۹۳، ص ۱۴.

⁵² Geoffrey Heig, **Alignment in Kurdish: A Diachronic Perspective**, Zu Kiel University (2004), r. 8.

- Diyalekta başûrî
- Diyalekta goranî
- Diyalekta zazakî yan dimly

Herwisa dibêje ku; tevî hebûna gelek hevbeşiyê di nava diyalektên zimanê kurdî de, ev diyalekt ji hev ciyawaz in û gelek caran lêkolîner nizanin bi çi awayî navê “zimanê kurdî” li van hemû diyalektan bikin.⁵³

Li aliyê din Muhammad herwisa di xebateke xwe de ku li ser zimanî kurdî û diyalekta kurmancî pêk anije, zimanê kurdî li ser pênc diyalektên kurmancî, soranî, kurdiya başûrî, zazakî û goranî dabeş kiriye û herwisa diyalekta kurmancî jî li ser sê devokan kategorî kiriye; kurmanciya rojavayî, kurmanciya navendî, kurmanciya rojhilatî.⁵⁴ (Bnr. Wêne 3ê) Li rexê din Muhammad di nexşeyê de cihê diyalekta zazakî û goranî diyar nekiriye.



Wêne 2: Sinorêng teqrîbî yên dabeşkirina devokêng kurdî⁵⁵

⁵³ Margareet Dorleijn, **The Decay of Ergativity ...**

⁵⁴ Husein Muhammad, **Parvekirina Devokêng Kurmancî**, <https://zimannas.wordpress.com> 2015. <https://zimannas.wordpress.com/2015/07/06/parvekirina-devoken> kurmanci/ Dîroka têketinê: 10.7.2017.

⁵⁵ Sinorêng teqrîbî yên komdevokêng kurmancî: rojavayî (kesk). Amadekar Husein Muhammad; <https://zimannas.wordpress.com> 2015. Dîroka têketinê: 10.7.2017.

Wisa ku di nexşeya 3ê de tê dîtin “deverên kesk” bi devoka kurmanciya rojavayî diaxivin, “devera zer” bi devoka kurmanciya navendî û “devera sor” bi devoka kurmanciya rojhilatî diaxifin, “devera şîn” bi diyalekta soranî diaxifin û diyalekta axêverên “devera binefş” jî kurdiya başûrî ye ku li herêma Kirmanşan, Xaneqîn û Îlam û herwisa beşek ji parêzgeha Loristanê dijîn; kurdiya başûrî gelek caran weke lekî yan feylî jî tê binavkirin.⁵⁶

Piraniya kurdên dinyayê bi kurdiya kurmancî diaxivin.⁵⁷ Kurdên Xorasanê jî kurmancîaxêv in û wisa ku Husêن Mihemed dibêje; kurdiya Xorasanê û kurdiya kurmancî ya rojavayî⁵⁸ (berfiratî), bajarêw weke Riha/Urfâ, Meletî, Semsûr û Efrînê gelekî dişibin hev û gelek taybetiyêñ zimanî di wan herêmên navborî de wek hev in.

Li gor xebata Muhammad ku li jorê hate behskirin, kurmanciya Xorasanê jî dikeve nava devera binfeş û dikeve nava devoka kurmanciya rojavayî; ji ber vê yekê ev pirs balê dikişîne ka gelo kurd li Xorasanê çi dikin û bi çi awayî û kînga derbasî Xorasanê bûne?

2.3.Dîrok û paşxaneya demografîk ya kurdên Xorasanê

Dema behsa kurdên Xorasanê tê kirin dibe ku ev pirs bê pirsîn ka gelo kurd li Xorasanê çi dikin an hebûna kurdan li Xorasanê vedigere kîjan serdemê? Ji ber ku piraniya kurdan li deverên kurdnişîn di navbera çar welatên Îran, Tirkîye, Iraq, Sûriyê û Qefqaziyayê⁵⁹ de dijîn; loma dema behsa kurdan li derveyî van sinoran tê kirin, divê mirov bala xwe bide ser tarîxê û herwisa mirov divê bala xwe bide ser sefernameyan. Di vê beşa li ber me de hewl hatiye dayîn ku şopa kurdan li Xorasanê

⁵⁶ Husein Muhammad, Rengdêr di zimanê kurdî de, **Kanîzar, kovara zimanê kurdî**, hejmar 12, 2017. r. 13.

⁵⁷ Geoffrey Haig, Ergin Öpenguin, **Kurmanji Kurdish in Turkey: structure, varieties, and status**, Bulut, Christiane (ed.) Linguistic Minorities in Turkey and Turkic speaking minorities of the peripheries. Wiesbaden: Harrassowitz, Pre-publication draft, November 2015. r.1.

Wolfgang, Taucher, Mathias Vogl, Peter Webinger, **the Kurds, History - Religion - Language – Politics**, Austria, Austrian Federal Ministry of the Interior, 2015. r. 31.

⁵⁸ Husein Muhammad, **Parvekirina devokêñ kurmancî**, <https://zimannas.wordpress.com> 2015. Dîroka têketinê: 10.7.2017.

⁵⁹ Ji bo agahiyêñ berfirehtir derbarê kurdên Qefqaziyayê de Bnr. Nofal Shirinov, **Folklorâ Kurdên Azerbaycanê**, (Têza Lîsansa Bilind a çapnebûyî), Mêrdîn, 2017.

û hebûna wan di du serdeman de li wir bê tesbîtkirin. Di lêkolînên dîrokî yên li ser kurdên Xorasanê de tê dîtin ku kurd bi çi awayî derbasî Xorasanê bûne. Li gorî lêkolînên ji bo vê xebatê hebûna kurdan li Xorasanê di serdema sefewiyan û berî sefewiyan de hatiye tesbîtkirin; li jêrê ev du serdem tên dîtin.

2.3.1. Hebûna kurdan li Xorasanê berî serdema Sefewiyan

Li vir nivîsarên dîrokî û erdnîgarî û sefername hatine vekolîn û li gor agahiyêن nivîskî di hin çavkaniyêن tarîxî û sefernameyan de hebûna kurdan li Xorasanê yekem car ji aliyê Ibn-i Hewqel di pirtûka *Sûretulerz* de hatiye destnîşan kirin. Ibn-i Hewqel dibêje ku;

“...bajarên din yên Qehistanê, ku me bi nav kirin sar in û hemû bajar û gundêن vê eyaletê ji hev dûr û mesafeya navbera wan çol e... di çola navbera bajaran de kurd û xwedîmal (xwediyê deve û pez) rûdinin...”⁶⁰

Ibn-i Hewqel herwisa destnîşan dike ku ji bajarê Nêyşabûrê heta serhedê Xorasanê heft dihistanên⁶¹ kurdan hene:

“ji Nêyşabûrê ta dawiya serheda Xorasanê heft menzil gundêن kurdan û li nêzîkî Esedabadê heft menzil û li Damxanê pênc menzil û ji Nêyşabûr heta Serexsê ji şeş menzil hene ku kurd li wir dijîn...”⁶²

Kolaykho nivîskar û gervanê Spanî ku bi destûra Henryê Sêyem Padişehê Spanî diçe cem Teymûrê Gûrkanî di sefernameya xwe ya bi nave *Sefernameya Kolaykho* de qala rêuwîtiya xwe ya ji Spaniya heta Semerqendê⁶³ dike, herwisa qala kurdêن herêma Xorasanê jî dike û wan weke eşîreta Elwarî bi nav dike û dibêje ku;

“...teqrîben fersengek mabû Nêyşabûrê, deverek hebû ku gelek çem lê hebûn û daristan bû li wir ordûyeke mezin ku teqrîben 400 kon bûn, ev kon ji çadirêن reş hatibûn çêkirin, di van konan de eşîrek bi navê “Elwarî” ku kurd bûn dijîyan û gund û cihê wan tune bû, ji bilî van konan li ti cihî ji xwe ra mal û meskenan çenakin, zivistan û havînan li derive dijîn û karê wan jî malxwedîkirin û şivantî ye. Keriyêن wan birîtî ne ji beran, mîh û gayan. 20 hezar deveyên vê eşîrê hene, ev di dirêjahî û pahnahiya vê

⁶⁰ ابن حوقل، صورة الارض، ترجمة جعفر شعار، بنیاد فرهنگ ایران، تهران (1345)، ص.180.

⁶¹ Her dihistanek ji çendîn gundêن nêzî hev pêk tê.

⁶² hb. r. 186

⁶³ Navê bajarekê ye li welatê Uzbekistanê.

herêmê de koç dikin ew salane 3 hezar deve û 15 hezar pez weke bac didine Têmûr. Vê bacê ji dêlva çêrandina keriyên xwe bi rezamendiya xwe didin...”⁶⁴

Çavkaniyeke din ku di vê warê de hin agahîyan dide me pirtûka *Mesalik û Memalik* ya Ebulishaq Ibrahîmê Istexrî ye ku sedeya 5/6 hicrî (sed. 11/12 Mîladî) hatiye nivîsîn. Ew dibêje ku;

“...çıya û Tebesêyn ku me qala wan kir hemû zozan in û helbet di nava wan bajaran de çol jî zêde hene, kurd û xelec li wir dijîn...”⁶⁵

Wî herwisa qala hebûna kurdan li nêzîkê bajarê Nêyşabûrê jî kiriye û wisa diyar e ku jêdera wî pirtûka *Sûretulerz* ya Ibni-Hewquel e.

Li gor van çavkaniyan xuya ye ku hebûna kurdan li Xorasanê vedigere serdemeke dûrtir. Her çiqasî di serdema sefewiyan de jî kurd ji Kurdistanê ber bi Xorasanê ve hatibin koçberkirin jî, diyar e ku hebûna kurdan li serhedê Xorasanê digihijê serdemên kevintir.

2.3.2. Kurdên Xorasanê; serdema Sefewiyan û pişt re

Tevî hebûna çavkaniyên li jor dîsa jî em agahîyen deqîq derbareyê hebûna kurdan li Xorasanê berî Sefewiyan nikarin bi hûrgilî bi dest bixin hema hin çavkaniyên girîng bala xwe didine koçkirina kurdan di serdema Sefewiyan ji deverên kurdnişîn yên rojavayê Îranê ber bi Xorasanê ve.

Emîr Şerefxanê Bedlîsî di *şerefnameya* xwe de dibêje ku;

“...eşîreke din ji kurdan li Xorasanê heye ku weke Kîl têr nasîn û di serdema Şah Tehmasb de cihê wan weke Şemsedîn Beg ku navê şexsekê bû, dihate nasîn.”⁶⁶

Û di cihekî din de dibêje ku;

“...di tarîxa sene sitîn û tismae [sed.12 mîladî] de Şah Tehmasb, Xelîl Beg ku

کلایخو روی گزاز سفرنامه کلایخو، ترجمة مسعود رجبنیا، بنگاه ترجمه و نشر کتاب، تهران 1344، ص188.
ابواسحق ابراهیم اصطخری، مسالک و ممالک (ترجمة فارسی المسالک و الممالک از قرن 6/5 هجری)، به کوشش ایرج

افشار، ، بنگاه ترجمه و نشر کتاب، تهران 1347، ص216.
سید علی میرنیا، ایلها و طایفه های عشایری خراسان، نسل دانش، تهران، 1369.

Herwisa Bnr. 425، ص؟؟؟، ذکری الكردی، مصر، 425، ص؟؟؟، حواشی محمد علی عونی، فرج الله

mîrzadeyek bû, perwerde kir û navê Xelîl Xan lê kir û ew kir serokê kurdên Iranê û 24 eşîrên kurdan ji bilî eşîra Reş Mensûr û kurdên ku di nava wan de bûn, kirin bin desthilata wî û ew ber bi Zencan û Ebher û Zerînkemerê va hatin ku di navbera Azerbaycan û Eraqê de cih girtin û ew hatin bi alîkariya sê hezar siwarêñ kurd li Tebrîz û Qezwînê mijûlî parastina xelkê xwe bûn, pişti du-sê salan gelek kurd li derdora wan berhev bûn û Xelîlxan nekarî wan kontrol bike... loma Şah Tehmasb hin ji wan eşîran bi serokatiya Xelîlxan, şandine serhedêñ Xorasanê; eşîrên din yên kurd jî ji hev pijiqandin...”.⁶⁷

Dr. Papolî Yezdî jî di pirtûka xwe ya bi navê *Kûçnişînî der Şumalê Xorasan* de derbareyê koçkirina kurdan ber bi Xorasanê ve wisa dibêje:

“...serdema Şah Abas çendîn hezar malbatêñ kurd ber bi Xorasanê va hatin koçandin. Ev mijar ewqas girîng bû ku gelek kes tesewir dikin berî wê kurd li Xorasanê tune bûne...”⁶⁸

Iskender Begê Tirkeman di pirtûka *Alem Arayê Abasi* de ku serdema Şah Abas hatiye nivîsîn, ti işaret bi koça kurdan ber bi Xorasanê ve nekiriye lê gava ku bûyerêñ sala sî û sisêyan (1618 mîladî) ji hukûmeta Şah Abas qeyd kirine, hebûna êla Çemîşgezek li Xorasanê destnîşan kiriye;

“...Yûsif Sultan mîrê êla Çemîşgezek yê Kurd, hakimê Xebûşana [Qoçan] Xorasanê ye...”⁶⁹

Martin Van Bruinessen di pirtûka xwe ya bi navê *Agha, Shaikh and State The Social and Political Structures of Kurdistan*, de behsa kurdên Xorasanê dike û dibêje; kurdên Xorasanê bi eslê xwe ji deverêñ curbicur ên Kurdistanê ne. Sedeya 16 (sala 1600ê) li herêma Xorasanê bi rîya Şah Abasê Sefewî konfederalîzma Çemîşgezekê hate damezirandin.⁷⁰ Di heman çavkaniyê de Bruinessen dibêje sedema bicikhirina kurdan li herêma Xorasanê, parastina sinorê Îranê li hemberî hêrişen Uzbekan bûye. Wisa ku Bruinessen behs kiriye, ev konfederalîzm piştî demekê dibe du îlxaniyên ji hev cuda û sîstema îlxanîtyê jî heta sedeya 20em dewam dike.

Gervanekî ingilîz bi navê James Frazer jî di sefernameya xwe de qala kurdên

⁶⁷ hb. r. 425-426

محمدحسین پاپلی بزدی، کوچنشینی در شمال خراسان، ترجمة اصغر کریمی، آستان قدس رضوی، مشهد 1371 ص 78.

⁶⁸ اسکندریک منشی، تاریخ عالم آرای عباسی، دو مجله، گلچین، تهران 1350 ص 1088.

⁶⁹ Martin Van Bruinessen, *Agha, Shaikh and State the Social and Political Structures of Kurdistan*, Zed Books Ltd, London and New Jersey, 1992. r.134.

Xorasanê dike, ew sala 1820ê diçe wê derê û di pirtûka xwe ya bi navê *Journey into Khorasan* de deverên kurdnişîn ku li bakûrê Xorasanê ne weke “Kurdistan” bi nav dike.⁷¹ Hanri Rene Dalmani, ku serdema Qacaran hatiye Îranê û sefernameya xwe *Ez Xorasan ta Bextiyarî* nivîsiye, hebûna kurdan li Xorasanê tiştekî nû dibîne û dibêje dawiya sedeya şanzdehan, Şah Abas 40 hezar malbatêk kurd ji sinorê rojavayê Iranê ber bi Xorasanê ve koçandine.⁷²

Jeneral Prcy Sayks di xebata xwe ya bi navê *Sefernameya Jeneral Prcy Sayks ya 10 hezar Mayl Der Iran*, sedema koçandina kurdan ber bi Xorasanê wisa dihesibîne:

“...Şah Abasê Sefewî di serdema xwe da, gelek kurd li bajarê Bijnord, Qoçan û Deregezê bi cih kirin û wisa ziyan û zerereke mezin gihande tirkmanê mirovdiz...”⁷³

Lêkolînvanekî din ku behsa kurdên Xorasanê dike Kelîmulahê Tevehudî ye. Tevehudî 7 cild pirtûk bi navê *Hereketa dîrokî ya Kurd ber bi Xorasanê* nivîsîne û dibêje ku;

“...Kurdên Zeferanlı⁷⁴ alîkariya Şah Ismaîl dikirin û koça icbarî ya eşîrên din ên kurd ber bi Xorasanê di serdema Şah Abas de jî dewam dike...”⁷⁵

Li gor çavkaniyê heyî ku huzûr û hebûna kurdan li Xorasanê destnîşan kirine, encameke wisa derdikeve pêş ku berî koça kurdan di serdema Sefewiyan de jî kurd li Xorasanê hebûne û piştî ku Sefewiyan desthilata Îranê girte destê xwe ji bo parastina sinorê Xorasanê li hemberî hêrişa tirkman û uzbekan û herwisa parçekirina hêza kurdan li aliyê, gelek ji eşîrên kurdan koçberî vê deverê kirine ku bi derbasbûna salan re li wir cihê xwe girtine û jiyana xwe berdewam kirine.

Çavkaniyê ku hebûna kurdan li Xorasanê qeyd kirine, bi zelalî qala sedemên

⁷¹ James B. Fraser, *Journey into Khorassan*, London 1821, r. 548.


⁷² هانری رنه دالمانی، سفرنامه از خراسان تا بختیاری، ترجمة على محمد فرهوشی، مؤسسه مطبوعاتی امیرکبیر، تهران 1335. ص 586-585 سرپرسی سایکس، سفرنامه ژنرال سرپرسی سایکس یا ده هزار میل در ایران، ترجمة حسین سعادت نوری، کتابخانه این سینما، تهران 1336. ص 18.

⁷⁴ Eşireka mezin ji kurdên Xorasanê

⁷⁵ کلیم الله (کانیمال) توحیدی، حرکت تاریخی گرد به خراسان، هفت جلد، کوشش، مشهد 1364. ج 5 ص 25-30.

serekî û niyeta koçandina kurdan ber bi Xorasanê, destnîşan nekirine. Ev mesele bi xwe dikare bibe mijara lêkolînekê. Çawan dibe ku ewqas mirov bi carê re cih û warê xwe bi cih bihêlin û her tiştê xwe biterkînin; çend hezar kîlometreyan ji welatê xwe dûr bikevin û bibin niştecihê sinorê Xorasanê?

Li rexê din di dîrokê de tê dîtin ku kurdan bi ci awayî sinorê Îranê parastine û dîwarekî mirovî li hemberî hêrişen tirkman û uzbekan ava kirine. Wisa ku di wêneya 4ê de xuya dibe herêma Xorasanê weke derwazeyekê ji bo derbasbûna hêzên biyanî bi ser Îranê ve bûye loma jî şahêن sefewî pêwîst dibînin dîwarekê li hemberê wan xeteran ava bikin. Kurdêن Xorasanê li bajar û gundêن wê herêmê li cihêن curbicur hatine bicikirin ku Deregez yek ji wan bajaran e.



Wêne 3: Xorasan, sinorê Îran û Tirkmenistanê⁷⁶

2.3.3. Herêma Deregezê û kurdêن Deregezê

Deregez bajarek e li bakurê Xorasana Razavi, ji aliyê bakur ve bi Turkmanistanê, ji aliyê başûr ve bi bajarê Çinaran, ji aliyê rojava ve bi Quçanê û ji aliyê rojhilat ve bi bajarê Meşhed û Kelatê re cîran e. Sinorê hevpar di navbera Deregez û Turkmanistanê de 155.25 km ye; (Bnr. Wêneya 2ê) Nifûsa bajarê

⁷⁶ Celîl Celîl & Gulê, Şadkam, **Sêxiştiyên Kurmancî Xorasan**, Enstîtûya kurdzaniyê, Wien 2012. r. 8.

Deregezê 80311 kes e ku jê 43745 kes li bajêr û 36566 kes jî li gundan niştecih in.⁷⁷ Di bajarê Deregezê de kurd, tirk, tirkman û fars bi hev re dijîn. Piraniya xelkê herêma Deregezê bi karê cotkarî û xwedîkirina pez û dewaran jiyara xwe dikan.

Kurdên herêma Deregezê jî weke piraniya xelkê wê herêmê bi karê cotkarî û pezdariyê re mijûl in. Li gor xebata meydanî li wir, piraniya gundê ser sinorê Îran û tirkmanistanê cih û warê kurdan in û devoka kurmancî ya wê herêmê jî kurmanciya rojavayî ye.



Wêne 4: Rewşa Erdnîgariya bajarê Deregezê⁷⁸

Di vê beşê de hêmanên girîng yên zimannasiya giştî hatine ravekirin. Dengnasî, bêjesazî û herwisa hevoksazî hatin şirovekirin û termên girîng di her beşekê de li gor pêwîstiyêن di vê xebatê de hatine zelalkirin, termêن weke ergatîv û akuzatîv di beşa bêjesaziyê de hatin pêşkêşkirin. Zimanê kurdî û herwisa cihê kurmanciya Xorasanê di nava diyalektên kurdî de hate destnîşankirin, di dawiyê de jî hebûna kurdan li Xorasanê û dîroka wan di nava çavkaniyê tarîxî û sefernameyan de

⁷⁷ http://daregaz.khorasan.ir/modules>Show_Content.aspx?PrintId=1&ContentId=6003 , Dîroka têketinê: 27.7.2017.

⁷⁸ Ev xerîte ji malpera fermî ya Ostândariya Xorasanê hatiye wergirtin. Dîroka têketinê: 26.6.2017. <http://ostandari.khorasan.ir/modules>ShowFrameWork.aspx?PrintId=1&RelFacilityId=156&ContentId=143778&STemplateId=1340>

hate dîtin.

Di beşa dawiya vê xebatê de ku armanca sereke ya vê vekolînê ye analîza kurmanciya beşeke biçûk ji Xorasanê bi navê Deregezê, tê pêşkêşkirin û herwisa hewl tê dayîn ku gramera herêma Deregezê bê derxistin. Ji ber ku angaşta vê vekolînê ye ku guherînên zimanî di kurmanciya herêma navborî de bê destnîşankirin.

BEŞA SÊYEM

ANALÎZA KURMANCIYA DEREGEZA XORASANÊ LI GORÎ HÊMANÊN ZIMANNASIYÊ

Zimanê kurdî, wek ku cihêن kurd lê dijîn, berfireh e. Ev berfirehbûn ji aliyekî ve dibe sedema diyalekt û devokên cuda jî. Soranî, kurmancî, zazakî û goranî, lekî, feylî ev diyalektên ku li herêmên cuda tên bihîstin. Xorasan, wek cihekî ku kurd lê dijîn, xwedî devokekê ye ku hêjayî xebatêن xweser e. Wek Husein Muhammad dibêje devoka kurdêن Xorasanê, kurmanciya rojavayî ye.⁷⁹ Lê, wek ku di beşen berê de jî hat destnîşankirin, Xorasan herêmeke berfireh e û ji ber ku di bin bandora farsî de maye, li gelek navçe û bajarêن wê devokên ji hev cuda tên bihîstin. Ji ber ku imkan tunebû ku ev lêkolîn xwe bigihîne hemû deverên Xorasanê loma jî beşeke biçûk ji Xorasanê hatiye bijartin ku ev der jî bajarê Deregezê ye.

Li vir analîz û wesfkirina daneyêن berhevkirî ji kurmanciya bajarê Deregeza Xorasanê li gorî hêmanêن zimannasiyê ku di beşa duyem de hatine pênasekirin, tê pêşkêşkirin û gramera zimanê axêverên devera navborî tê kişfkin, herwisa guherînêن gramerî jî tên destnîşankirin. Di serî de mijarê ku dikeve pêşıya me, dengnasiya herêmê ye.

3.1.Dengnasiya kurmanciya Deregezê (Phonology)

Alfabêya kurmancî ya latînî ji 31 tîpan pêk hatiye ku 8 ji wan tîpan dengdêr (vowel) û 23 jî nedengdêr (consonants) in.⁸⁰ Ev alfabê bi rêya *Hawarê*⁸¹ hatiye berbelavkirin. Tevî ku hemû dengêن kurdiya kurmancî jî nahewîne lê dîsa jî bi piranî li ser wê lihevkirinek çêbûye.⁸² Li devera Xorasanê jî ligel ku alfabetê fermî ya Îranê

⁷⁹ Husein Muhammad, **Parvekirina devokêن kurmancî...**

⁸⁰ Celadet Alî Bedirxan, **Elfabêya kurdî & Bingeha Gramera Kurmancî**, Nefel, Stockholm 2002. r. 11.

⁸¹ Kovara hawarê sala 1932ê heta sala 1957ê hatiye weşandin.

⁸² Behruz Shujai, **The Kurdish of Gilan**, (teza çapnebûyî), Uppsala University 2000. r.12.

farsiya bi tîpêñ erebî ye, bi awayekê nefermî alfabetêya latînî ya kurmancî jî tê bikaranîn. Li herêma Xorasanê heta niha ji bo nivîsîna kurmancî, sê cure alfabetê hatine bikaranîn; alfabetêya farsî, alfabetêya kurdîya soranî, alfabetêya kurdîya latînî ya Celadet Bedirxan. Hin pirtûk jî bi herdu alfabetêyan (erebî- soranî û latînî-kurmancî) jî hatine çapkirin.⁸³

Di vê besê de guherînê dengan li devera Deregezê dê bêñ destnîşankirin û bi awayekî giştî ev guherîn bi mînakân dê bê zelalkirin. Wekî li jorê jî amaje pê hate kirin alfabetêya latînî ya bikarhatî di *Hawarê* de bi vî rengî ye;

Aa Bb Cc Dd Ee Êê Ff Gg Hh Ii Îî Jj Kk Ll Mm Nn Oo Pp Qq Rr Ss Şş Tt Uu
Ûû Vv Ww Xx Yy Zz

Lê li vir mijarek derdikeve meydanê ku ev jî pevguherîna nedengdêran e.

3.1.1. Pevguherîna nedengdêran

Li gor alfabetêya ku Mîr Celadet Bedirxan di kovara *Hawarê* de ji bo kurdî bi kar aniye, hin deng hene ku di alfabetêye de cih negirtine. Rêjeya bikaranîna wan dengan kêm e lê dîsa jî di nav axavtinê de tên bihîstin. Ev deng di zimannasiyê de weke dengêñ nebibêhn (unaspirated) tên pênasekirin.⁸⁴ Çar dengêñ **K**, **T**, **P**, **C** di alfabetêya Bedirxanî de ji bo dengêñ nebibêhn û bibêhn (aspirated⁸⁵) bi awayekê wekhev hatine bikaranîn tevî ku ev deng fonem in û dikarin wateya bêjeyan biguherînin.⁸⁶ Ev çar dengêñ ku li jorê hatin diyarkirin di kurmanciya Deregezê de jî

⁸³ Bnr. Selim Temo, **Gurbette Bin Yıl: Horasan Kurtleri**, (pirtûka çapnebûyî). Wek mînak çend nimûne ji van pirtûkan ev in: Hesen Roşan, **Çıksay**, Meşhed, Neşr-i Şamlû, 2011; Yehya Elewîferd, **Selpe û Sêv**, Qum: Emû Elewî, 2012; Feramerz Rostemî, **Yêksed Sêxişti-i Kurmancî**, Suxenguster, Meşhed, 1384; Umîd Demirhanî, **Taybetiyêñ kurmanciya Xoresanê** kovara Zend h. 20, 2013, r. 68-74.

⁸⁴ Bruce Hayes, **Introductory phonology**, Blackwell, West Sussex, 2009.r.125.

⁸⁵ Doç. Dr. Rafik Sulaiman ku yek ji endamên jûriya vê xebatê bû, ji bo bêjeyen *aspirated* û *unaspirated* du termêñ kurdî weke *babir* û *bapek* pêşniyar dike.

⁸⁶ Geoffery Heig, **Alignment in Kurdish: A Diachronic Perspective**, Zu Kiel Unisversity 2004. r.12. Herwiha, Ergin Opengin jî di meqaleyeka xwe de behsa van dengan dike û dibêje ku, ji ber kêmboûna barê zimanî (functional code) yên hin foneman, gelekî asayî ye ku ew fonem di alfabetêye de nehîn nîşandan. Bnr. Ergin Opengin, **Pirsêñ Rênívîsa Kurmancî: pêdaçûnek rexneyî li ser rêbera rastnîvîsinê ya Mistefa Aydogan**, Derwaze, Vol 1. Stenbol, 2017. r.187.

hene û li gor guherîna wan foneman (bibêhn û bêbêhn) wateya bêjeyan jî diguhere.

(8)

- a. *kar*: iş, *kar*: karik, bizinê biçûk
- b. *ta*: nexweşî, *ta*: bendik
- c. *par*: beş, *par*: sala borî
- d. *çeng*: bask, *çeng*: pence

Di alfabetê navnetewî ya fonetîk (IPA) de ku di zimannasiyê de tê bikaranîn ji bo dengên bibêhn (aspirated) [^h] dengê *h* ya biçûk li ser tîpa bibêhn datînin. Bi vî rengî yanî ji bo *kar* dibêjin: [k^har], ji bo *par* dibêjin: [p^har], ji bo *çeng* dibêjin: [ç^heng], ji bo *talan* dibêjin: [t^halan]. Thackston ji bo diyarkirina dengên bibêhn û bêbêhn alfabetê IPA bi vî rengî bi kar anije:⁸⁷

Ji bo dengên bibêhn [^h] li ser tîpan zêde kiriye

Ji bo dengên bêbêhn [^l] li ser tîpan zêde kiriye.

Di mînakên (8 a,b,c,d) de tê dîtin ku *dengên bibêhn û bêbêhn* ya bibêhn du fonemên ji hev cuda ne yanî wateguhêr in û bi guherîna wan, wateya bêjeyan jî hatiye guhertin. Ev yek di devoka Deregezê de wiha tê dîtin.

Guherîna dengan bi xwe beşek ji zimannasiya dîrokî (historical linguistics) ye. Dema mirov bixwaze behsa guherînê dengan bike pêwîst e bi awayekî diyakronîk

⁸⁷ Thackston, W. M., **Kurmanji Kurdish: A reference grammar with selected readings**, Unpublished, Harvard University Press, Massachusetts 2006. r.4.

Ji aliye din ve Malmîsanij jî, di pirtûka xwe ya bi navê *Kürtçede ses değişimi* de behsa guherîna dengan di diyalektên kurdî de dike û herwisa guherînê di nava diyalektekê de û guherteyê wan jî destnîşan dike. Di rûpela 30 ya heman pirtûkê de çend nimûne ji guherîna dengen **d** û **b**di navbera kurmancî û zazakiyê de dike. Di rûpela 52ê ya heman berhemê de guherînêka din di navbera kurmancî û zazakî de destnîşan dike ku li wir dengê **v** û **b** pev guherîne.

Kurmancî: **Derî**. Zazakî: **Ber**.

Kurmancî: **Bêje**. Zazakî: **Vaje**.

Niha mirov bala xwe bide ser guherînê dengan, ka çawan di navbera d û v de guherîn pêk hatiye. Tiştek bi vî rengê dikare bê texmînkirin ku dengê **d** pêsiyê bûye **b** wek ku di (10a) de jî tê dîtin û di qonaxeka din de weke (10b) dengê **b** veguheziye ser **v**.

Der→ber→ver, (derketin→verketin)

Bnr. M. Malmîsanij, **Kürtçede Ses Değişimi**, Vate, Stenbol 2013. r. 30.

(diachronik) û berawirdî li guherîna dengan binêre.⁸⁸ Ji ber vê yekê daneyên zêdetir pêwîst in û nivîsên ji serdemêن cihêreng. Helbet li vir hewl hatiye dayîn ku vekolîna zimanê herêma Deregezê bi awayekî wesfî bê pêşkêşkirin.

- (9) Guherîna dengê **v** û **d** jî weke li hin bêjeyan heye.
 - a. *Lawî paşê verdekevi ser qesrê xwe.* (KD)
Lawê padişêh **derdikeve** ser qesrê xwe. (KB)
- (10) Di kurmanciya Deregezê de gelek caran **b** bi **w/y** re tê guhertin.
 - a. *Fikrek we/ye halê me bikin.* (KD)
Fikrekê **bi** halê me bikin. (KB)
 - b. *Ye xewn dewîni ku ta heft salan paşati le henî...* (KD)
 - c. *Hinek we/ye xwe dexwinî.* (KD)
Em hinekê **bi** xwe dixwin. (KB)
- (11) Dengê **h** di destpêka hin bêjeyan de heye.
 - a. *Henîşk* (KD) → Enîşk (KB)
 - b. *Henî* (KD) → Enî (KB)
 - c. *Hanîn* (KD) → Anîn (KB)
 - d. *Havîtin* (KD) → Avêtin (KB)
 - e. *Herd* (KD) → Erd (KB)
- (12) Guherîna dengê **d** ku hin caran dibe **t**
 - a. *Tînim* → **diînim**
 - b. *Tavêjim* → **diavêjim**
 - c. *Têm* → **dihêm**
- (13) Guherîna **b** bi **w** di devoka kurmanciya bakurî de jî wek li Malatiya, Semsûr, Mereşê heye. Di kurmanciya Deregezê de jî bi vî awayî ye.⁸⁹
 - a. Ji karê xwe kêfxweş **bû**. (KB)
 - b. Le karê xe kêfxaş **wû**. (Meletiya)
 - c. *Je karê xwe xoşhal wû.* (KD)
- (14) Hebûna dengekî di navbera *x û q* de ku di hin bêjeyan de xuya dike ku

⁸⁸ Bruce Hayes, **Introductory phonology**, Blackwell, West Sussex, 2009.r.223.

⁸⁹ Behruz Shujai, **The Kurdish of Gilan**, (teza çapnebûyî), Uppsala University 2000. r.14.

ev deng zêdetir nêzî dengê *x* ye.

- a. *Aşıqi/ê keçikê wûye.* (KD)
- (15) Guherîna dengê **b** bi **v**.
 - a. Ez dibêjim. (KB)
 - b. Ez devêjim. (KD)
- (16) Guherîna dengê **w** û **v**.
 - a. Pezê me wenda bûye. (KB)
 - b. Pezê me venda bûye. (KD)
- (17) Guherîna dengê **d** û **y**. Gelek caran dengê **d** ya ku di lêkeran de dema niha çêdike bi **y** re tê guhertin.
 - a. *Yekevi* → **dikeve**
 - b. *Yewîni* → **dibîne**

Parçeyekî van mînakan her wisa mirov dikare di çîrokekê ji herêmê de bi vî rengî bibîne.

/... yekevi (**dikeve**) yewîni (**dibîne**) baxek e baxek e ye bin zemînê wa ku hûşê yêkê tere ku tikevî vî baxa, va tere le penêk xwe veşeşeri (**vedişêre**) yewîni (**dibîne**) ku keçikek kitawek le wer e yexwîni (**dixwîne**) ye vî, yêk je der de kete orta vî baxa ningî xwe yekullê.../⁹⁰

Ev nimûne hertim durist nîne, gelek caran jî tîpa **d** weke xwe dimîne û ti guhertin têda çenabe.

Mînak: *Ez kar dekim.* (KD)

Li vê mînakê ji ber ku tîpa dawî ya bêjeya /kar/, /r/ nedengdêr e, piştî wê **d** di destpêka *dekim* de weke xwe maye. Lê guhertina **d** bi **y** gelek caran weke kelijînê pêk tê. Mînak eger tîpa dawî ya bêjeya berî bêjeyekê, dengdêr be, wê çaxê şansa kelijîna dengan heye û ihtimalen dengê **d** diguhere û dibe **y**.

- (18)
 - a. *Yekevi yewîni.* (KD)

⁹⁰ Parçeyek ji çîroka Qere-Noker e, Metna wê ya kamil di dawiya vê lêkolînê de heye.

Dikeve dibîne. (KB)

b. *Kitawek le wer e yexwîni.* (KD)

Kitabek li ber e dixwîne. (KB)


c. *Radewi yekevi.* (KD)

Radibe dikeve. (KB)

Weke ku mînak û dane nîşan didin, guherînê nedengdêran heta radeyekê diyar bûn, li vir tenê armanc ew e ku guherîn werin qeydkirin û xuyakirin. Ev mînakênu ku guherîn di wan de hatiye tesbîtkirin bi awayekî rêzikî (bi qaîde) nînin, yanî hertim di nava axaftinê de ev guherîn bi heman awayî çenabin.

3.1.2. Dengdêr û pevguherîna dengdêran

Tîpêñ dengdêr di kurdî de 8 in ku ji wan 3 dengdêr kurt û 5 dengdêr dirêj in.⁹¹



Cedwela 3: Dengdêrin kurdî û cihê bilêvkirina wan.⁹²

Wekî ji tabloyê jî diyar dibe dengdêr di kurmancî de bi vî rengî ne;

Dengdêr (Vowel)

a, e, ê, i, î, o, u, û

⁹¹ Celadet Alî Bedirxan, **Elfabêya kurdî** & ... 2002, r. 11.

⁹² Ev cedwel ji notên Behruz Shujai yên zanîngeha Artukluyê hatiye girtin. Ji bo parvekirina van notan ez careke din spasiya birêz Shujai dikim.

Dengdêrên kurt (short vowels)	i e u
Dengdêrên dirêj (long vowels)	a ê î o û

Di kurmanciya Deregezê de guherîna dengdêran jî heye, li gor kurmanciya bakur hin taybetmendiyêñ kurmanciya Deregezê hene ku dê li jêrê bêñ ravekirin.

(19) Guherîna dengê **i** û **e** di pêşdaçekan de.

- a. *Ez je êş têm* (KD)
Ez ji êş têm. (KB)
- b. *Le mala me mîvan hene.* (KD)
Li mala me mêvan hene. (KB)

Di (19 a,b) de diyar dibe ku di kurmanciya Deregezê de li cihê **li** û **ji** ya pêşdaçekêñ kurmanciya bakurî de, **le** û **je** tê bikaranîn.

(20) Guherîna dengê **a** û **e** di paşdaçekan de.

- a. *Va jî tê ye qêzê ra yeyê.* (KD)
Ev jî tê **bi** qêzê **re** dibêje. (KB)
- b. *Xani ye ser te wa bikevi.* (KD)
Xanî **bi** ser te **de** bikeve. (KB)

(21) Guherîna dengê dawiya lêker yan navdêran; **i** û **î** tê guhertin.

- a. *Hêstirê mi balgi şil kir.* (KD)
- b. *Sa xwe ra xani çêkiriye.* (KD)
- c. *Yekevi* → **dikeve**
- d. *Yewîni* → **dibîne**
- e. *Veyesêri* → **vedişêre**
- f. *Yexwîni* → **dixwîne**

(22) Guherîna dengê **e** û **i** di dawiya lêker yan navdêran de. Helbet dengê **e** di dawiya lêker yan navdêran de dikare weke dengê **i** yan ê bê bihîstin ku zêdetir nêzî dengê **i** ye.

- a. *Verdekevi/ê yewîni/ê* → **derdikeve dibîne**

(23) Guherîna dengdêra **o** bi **wî** di hin bêjeyan de.

- a. *Dwîtin* → *dotin*
- b. *Kwîr* → *kor*
- c. *Swîr* → *sor*
- d. *Twîj* → *toj*
- e. *Kwîn* → *kon*

(24) Guherîna dengê **o** û **î** di hin bêjeyan de.

- a. *Rîvî* → *rovî*
- b. *Firîtin* → *firotin*
- c. *Mîrî* → *morî*
- d. *Kîvî* → *kovî*

Li gor daneyên herêma Derergezê û bi berawirdkirina wan daneyan ligel kurmanciya bakurî re tê dîtin ku guherîn di nava dengdêran de heye; li gor mînakan du guherînên berbiçav têr dîtin;

1- Di kurmanciya bakurî de **di** tê pêsiya reha dema niha û lêkera dema niha pê tê dariştin, lê di kurmanciya Deregezê de ev pêşgir weke **de** xwe nîşan dide. Mînak:

Dixwim → *dexwim*

Dikim → *dekim/dekem.*

2- Guherîna pêşdaçekên **ji** û **li** ye ku di kurmanciya Deregezê de weke **le** û **je** têr dîtin. Weke mînak:

Le vira → *li vir*

Je mal têm → *jî male têm*

Wek ku ji mînakan jî xuya dibe ferq û guherînên binyadî di dengnasiya kurmancî ya Deregezê de bi vî rengî ne niha ev yek dikare bê pirsîn ka gelo bêjesaziya kurmancî ya devera Deregezê bi çi rengî ye? Gelo guherîn di bêjezasiya

devera navborî de jî çêbûye û eger erê, bi çi awayî ye?

3.2.Bêjesazî (Morphology)

Li gor çarçoveya teorîk ku di beşa duyem de heye, bêjesazî di kurmancî de mijareke berfire ye û gelek hêman dikarin li ser bêjesaziya kurmancî bandorê dayînin; nîşankirina rewşê (tewang), nasyarî û nenasyarî, zayend û hinek ji van hêmanan in. Niha mijarên teorîk yên işaretpêkirî, li gor mînak û daneyênera Deregezê dê were nîşandan ka gelo kurmanciya devera navborî bi çi rengî ye.

3.2.1. Nîşankirina rewşê (Case marking)

Hêmanênera weke kara û berkarê li ser çemandina lêkeran tesîrê çêdikin. Di zimanekî weke ingilîzî de, lêker tenê li gor karayê tê çemandin ku bi vî zimanî re dibêjin akuzatîv. Zimanekî weke kurmancî jî heye ku lêkerên wî li gor têper û têneperbûnê û dema lêkerê tê çemandin. Kurmanciya bakurî weke zimanekî ergatîv-absolutîf (nîv-ergatîv) di nîşankirina rewşê de ye û girêdayî têper yan têneperbûna lêkerê û dema lêkerê ye. Bi giştî di zimanênera ergatîv de kara ya lêkerên têneper û berkara (object/patient) lêkerên têper bi awayekî kod dîbin. Ev rewşa di kurmanciya Deregezê de (ji bilî hin awarteyênera ku dê li jêrê bênen ravekirin) nehatiye guhertin û weke kurmanciya bakurî xuya dike.⁹³

(25)

- a. *Ez hatim.* (karaya lêkereke têneper)
- b. *Te ez dîm.* (Berkara / patient) lêkereke têper.

(26) Dema niha

- a. *Dilber nameyekê deşîni.* (KD)
- b. *Ferhad avê vedexwe.* (KD)

⁹³ محمد، تقوی، مقایسه نظام های حالت دهی گویش کرمانجی ، ص. 44

⁹³ Geoffery Heig, *Alignment in Kurdish*, 2004.

⁹³ Robert Dixon, *Ergativity*, r. 1.

⁹³ Roşan Lezgîn, *Ji bo Kurmancan* r. 124.

(27) Dema borî

- a. *Dilberê nameyek şand.* (KD)
- b. *Berêt av vexwar.* (KD)

Li gor tarîfa zimanên absolûtîf-ergatîv, di dema borî ya lêkerên têper de, lêker bi berkarê re li hev dike. Helbet ev rewş di kurmanciya Deregezê de di hevokênu bi şexsa sêyem ya pirjimar de rastî tevliheviyeke rêzmanî bûye, helbet ev tevlihevî jî li gorî şexs û kesan tê guhertin, li gorî xebata meydanî di saheyê de ev mînakênu li jêrê hatin qeydkirin.

(28)

- a. *Wan tu dîn.* (KD)
- b. *Wan nan xwarin.* (KD)
- c. *Wan maşîn xera kirin.* (KD)

Di (28 a, b, c) de tê dîtin ku lêkerê têper li gorî berkarê nehatiye avakirin, diyar e ku lêker ketiye bin bandora karayê û bi awayekî pirjimar hatiye dariştin. Di kurmanciya Deregezê de rewşa ergatîv, tenê di şexsê sêyem yê pirjimar de ku di mînaka (28ê) de hatiye, tevlihevî derdikeve pêşıya me, helbet ev awa jî ne yeksan û hertimî ye, li gorî xebata meydanî axêveran wê herêmê hevokênu (28 b,c) bi du awayênu cihêreng jî saz dikirin, dihate dîtin ku lêkerê heman hevokan hem li gorî berkarê bê kişandin û hem jî li gorî karayê. Binêrin (29 a, b, c, d).

(29)

- a. *Wan nan xwar.*
- b. *Wan nan xwarin.*
- c. *Wan maşîn xera kir.*
- d. *Wan maşîn xera kirin.*

Herwisa hêmaneke din ku girêdayî mijara bêjesaziyê û dikare tesîrê li ser bêjesaziyê çêke, zayenda navdêran e.

3.2.2. Nîşankirina rewşê û zayendê (Case and Gender)

Di kurmanciya bakurî de nîşankirina rewşê herwisa bi zayendê re jî li hev dike. Kêmzêde di hemû devokên kurmancî de zayend bi awayekî xwe nîşan dide, li hin deverên weke Xorasanê û Gîlanê tevlihevî heye lê hîn bi giştî ji nav neçûye;⁹⁴ Bi taybet jî di zayenda nîr de dema em dixwazin rewşê nîşan bikin ev yek xwe nîşan dide û di bêjeyênu ku divê bêñ çemandin de, dengê berî dengê dawiyê eger **a** be, diguhere û dibe **î/ê**. Di bêjeyênu ku dengê berî dengê dawiya wan de dengdêra **a** tunebe di nîşankirina rewşa wan de ti guherîn pêk nayê yanî naçemin û rewşa wan nayê nîşankirin. Weke (31 c), navdêr nîr e û li gor zayendê divê rewşa wê jî bê nîşankirin, lê di navdêrêr nîr de ev mijar tevlihev bûye.

Di kurmanciya Deregezê de jî zayend hertim sabit nîne û gelek caran zayenda mî di frazênavdêrî de jî weke yên nîr têñ kodkirin. Ev mijar dema sazkirina frazênavdêrî bi giştî xuya dibe. Li gor daneyan dibe ku hin kes bibêjin *qelema sor* û hin kes jî bibêjin *qelemê sor*. Yanî ji bo zayendê gelek caran ti qaîde û usûl nayêni riayetkirin. Di mînakêni li jêrê de vê yekê mirov dikare bibîne.

(30) Dema niha

- a. *Sultan we wî ra dewê.* (KD)
- b. *Sultan bi wî re dibêje.* (KB)

(31) Dema borî

- a. *Sultîn/ Sultêن we wî ra go.* (KD)
 - b. *Sultêن bi wî re got.* (KB)
 - c. *Meme go.* (KD)
 - d. *Mihemedî got.* (KB)
 - e. *Ebêس we carê ra kire cirri.* (KD)
- Ebêس bi carê re (ji nêşka ve) deng kir.* (KB)

Taybetiyek di çemandina û nîşankirina rewşê de li Deregezê heye ku gelek

⁹⁴ Behruz Shujai, **The Kurdish of Gilan**, (teza çapnebûyî), Uppsala University 2000. r.17.

bêjeyên nêr dema têن çemandin, hemû dengêن **a** yên berî xwe jî diçemînin. Weke mînak;

(32)

- a. *Ez terime wêlêt* → ez terime welêt
- b. *Wêzîr go* → wezîrî got
- c. *Bêrêt* → berêt/beratî
- d. *Wêkîl* → wekîlî

Nîşankirina rewşa navdêrên nêr û mê bi rengê li jorê hate diyarkirin. Dane didin xuyakirin ku ji bo çemandin û nîşankirina navdêrên nêr ti qaide nîne û herwisa di kurmanciya devera Deregezê de tevliheviya zayendê jî çêbûye. Helbet zayend bi rengekî din jî xwe nîşan dide ew jî forma bangnîşanê ye ku li jêrê bi mînakan tê şirovekirin.

3.2.3. Bangnîşan (Vocative);

Herwisa bangnîşan jî yek ji mijarêن bibandor e li ser nîşankirina rewşê û bêjesaziyê. Di kurmanciya Deregezê de weke kurmanciya bakurî, di mijara bangnîşanê de nêr û mêtî jî tê diyar kirin. Di vê besê de teqrîben tevlihevî çênebûye û zayend bi rewşê ve li hev dikan.

(33)

- a. *Lo birev lê hat.* (KD)
Lo birev lehî hat. (KB)
- b. *Xwengê, tu le vira çi dekî!* (KD)
Xwengê tu li vir çi dikî! (KB)

Di kurmanciya Deregezê de bangnîşan bi awayekî din jî çêdibe; Zayend di vê rewşê de bi giştî diyar dibe û li gor daneyan, di vê mijarê de tevlihevî çênebûye. Yanî zayend di vê formê de heye û tevlihev nebûye.

(34)

- a. *Elêlo lawik, ka bavê te?* (nêr) (KD)
- b. Lawiko, ka bavê te? (KB)
- c. *Elêlê keçik, ka bisekin.* (mê) (KD)
- d. Keçikê, ka bisekin! (KB)

Bangnîşan û nîşankirina rewşê ji bo navên nêr û mê cuda ye:

- a. Heseno! (Dema bangî Hesen dikan)/nêr
- b. Zeynewê! (Dema bangî Zeynewê dikan)/mê

Bangnîşan ji bo pirjimar û herdu zayendan di kurmanciya Deregezê de bi paşgira *ino* çêdibe:

- c. *Xwengino! Hûn ji ku têñ?* (KD)
- d. Xwîşkino! Hûn ji ku derê têñ? (KB)

Daneyêن xebata meydanî yên herêma Deregezê di rewşa bangnîşanê de zayend hertim heye û tê dîtin ku di mijara bangnîşanê de nêr û mêtî tevlihev nebûye. Weke kurmanciya bakurî, di kurmanciya Deregezê de jî *o* bo nêr û *ê* bo mê xuya dike.

Ji aliye kî din ve bêjesazî di kurdiya bakurî de dikeve bin tesîra nasyarî û nenasyarîya navdêran.

3.2.4. Nasyarî (Definite)

Mijara nasyarî û nenasyarîya bêjeyan jî dikeve bin beşa bêjesaziyê û ji ber ku nasyar yan nenasyarbûna bêjeyan bandorê li ser bêjesaziyê datîne loma hewce ye li vir bê ravekirin.

Navdêr di kurmanciya bakurî de bi giştî hem di forma nomînatîv hem jî oblîk

de nasyar in.⁹⁵ Kurdiya Deregezê jî wisa ye. Eger paşgira nenasyyariyê li ser navdêran tunebe, nasyar e. weke mînak;

(35)

- a. *Em we hespê terinî çolê.* (KD)
Em bi hespê diçin çolê. (KB)
- b. *Em nikayninî baxan av bidinî.* (KD)
Em nikarin av bidin **baxan**. (KB)

Di (35 a, b) de du navdêren *hesp* û *bax* nasyar in, yanî ji bo bihîzer aşina ne. Li vir tê dîtin heta ku navdêr paşgira nenasyyariyê weke *ek* nestîne ew nasyar in û dema axêver behsa *hespê* yan *baxan* dike, ew wisa dizane ku bihîzer mebesta wî tê digihêje. Lê gel vê yekê nenasyarî jî heye.

3.2.5. Nenasyarî (Indefinite)

Dema ku paşgira nenasyyariyê *-ek* yan *-ine* li dawiya navdêran nasyar zêde bibin li gorî pirjimar yan yekjimarbüna navdêran, navdêren nenasyar çêdibin.

(36)

- a. *Eger mîrek je kelê here şehr, ba bêji.* (KD)
Eger mîrek ji gund biçe bajêr bila bibêje. (KB)

Ji bo navdêren yekjimar, di (36 a) de dema li navdêra “*mîr*”, “*ek*” bê zêdekirin ev navdêr dibe nenasyar û nediyar e ew *mîr* kî ye yanî gotinê axêver bo bihîzer xuya nake ka mebest kîjan mîrê gund e.

Paşgira *-ine* jî ji bo navdêren nenasyar û pirjimar tê bikaranîn. Di (36 c, d) de ev halet xuya dike û bihîzer ji axaftina axêver wisa tê digihêje ku hin hevalên wî hebûne lê tam nizane kîjan heval in yanî bihîzer wan hevalan nas nake.

⁹⁵ Mikail Bülbül, **Peyvrêzî di Frazê Navdêrî** ...r. 95. Herwiha bnr. Thackston, W. M., **Kurmanji Kurdish...** r.7.

- b. Hevaline mi hebûn. (KD)
Hevaline min hebûn. (KB)
- c. Pezine xwe kirîn û pê guzerana xwe kirin. (KD)
Pezine xwe kirîn û pê debara xwe kirin. (KB)

Tiştekî din ku bi meseleya nasyar û nenasnyariyê re têkildar e, zayend e, ku ev mijar jî divê bê berçavgirtin.

3.2.6. Nenasyarî û zayend (Indefinite and gender)

Bi giştî di kurmanciya Deregezê de ji bo zayenda navdêran tevlihevî çêbûye. Ihtimalen her nav dikare bi her awayî bê çemandin. Ji bo navdêrên nenasyar jî ev mesele derbasdar e.

Dema kesek bibêje: “hevalek min hebû.” Zayenda heval diyar nabe.

Yanî gelek caran ji bo navdêrên nenasyar -weke kurmanciya bakurî ku ji bo navdêrên nêr yên nenasyar /î/ û ji bo navdêrên nenasyar û mî /a/ yan /e/ tê dawiya navdêran,- ev yek di kurmanciya Deregezê de xuya nake.

(37)

- a. Lawikekê hejderha kuşt. (KD)
- b. Hevalek min hebû. (KD)
- c. Hevaleki min heye. (KD)
- d. Hevalekî min hebû. (KB)

Di kurmanciya Deregezê de partîkelên nenasnyariyê dema ku îzafe jî pê re tê çêkirin bi vî rengî ne:

- *Eki*: bo herdu zayendant → *lawikeki kurmanc go*.
- *Ek*: bo herdu zayendant → *hevalek mi hat*.

Nenasyarî û zayenda navdêran dikare bandorê li ser bêjesaziyê dayîne ku di

daneyan de hat ravekirin û wisa ku di mijara zayendê de jî hate şirovekirin, bi giştî zayenda navdêran -ji bilî mijara zayend di bangnîşanê de- tevlihev e û zayenda navdêrên nenasayar jî bi vî rengî tevlihev bûye û nêr û mêtîya navdêran nayê diyarkirin. Helbet mijara zayendê di cihnavêن vegerok de jî gelek caran tê diyarkirin û rewşa vegerokî jî dikare li ser bêjesaziyê bandor dayîne ku li jêr tê dîtin.

3.2.7. Vegerok (Referential)

Cihnavêن nîşandêriyê dema têن pêsiya navdêrekê û işaret bi wan navdêran dîkin, ev navdêrên işaretpêkirî jî partîkileke nû distînin ku gelek caran zayend xwe di wê partîkelê de jî nîşan dide. Vegerok li gor yekjimar û pirjimar û herwisa xwerû û oblîkbûnê hin partîkelan distîne. Mînak:

(38)	Xwerû	Oblîk
a. Yekjimar <i>Va heval-a</i>		<i>Vî jinikê</i>
b. Pirjimar <i>Van hevalana</i>		<i>Wan hevalan</i>

Di kurmanciya Deregezê de, di dawiya navdêrên xwerû û yekjimar de yêñ işaretpêkirî, *a* tê zêdekirin û bo herdu zayendan jî bi şiklekê ye û nayê guhertin. Herwisa bo navdêrên oblîk û yekjimar *ê* di dawiya navdêrên işaretpêkirî de tê zêdekirin. Bnr. (38)ê. Di mijara *vegerokê* de jî wisa ku dane nîşan didin zayend tevlihev bûye û bo navdêrên nêr û mêtîya ferq di bêjesaziya vegerokan de nîne.

3.2.8. Cihnav (Pronoun)

Bêjeyêñ ku cihê navdêran digirin cihnav in. Cihnav herwisa mêtîya û carinan jî zayenda navdêran dide zanîn. Çend cure cihnav weke cihnavêن kesîn, cihnavêن pirsîyariyê û cihnavêن nîşandanê hene.⁹⁶ Ji ber tesîra cihnavêن li ser bêjesaziya kurmancî li vir hemû cureyêñ cihnavan têن ravekirin;

⁹⁶ Celadet Alî Bedirxan, **Elfabêya kurdî & Bingeħa ...** 2002.r.71.

3.2.8.1. Cihnavêñ kesîn (Personal pronoun)

Cihnavêñ kesîn di kurmancî de du grûb in: Xwerû û Çemandî. Di kurmanciya Deregezê de jî bi vî rengî ne: Grûba ewil an xwerû di dema niha de û herwisa dema borî ya lêkerên têneper de rola kara (subject) li xwe digirin û grûba duyem yan çemandî di dema borî ya lêkerên têper de rola kara li xwe digirin.

Xwerû (direct)	Çemandî (oblique)
Ez	Mi/min
Tu	Te
Ew	wê/wî
Em	Me
Hûn	We
Ew/Ewna	Wan

Cedwela 4: Cihnavêñ kesîn di kurmanciya Deregezê de

3.2.8.2. Diyarkerâ nîşandêr (Demonstratives)

Xwerû (Nominative)		Çemandî (Oblique)
Nêzîk		Nêzîk
Yekjimar	Va	vî/viya
Pirjimar	Vana/evna	Vana
Dûr		Dûr
Yekjimar	Ew	wî/wê
Pirjimar	Ewna	Wan

Cedwela 5: Diyarkerâ nîşandêr di kurmanciya Deregezê de

Diyarkerâ nîşandêr bi xwe du cure ne, 1. Nêzîk 2. Dûr, herwisa nîşandêr weke cihnavêñ kesîn bi du formêñ xwerû û çemandî jî hene.

(39)

- a. *Va kî ye.* (KD)
Ev kî ye. (KB)
- b. *Vana harin.* (KD)

3.2.8.3. Cihnava vegerok (Reflexive pronoun)

Di kurmanciya bakurî de cihnava vegerok cihnava *xwe* ye. Ji ber ku kar li karayê vedigere jê re cihnava vegerok tê gotin. Cihnava “*xwe*” him ji aliyê zayend û him jî ji aliyê mêtjerê ve notr e. Hem dikeve cihê navdêrên yekjimar û pirjimar, him jî dikeve cihê navdêrên mê û nêr.⁹⁷

Di kurmanciya Deregezê de jî wek ku di mînakan de tê dîtin cihnava vegerok bi şiklê **xwe/xwa** têr derbirîn.

(40) Cihnavêr vegerokî

- a. *Sa lawî xwe yexwazi.* (KD)
Ji bo kurê xwe dixwaze. (KB)
- b. *Ez we xwa je êş têm.* (KD)
Ez bi xwe ji êş têm. (KB)

Di (40 a, b) de tê dîtin ku du formêr cihnava vegerok hatiye bikaranîn ku li gor daneyêr herêmî herdu awa jî têr bihîstin.

3.2.8.4. Cihnavêr pirsîyariyê (Interrogative pronoun)

Bêjeyêr ku bi rêya pirsê cihêr navdêran hem jî cihê cihnavan digirin, cihnavêr pirsîyariyê ne. Cihnavêr pirsîyariyê di nava hevokê de dikarin di rewşa pirjimar, yekjimar, xwerû û tewandî de bin.⁹⁸ Cihnavêr pirsîyariyê yêr di kurmanciya Deregezê li jêrê bi vî rengî ne:

- Çere
- Çima
- *Sa ci* → bo ci
- Çend
- Çiqes → çiqas

⁹⁷ Çetin Taş, **Waneyê Rêziman û Rastnivîsa Kurmancî**, Weşanxaneya Diwan, Stenbol, 2013.r.121.

⁹⁸ Hb. r.126.

- *Kîngâ*
- *Kî*
- *Kê*
- *Çi*
- *Kîjan*
- *Çendan*

3.2.8.5. Cihnavêñ likandî (Enclitics pronoun)

Ev cihnav tê dawiya lêkerê û dawiya daçekê û şûna bêjeya piştî lêker yan daçekê digire. Cihnavêñ likandî du grûb in.⁹⁹

(41)

Paşlêkerî:

- a. Min nan **da wî**: min dayê.

Paşdaçekî:

- b. Ez **je wî** qariyame: ez **jê** qariyame.
- c. Hey te **le wî** kir ha: hey te **lê** kir.
- d. Mi **je wî** pirsî: mi **jê** pirsî

Di mijara cihnavan de hewl hate dayîn ku hemû piraniya cihnavêñ berbelav yên aktîv di kurmanciya Deregezê de bêñ ravekirin û bi mînak û daneyan ew hatin diyarkirin, li gor daneyan û mînakêñ ku bi kurmanciya bakurî ve hatin berawirdkirin, wisa xuya ye ku di mijara cihnavan de zêde guherîn pêk nehatine û teqrîben her du devok di vê mijarê de yeksan in.

Herwisa dema mirov behsa gramera zimanekî dike, lêker roleke girîng di zimanen de digirin û di demên cuda de forma dariştina wan jî tê guhertin.

⁹⁹ Deham Ebdulfetah, **Cînva di zimanê kurdî de (kurmanciya jorîn)**, Enstîtûya kurdî ya Amedê, İstanbul, 2006. r. 63.

3.2.9. Lêker (Verb)

Ew bêjeyên ku kar, bûyer, çalakî, qewimîn û pêkanînê diyar dîkin lêker in. Kar û barê ku tê kîrin li lêkerê tê barkirin.¹⁰⁰ Di kurmancî de ji ber ku lêker li gorî kes, dem, kara û berkarê têñ sazkirin, bêjesaziya wan jî berfireh e.

Kurmancî weke zimanekî nominative-accusative e (nîvergatîv);¹⁰¹ lêkerêñ têper yêñ dema niha û lêkerêñ têneper di dema borî de wek hev tevdigerin. Li vir lêker û bêjesaziya lêkeran bi awayekî yeksan çêdibin.

- a. *Em dexwinî.* (KD)
Em dixwin. (KB)
- b. *Em deçûnî û dehatinî.* (KD)
Em diçûn û dihatin. (KB)

Li rexê din mijarek heye ku girêdayî lêkerê ye û “hebûn” yan “rewşa karayê” nîşan dide ku weke *kopula* têñ pênasekirin.

3.2.9.1. Kopula (Copula)

Lêkerêñ alîkar yêñ dema niha ku di ingilîzî de jî weke (am, is, are) têñ naskirin, li vir weke *kopula* hatine binavkirin. Du cure kopula di kurmancî de hene ku li gor dengê dawiya bêjeyê –dengdêr yan nedengdêr- tê guhertin.¹⁰²

1. Dema ku dengê dawiya bêjeyê nedengdêr be.

Yekjimar	Pirjimar
im	inî
î	in
e	in

¹⁰⁰ Hb. r.176.

¹⁰¹ Geoffery Heig, **Alignment in Kurdish: A Diachronic Perspective**, Zu Kiel Unisversity 2004. r.25.

¹⁰² Thackston, W. M., **Kurmanji Kurdish: A refrence grammar with selected readings**, Unpublished, Harvard University Press, Massachusetts 2006. r.30.

(42)

- | | |
|------------------------|-----------------------------|
| a. <i>Ez xizan im.</i> | d. <i>Em xizan inî.</i> |
| b. <i>Tu xizan î.</i> | e. <i>Hûn xizan in.</i> |
| c. <i>Ew xizan e.</i> | f. <i>Ewna/ew xizan in.</i> |
2. Dema ku dengê dawiya bêjeyê dengdêr be.

Yekjimar Pirjimar

me	nî
yî	ne
ye	ne

(43)

- | | |
|------------------------------|-----------------------------------|
| a. <i>Ez ji Xorasanê me.</i> | d. <i>Em ji Xorasanê nî.</i> |
| b. <i>Tu ji Xorasanê yî.</i> | e. <i>Hûn ji Xorasanê ne.</i> |
| c. <i>Ew ji Xorasanê ye.</i> | f. <i>Ewna/ew ji Xorasanê ne.</i> |

Li gorî mînakêñ (42 d) û (43 d) di kopulayê de tê dîtin ku di kesê yekem ya pirjimar de ferq di navbera kurmanciya Deregezê ê û kurmanciya bakurî de heye.

Li aliyê din têkildarî mijara lêkerê, nerêñkirina lêkeran jî heye ku li ser dariştina lêkerê di forma nerêñ de tesîrê çêdike û herwisa bêjesazî jî ji vê yekê bandorê digire.

3.2.9.2. Nerêñî (Negation)

Nerêñkirina lêkeran di kurmanciya Deregezê de bi *ne* yan *na* tê avakirin.

Erêñî Nerêñî

Dexwazi naxwazi

Bixwazi nexwazi

Herwisa di KD de ji bo nerêñîkirinê forma fermanî ya lêkeran, gelek caran pêşgira *me-* li cihê *ne-* tê bikaranîn.

- a. *Mere* (KD) → nere (KB)
- b. *Meke* (KD) → neke (KB)
- c. *Mexwe* (KD) → nexwe (KB)

Li kurmmanciya Deregezê nerêñîkirina hevokê bi du haletan çêdibe ku haleta duyem zêdetir li kar e.

(44) Haleta yekem

- a. *Em ne dew inî ku hûn me vexwin.* (KD)
Em ne dew in ku hûn me vexwin. (KB)

(45) Haleta duyem

- a. *Em dew nininî ku hûn me vexwin.* (KD)
Em ne dew in ku hûn me vexwin. (KB)
- b. *Em le mal newûnî ku hûn hatiwûn.* (KD)
Em ne li malê bûn ku hûn hatibûn. (KB)

Ligel vê yekê taybetiyek di kurmanciya Deregezê de heye, dema ku şexsê ewil ya pirjimar be; Gelek caran cihnavê kesîn ji bo hevokê nayê bikaranîn. Li mînakän binêrin:

(46)

- a. *Dexwinî.* (KD)
Em dixwin. (KB)
- b. *Terinî.* (KD)
Em terin/diçin. (KB)
- c. *Em xwarinê/i.* (KD)
Wan em xwarinê/em hatine xwarin. (KB)

Di vê demê de hebûna cihnavê zêde girîng xuya nake. Dibe ku ji ber hebûna

“î” di “inî” de, ev diyarde bi vî rengî ava bûye. Lê li gor axaftina wê herêmê, bêyî cihnavê jî hevok wateya xwe digihîne bihîzer.

Li vir lêkera “dayînê” li gor deman tê kişandin:

a. Dema niha

Yekjimar Pirjimar

Ez deyem. Em deyinî.

Tu deyî. Hûn deyin.

Ew deye. Ewna deyin.

b. Dema niha ya şertî

Yekjimar Pirjimar

Ez bidim. Em bidinî.

Tu bidî. Hûn bidin.

Ew bide. Ewna bidin.

c. Dema borî

Yekjimar Pirjimar

Mi da Me da.

Te da. We da.

Wî/wê da. Wan da.

d. Dema boriya çîrokî

Yekjimar Pirjimar

Mi daye. Me daye.

Te daye. We daye.

Wî/wê daye. Wan daye.

e. Dema boriya domdar

Yekjimar Pirjmar

Mi deda. Me deda.

Te deda. We deda.

Wî/wê deda. Wan deda.

f. Dema Boriya temam

Yekjimar Pirjimar

Mi dabû. Me dabû.

Te dabû. We dabû.

Wî/wê dabû. Wan dabû.

g. Dema boriya şertî

Yekjimar Pirjimar

Min bidaya. Me bidana.

Te bidaya. We bidana.

Wî/wê bidaya. Wan bidana.

Herwisa demek di kurmanciya Deregezê de heye ku di kurmanciya bakurî de nayê dîtin. Ev dem jî dema niha ya berdest e.

h. Dema niha ya berdest

Yekjimar Pirjimar

Ez ê deyim. Em ê deyinî.

Tu ê deyî. Hûn ê deyin.

Ew ê deye. Ewna ê deyin.

Ligel vê yekê di kurmanciya Deregezê de dema bê (ayende/dahatû) xuya nake. Wisa diyar e ku ji bo çêkirina dema bê ji dema niha û hin bêjeyên alîkar sûdê werdigirin. Weke mînak;

(47)

a. *Ez sibe têm.* (KD)

Ez dê sibe bêm. (KB)

Di mînaka (47 a) de bêjeya *sibe* bi awayekî semantîk dide xuyakirin ku ev bûyer dê di dema bê de çêbibe. Herwiha li gor daneyên herêmî di kurmanciya Deregezê de dema bê jî nehatiye dîtin.

Têkildarî bêjesaziyê di kurmancî de rengdêr jî herwisa li ser vê mijarê bibandor e ku pêwîst e bi baldarî li rengdêran were nêrîn.

3.2.10. Rengdêr (Adjective)

Rengdêr bi giştî ji bo ravekirina navdêran bi kar têñ. Di kurmancî de rengdêr di bi du awayan têñ bikaranîn.¹⁰³ Wek ku di mînakêñ jêrê de dê were nîşandan, du

¹⁰³ Celadet Alî Bedirxan, **Elfabêya kurdî & Bingeħa ...** 2002. r. 89.

cureyên rengdêran hene ku dikarin navdêran rave bikin û bi vî rengî dikarin bêjeyan li gor zayenda wan bi şikleke nû darêjin. Yanî dema partîkeleke nû dikeve navbera rengderek û navderekê, îzafeyek jî lê zêde dibe û bêjesaziyeke nû pêk tê. Li gor daneyên kurmanciya Deregezê du formên bikaranîna rengdêran hene:

- a. Rengdêr bi navdêran re tên bikaranîn û wesfandinê dikan.

Mînak: Gula **sor**, **kîjan** heval, bêhna **xwes**, şeş qelem, **ti** kes,

- b. Weke pêveber tên bikaranîn.

Mînak: Hewa **xwes** e. Ew lawika **jîr** e.

Dema rengdêr bi navdêran re tên bikaranîn, carinan berî navdêran (pre-nominal) û carinan jî piştî navdêran (post-nominal) tên û wesfandinê dikan.¹⁰⁴

Mînak: Qelema sor, di vê frazê de *qelem* hatiye ravekirin. Yanî *sor* rengdêr e ku *qelem* rave kiriye.

3.2.10.1. Rengdêrên berawirdî (Comparative Adjectives)

Ji bo berawirdkirina du tiştan û sazkirina rengdêrên berawirdî di kurmanciya Deregezê de paşgira *-tir* li rengdêran tê zêdekirin û rengdêra berawirdî çêdibe.

- a. *Şehr je kelan girtir* in. (KD)

Bajar ji gundan mezintir in. (KB)

3.2.10.2. Rengdêrên bala (Superlative Adjectives)

Ji bo berawirdkirin û çêkirina rengdêra bala di kurmanciya Deregezê de ji bilî paşgira *-tirîn* bi awayekî din jî rengdêra bala çêdibe ku zêdetir ev halet tê bikaranîn ku ew jî bi rengî ye.

Je gêstantir / je kullantir

¹⁰⁴ Çetin Taş, **Waneyê Rêziman...**2013.r.102.

- a. Kelê me **je kulli** kelan mezintir e. (KD)
 Gundê me ji gist gundan mezintir e. (KB)
 Gundê herî mezin gundê me ye. (KB)
- b. Hevalê min î kurmanc **je gêşti** hevalê min rindtir e. (KD)
 Hevalê min ê kurmanc ji gişt hevalên min rindtir e. (KB)
 Baştırîn hevalê min kurmanc e. (KB)

Di dewama mijara berfireh a bêjesaziyê de herwisa rewşa rêzkirina du navdêr yan çend navdêran li pey hev û tesîra vê yekê li ser teşegirtina bêjeyan jî tê pêsiya mirov ku ev mijar weke *îzafeyê* tê pênaskirin.

3.2.11. Îzafe (the Îzafe construction)

Îzafe dengderek e yan gireyek e ku di navbera du navdêran de dibe lînk û wan herdu navdêran li hev girê dide.¹⁰⁵

Mînak: Hevalê min

Li vê mînakê “heval” raveber (headnoun) e, “ê” îzafe yan lînk e, “min” raveker (modifier) e.

Îzafe di kurmanciya Deregezê de weke kurmanciya bakurî nîne û hertim li gel zayendê li hev nake. Gelek caran bêjeyên mê jî bi forma bêjeyên nêr çêdibin. Çend cureyên avakirina îzafeyê di kurmanciya Deregezê de hene ku li jêrê tê dîtin:

Ê: ji bo bêjeyên nêr û mê

Î: ji bo bêjeyên nêr û mê.

a: ji bo bêjeyên mê.

Êne: ji bo pirjimariyê

¹⁰⁵ Geoffery Heig, **Alignment in Kurdish...**2004. r.77.

(48)

- a. *Dilî wî meşkên.* (KD)
Dilê wî meşikên/neşikên. (KB)
- b. *Lawî paşê qêzê te hildegiri.* (KD)
Lawê padışêh qêza te hildigire. (KB)
- c. *Nika navî wî haka verketiye.* (KD)
Niha navê wî wiha derketiye. (KB)
- d. *Diyî te çi got?* (KD)
Diya te çi got. (KB)
- e. *Diya te le mal e.* (KD)
Diya te li male ye. (KB)
- f. *Hevalêne mi hatin ez birim.* (KD)
Hevalên min hatin ez birim. (KB)

Di (48) de mînak û hevokên curbicur ji kurmanciya Deregezê tê dîtin, di mijara ïzafeyê de jî tevliheviya zayendê heye û têkçûna zayendê tê dîtin, li jêrê ïzafeya frazên navdêrî yên nenasyar jî tê şirovkirin.

Dema ku ïzafeya navdêrên nenasyar çêdibe, di kurdiya Deregezê de dîsa guherînek heye ku li gor mînaka (49) tê zelalkirin. Helbet ev guherîn zayendê jî tevlihev dike. Di van nimûneyan de tevliheviya zayendê tê dîtin.

- (49) **i:** ji bo navdêrên nêr û mêtê û nenasyar
- a. Hevaleki mi heye.
 - b. Kurdeki Efqanistanê hatibû Ìranê.

Daneyê dêşmana ïzafeya nenasyar û zayend nîşan didin ku di vê mijarê de jî tevlihevî û têkçûna zayendê çêbûye.

Bêjesazî di kurmancî de gelek berfireh e û gelek hêman dikarin li ser bêjesaziya kurmancî bibandor bin. Mijarê sereke yên weke nîşankirina rewşê, ergatîvîtî, bangnîşan, cihnav, nasyarî û nenasyarî, lêker, rengdêr û herwisa ïzafeya

kurmancî hatin ravekirin. Herwisa ferq û cudahiyêner sereke di navbera kurmanciya Deregezê û kurmanciya bakurî de li gorî daneyan hate dîtin ku mijara zayendê bi formeke sabit û biqaîde nîne, yanî tevliheviyek di mijara zayendê de pêk hatiye. Di mijara li pêşê de behsa hevoksaziya kurmancî û herwisa peyvrêziya kurmacî tê pêşkêşkirin.

3.3. Hevoksazî (Syntax)

Hevoksazî rîbaza pevgirêdana morfeman ji bo sazkirina yekeyeke mezintir e.¹⁰⁶ Ev şaxeke girîng ji zanista zimannasiyê ye. Pevyrêziya hevoksaziyê li ser wate û mebesta hevokê gelekî tesîrê çêdike. Yanî bi çend peyvîn taybet mirov dikare hejmarek hevok saz bike ku her yek ji wan wateyeke xwe ya serbixwe hebe.

3.3.1. Peyvrêzî (word order)

Peyvrêzî di kurmanciya Deregezê de bi vî rengî xuya dike.

SOV: Subject+Object+Verb

Ev “rêz” herwiha di kurmanciya bakurî de jî tê dîtin. Yanî bi termên kurdî Kara+berkar+lêker → (KBL) ye.

Hevokêne sade:

Lêkerên têneper di hemû deman de û lêkerên têper di dema niha û bê de ji hêla hejmarê va li gor karayê ne. Ev kara ci cihnav be û ci jî navdêr be ferq nake. Lêker bi awayekî giştî piştî kara û berkarê di dawiya hevokê de tê:

- a. *Ez wî dewînim.* (KD)
Ez wî dibînim. (KB)
- b. *Azad we Berêt ra çû.* (KD)
Azad bi Berêt ra çû. (KB)

¹⁰⁶ Suzette-Elgin Haden, **What Is Linguistics...**, 1973. r. 21.

- c. *Xelk jê detirsiyan.* (KD)
Xelk jê ditirsiyan. (KB)
- d. *Ez elan je mal têm.* (KD)
Ez niha ji male têm. (KB)

Berkarêñ xwerû û yên nexwerû piştî lêkerê tên. Weke mînak;

- a. *Zerger şûr deye hevalê xwe.* (KD)
Zêrker şûr dide hevalê xwe. (KB)

3.3.2. Bingihanek (Relative clause)

Frazêñ bingihanekî bi awayekî giştî bi **ku/ki** çêdibin ku di kurmanciya bakurî de jî bi heman awayî tê dîtin.

- a. *Çar bost zemînê me hebûyana ku nika wezê me haka newû.* (KD)
Çar bihost erdê me hebûna ku niha rewşa me wisa nebû. (KB)
- b. *Le mal rûnî ku tiştekê nawînî.* (KD)
Li male rûnî ku tiştek nabînî. (KB)
- c. *Ez hatim ku wê biwînim.* (KD)

Hin fraz, bêyî bingihanekan jî dikarin çêbibin. Weke mînak;

- a. *Lawikê le derê kelê, birayê min e.¹⁰⁷* (KD)
Lawikê li gund, birayê min e. (KB)

Hin caran bingihanek dikare piştî cihnavê were. Weke mînak;

- a. *Yê **ku** xwedê nas nakin xwîn kirine dilî me.* (KD)
Ê ku xwedê nas nakin xwîn kirin dilê me. (KB)
- b. *Yê **ku** kuştin cînarê me wû.* (KD)

¹⁰⁷ Di nava kurdêñ herêma Xorasanê de bêjeya “kele” li cihê “gund” tê bikaranîn, wek ku ji mêmariya kelehan diyar dibe, hemû keleb bi dîwarên bilind dihatin dorpêçkirin û deriyek yan çend deriyen mezin jî lê datanîn ji bo hatûcûya rîwiyan. Li Xorasanê bi deriyê kelebê ra dibêjin “Derwaze”.

Ê ku hate kuştin cîranê me bû. (KB)

Dane nîşan didin ku hevokên ku bi bingihaneka ***ku*** tê çêkirin di kurmanciya bakurî û kurmanciya Dergezê de bi heman awayî ne. Lî li rexê din forma tebatî ya hevokê heye ku pêwîst e bê berçavgirtin.

3.3.3. Forma tebatî (Passive)

Dema forma têper (transitive) ya lêkeran tê bikaranîn, bûyerek tê derbirîn ku girêdayî du tiştan an du kesan e. Rêya herî hêsan ji bo bikaranîna van lêkeran forma lebatî (active) ye. Bûyer an tiştê bûyî û kirî ji aliyê kara ve pêk hatiye ku li ser berkarê bandor daniye;

Herwisa hevok bi awayekî tebatî (passive) jî tê sazkirin, cureyeke taybet ji lêkerê dikare bê bikaranîn ji bo çêkirina forma tebatî. Di vê formê de balabihîzer û muxateb tenê diçe ser kar û emela bûyî, yanî karê bûyî girîngtir ji vê yekê ye ku bihîzer bixwaze zanibe ku ev kar ji aliyê kê ve hatiye kirin.¹⁰⁸

Di kurmanciya bakurî de bi rêya lêkera *hatin* û herwisa raderê (infinitive) ev cure dêşman tê avakirin.¹⁰⁹

Lebatî (Active): Ez xwarinê çêdikim.

Tebatî (passive): Xwarin tê çêkirin

Forma tebatî di kurdiya Deregezê de weke kurdiya bakurî bi lêkera alîkar ya *hatinê* tê sazkirin lê bi giştî meyla hevokan ber bi sadebûnê ve diçe yanî meyla hevokan zêdetir li ser forma lebatî ye. Di axaftina rojane de formên tebatî gelekî kêm tê dîtin.

Di kurmanciya Deregezê de dêşmana tebatî li gorî deman bi vî rengî ye.

¹⁰⁸ Hayes, Bruce, **Introductory Linguistics**, University of California, Los Angeles, 2010. r. 236.

¹⁰⁹ Dorleijn, Margareet, **The decay of Ergativity in Kurmanji**, Tilburg University Press 1996, r.42.

Dêşmana tebatî di dema niha de

- a. *Ez tême dînê.* (KD)

Ez têm dîtin. (KB)

Dêşmana tebatî di dema borî de

- a. *Le van çolana xwînê me hatiye rijandinê.* (KD)

Li van çolan xwîna me hatiye rijandin. (KB)

Dêşmana tebatî di dema bê de

- a. *Gerek em bêwin kuştinê ku hûn fam kin em jî henî.* (KD)

Divê em bêñ kuştin ku hûn fam bikin em jî hene. (KB)

Wek ku di mînakîn de tê dîtin, forma tebatî di kurmanciya Deregezê de weke kurmanciya bakurî tê sazkirin û herwisa mirov dikare yeksaniya her du devokan bibîne.

Ji agahiyêñ derbarê kurmanciya Deregezê de ku bi mînakêñ herêmî hate ravekirin, tê dîtin tevî dûrbûna herêma Xorasanê ji deverêñ din ên kurdnişîn zimanê wê herêmê nehatiye asimîlekîrin û gelek taybetiyêñ devoka kurmancî ya herêma Deregezê û devoka kurmancî ya bakurî yeksan in. Li aliyê din ev lêkolîn heta radeyekê dikare ferq û cudahiyêñ esasî di navbera du devokan de jî derxê pêsiya me û hêviya me ev e ku ev xebat ji bo lêkolînêñ berawirdî di navbera devokêñ kurmancî yên cihêreng de bibe çavkanî.

ENCAM

Di vê xebatê de li gor çavkanî, agahî û mînakên ku li jorê hatin dayîn em gihişîtin hin encamên serekî;

Wisa hate dîtin ku kurd li welatên Tirkîyê, Îran, Iraq, Sûriye, Qefqaziya û gelek welatên ewropî û hin welatên Sowiyeta berê dijîn ku li gorî dabeşbûna wan li ser gelek welatan herwisa zêderengiyek di diyalektên zimanê kurdî de jî pêk hatiye. Zimanê kurdî ji pênc diyalektên serekî pêk tê ku weke kurmancî, soranî, zazakî, goranî û kurdiya başûrî tê binavkirin.

Li rexê din her yek jî van diyalektan jî li ser çendîn devokan têne dabeşkirin. herwisa kurmancî ji hêla hejmara axêverên xwe ve yek ji diyalektên serekî ya zimanê kurdî ye ku bi xwe li ser sê devokên serekî hatiye dabeşkirin. Kurmanciya rojavayî, kurmanciya navendî û kurmanciya rojhilatî devokên eslî yên diyalekta kurmancî têne hesibandin. Devoka kurrmancî ya Xorasanê jî weke devoka kurmanciya rojavayî hatiye pênasekirin.

Li gor çavkaniyê ber destan ku huzûr û hebûna kurdan li Xorasanê destnîşan kirine, encamek wisa derdikeve pêş ku berî koça kurdan di serdema Sefewiyan de jî kurd li Xorasanê hebûne û piştî ku Sefewiyan desthilata Îranê girtine destê xwe ji bo parastina sinorê Xorasanê li hemberî hêrişa tirkmanan û uzbekan gelek ji eşîrên kurdan koçberî vê deverê hatine kirin ku bi derbasbûna salan re li wir cihê xwe girtine û jiyana xwe berdewam kirine.

Çîroka dirêj ya koça axêverên vê devokê, gelek tesîr li ser zimanê wan daniye. Guherînên zimanî, ferhengî, term û herwisa fonolojîkal li ser diyalekta kurmancî ya Deregezê çêbûye. Derbasbûna demê û dûrbûna ji deverên din yên kurdnişîn, dikare bi her awayî tesîrê li ser zimanî dayîne xuya ye ku vê yekê bandor li ser kurmanciya Deregezê daniye. Di vê lêkolînê de li gor mînak û daneyan diyar dibe ku guherînên berçav û berceste bi vî rengî ne:

- a. Guherîna dengdêra “î” û “e” di daçekan de. Pêşdaçekên “ji” û “li” hertim weke **le** û **je** tên dîtin û bihîstin.
- b. Wisa ku di kurdîya bakurî ya Hawarê de heye, qertafa çêkirina dema niha ku lêker pê saz dîbin “**di**” ye lê di kurdîya herêma Deregezê de ew qertaf “**de**” ye.
- c. Di kurmanciya Deregezê de guherînên herî zêde di beşa dengnasiyê (phonology) de pêk hatine.
- d. Îzafeya pirjimar di kurmanciya Deregezê de ne wek kurmanciya bakurî ye û bi qertafeke cudatir saz dibe. Di kurmanciya bakurî de “**ên**” û di kurmanciya Deregezê de “**ene**” ye.
- e. Îzafeya yekjimar bi sê forman çêdibe, ku forma çêbûna îzafeyê bi dengê “**î**” li Deregezê berbelav e.
- f. Kopulaya (lêker) pirjimar şexsê yekem “**inî**” ye. Ku di vê haletê de gelek caran cihnav jî di hevokê de nayê bikaranîn. Yanî di vê rewşê de kurmnaciya Deregezê cihnavavêj (pro-drop) e.
- g. Di kurmanciya wê herêmê de zayend tevlihev bûye û di gelek cihan de bi giştî zayenda bêjeyan nahê famkirin. Tenê di rewşa bangnîşanê de zayend li gorî nêr û mîtiyê tevlihev nebûye û hertim bi rêzik û qaide tê dîtin.
- h. Li gor daneyan û mînakên herêmî, di kurmanciya Deregezê de dema bê ya lêkeran nîne û ev form bi hin bêjeyên alîkar bi awayekî semantîk tê avakirin.

Li aliyê din ji bo deşifrekirina çîrokan û dengên qeydkirî, alfabetîya Bedirxanî kamil nîne û ji bo veguhestina hemû dengan pêwîstî bi alfabetîyekê heye ku hemû dengên zimanê kurdîya kurmancî di nava xwe de bihewîne.

Herwisa hebûna ferhengeke kamil a kurdî-kurdî pêwîst e, ji ber firehrengbûna devok û dîyalektên kurdî, girîngiya hebûna ferhengeke kamil xwe zêdetir nîşan dide.

Tevî ku hin guherînên giştî jî li ser sentaksa kurmanciya Deregezê çêbûne jî

dema mirov hûr û kûr bala xwe dide ser zimanê wê herêmê guherînên fonetîk zêdetir têñ berçavan. Meseleyeke din jî ku di herêma Deregezê de heye, tesîra zimanê farsî ye ku ji ber bi rojnebûna zimanê kurdî li wê derê, bêjeyêñ fermî bi awayekê giştî tevî zimanê kurdî bûne. Gelek bêjeyêñ ji bo teknîkê û teknolojîyê rasterast ji zimanê farsî hatine nava kurmanciya Deregezê. Meseleya guherînên fonetîk dikare bibe mijara tezeke din ka gelo di maweya 5 sedeyan de ji dîroka koçkirina kurdan ber bi Xorasanê ve çîma guherîn zêde di beşa dengnasiyê de pêk hatiye?

Weke encam dikare bê gotin kurmanciya Deregezê ku parçeyek ji kurmanciya Xorasanê ye, kurmanciya bakurî ye û tevî hin guherînên ku bi sedemên curbicur di zimanê vê herêmê de pêk hatine hîn dêşman û taybetiyêñ kurmanciya bakurî di zimanê wê herêmê de parastî mane.

ÇAVKANÎ

Ali Madih, Abbas, **The kurds of Khorasan**, Iran and the Caucasus Vol. 11, No. 1. 2007.

Aydogan, Mistefa, **Rêbera Rastinvîşnê**, İstanbul, Rûpel, 2012.

Bedirxan, Celadet Alî, **Elfabêya kurdî & Bingeha Gramera Kurmancî**, Nefel, Stockholm 2002.

Aronoff, Mark and Rees-Miller, Janie, **the Handbook of Linguistics**, Blackwell Publishers Oxford, 2003.

Bülbül, Mikail & Baran, Bahoz, **Rêzimana Kurmancî**, Weşanên Enstîtuya Kurdî ya Amedê, İstanbul 2008.

Bellew, Henry Walter, From the Indus to the Tigris, A Narrative of a Journey Through the Countries of Balochistan, Afghanistan, Khorassan and Iran, London, Trübner Co. 1872.

_____ **an Inquiry into the Ethnography of Afghanistan**. Prepared and presented to the Ninth International, Congress of Orientalists, London, Oriental University Institute. 1891.

Blake, Barry J. **Case, Second edition**, Cambridge, United Kingdom, 2004.

Botî, Kamêran, **Ferhenga Kamêran Kurdî-Kurdî**, Spîrêz, Duhok, 2006.

Bülbül, Mikail, **Peyvrêzî di Frazê Navdêrî de (Devoka Mêrdînê)**, The Journal of Mesopotamian Studies, C: 2/1, Zivistan 2017.

Baran, Bahoz, **Rêzimana kurmancî**, Belkî, İstanbul, 2012.

B. Fraser, James, **Journey into Khorassan**, London, 1821.

Celîl, Celîl & Şadkam, Gulê, **Sêxiştiyêñ Kurmancî Xorasan**, Enstîtûya kurdzaniyê, Wien 2012.

Demîrhan, Umîd, **Ferhenga destî**, Sewad, İstanbul, 2007.

Demirhanî, Umîd, **Taybetiyêñ kurmanciya Xoresanê** kovara Zend h. 20, 2013.

Dixon, Robert, **Ergativity**, Cambridge University Press, Cambridge, 1994.

Dorleijn, Margareet, **The decay of Ergativity in Kurmanji**, Tilburg

University Press 1996.

D. Îzolî ferheng Kurdî-Tirkî, Türkçe-Kürtçe, Weşanêñ deng, Çapa 7, Stenbol, 2013.

Ebdulfetah, Deham, Cînva di zimanê kurdî de (kurmanciya jorîn), Enstîtuya kurdî ya Amedê, İstanbul, 2006.

Elewîferd, Yehya, Selpe û Sêv, Emû Elewî, Qum, 2012.

Emîn Zekî Beg, Mohemed, Kurtiyek ji Mêjûwa Kurd û Kurdistan Ji Destpêkirina Mêjûwê Tanî vê Rojê, Wergêr: Dr. M. S. Cuma, Berlin, 1994.

Farqînî, Zana, Ferhenga Kurdî-Tirkî, Enstîtuya Kurdî ya Stenbolê, Çapa 4, Stenbol, 2013.

Fromkin, Victoria, Rodman, Robert, Hyams, Nina, **an Introduction to Language, Ninth Edition**, Wadsworth, Cengage Learning, 2011.

Garnik, Asatrian, “Prolegomena to the Study of the Kurds”, **Iran and the Caucasus**, 2009, 13.

Givon, T., **Syntax: a Functional Typological Introduction Vol 1, 2**, Philadelphia, Joun Benjamin Publishing company, Amsterdam 1984-1990.

Haig, Geoffery, **Alignment in Kurdish: A Diachronic Perspective**, Zu Kiel Unisversity 2004.

Haig, Geoffery & Opengin, Engin, **Kurmanji Kurdish in Turkey**, Harrassowitz, Wiesbaden 2015.

Haig, Geoffrey, Öpengin, Ergin, **Kurmanji Kurdish in Turkey: structure, varieties, and status**, Bulut, Christiane (ed.) Linguistic Minorities in Turkey and Turkic speaking minorities of the peripheries. Wiesbaden: Harrassowitz, Pre-publication draft, November 2015.

Haig, Geoffrey, **on the Interaction of Morphological and Syntactic Ergativity Lessons from Kurdish**, Research Centre for- Linguistic Typology, Australian National University, Australia, 1998.

Hayes, Bruce, **Introductory phonology**, Blackwell, West Sussex, 2009.

Hayes, Bruce, **Introductory Linguistics**, University of California, Los Angeles, 2010.

Hajîyan, Abdollah û Demîrhan, Umîd, **Gulbijêrek ji çand û wêjeya**

Kurdê Xorasanê. *Fritillaria Kurdica*, 2017. 16.

Haden, Suzette-Elgin, **What Is Linguistics?** PRENTICE-HALL, New Jersey, 1973.

Kurdo, Qenatê, **Rêzimana Kurdî (Kurmancî û Soranî)**, çapa yekem, Weşanxaneya Nûbihar,?, 2013.

L. Chyet, Michael, **Ferhenga Kurmancî-Ingilîzî**, Yale University, New Haven and London, 2003.

Lezgîn, Roşan, **Ji bo Kurmancan bi Awayê Muqayeseyî Gramera Kirdikî (Zazakî)**, Roşna, Stenbol 2013.

MacKenzie, D. N., **Kurdish dialect studies, Vol. II**, Oxford University Press, London 1962.

Malmîsanij, M., **Kürtçede Ses değişimi**, Vate, Stenbol 2013.

Muhammad, Husein, **Parvekirina devokên kurmancî**,
<https://zimannas.wordpress.com/2015/07/06/parvekirina-devoken-kurmanci/diroka>
Dîroka Têketinê: 10.7.2017.

Muhammad, Husein, Rengdêr di zimanê kurdî de, **Kanîzar**, kovara zimanê kurdî, hejmar 12, 2017.

Marcus, Kracht, **Introduction to Linguistics**, Department of Linguistics UCLA, Los Angeles 2004.

Mukriyanî, Gîwî, **Ferhenga Kurdistan kurdî-kurdî**, Enstîtuya kurdî ya Amedê, Amed, 2004.

Norde, Muriel and de Jonge, Bob, **Language Contact: New perspectives**, Cornelius Hasselblatt, Amsterdam, 2010.

Opengin, Ergin, **Pirsên Rênívîsa Kurmancî: pêdaçûnek rexneyî li ser rêbera rastnivîsinê ya Mistefa Aydogan**, Derwaze, Vol 1. Stenbol, 2017.

Oberling, Pierre, **Khorasan i. Ethnic Groups**, Encyclopedia Iranica, 2008.

<Http://Www.Iranicaonline.Org/Articles/Khorasan-1-Ethnic-Groups> Dîroka
Têketin:12.07.2017

P. Hayes, Bruce. **Introductory Linguistics**, Department of Linguistics, University of California, Los Angeles 2010.

Rostemî, Feramerz, **Yêksed Sêxiştî-i Kurmancî**, Suxenguster, Meşhed,

1384.

Robins, R. H., **a Short History of Linguistics**, Longman, London, 1967.

Rizgar, Baran, **Kurdish-English English-Kurdish dictionary**, Onen, London 1993.

Rizgar, Baran. **Learn Kurdish. A multi-level course in Kurmanji**, Lithosphere, London 1996.

Roşan, Hesen, **Çıksay**, Meşhed, Neşr-i Şamlû, 2011

Sadallah, Salah, **English-Kurdish Dictionary**, Avesta, Stenbol, 2000.

Shirinov, Nofal, **Folklorâ Kurdên Azerbaycanê**, (Têza Lîsansa Bilind a çapnebûyî), Mêrdîn, 2017.

Shujai, Behruz, **The Kurdish of Gilan**, (teza çapnebûyî), Uppsala University 2000.

Shekofteh, Afrasiab. **The Kurds in Khorasan, North-east of Iran**

<http://www.pen-kurd.org/englizi/varia/The-Kurds-in-Khorasan.pdf> Dîroka Têketinê, 12.07.2017

?? Saussure's Third Course of Lectures on General Linghuistics (1910-1911) publ. Pergamon Press, 1993. Reproduced here are the first few and last few pages of what are notes taken by a student of Saussure's lectures.

<https://www.marxists.org/reference/subject/philosophy/works/fr/saussure.htm> Dîroka Têketinê: 29.7.2017.

Tanrikulu, Mehmet, **Ferhenga Tirkî-Kurdî**, Podium, Stockholm, 2000.

Taucher, Wolfgang, Vogl, Mathias Webinger, Peter, **The Kurds, History - Religion - Language – Politics**, Austria, Austrian Federal Ministry of the Interior, 2015.

Taş, Çetin, **Waneyê Rêziman û Rastnivîsa Kurmancî** Weşanxaneya Dîwan, Stenbol, 2013.

Tan, Sami, **Rêzimana Kurmancî**, çapa duyem, Enstîtûya Kurdî ya Stenbolê, Istanbul 2011.

Thackston, W. M., **Kurmanji Kurdish: A refrence grammar with selected readings**, Unpublished, Harvard University Press, Massachusetts 2006.

Temo, Selim, **Gurbette bin yil: Horasan Kurtleri**, (pirtûka çapnebûyî)

Van Bruinessen, Martin, Agha, Shaikh and State the Social and Political Structures of Kurdistan, Zed Books Ltd, London and New Jersey, 1992.

Wahby, Taufiq & Edmonds, C. J., **A kurdish-Englsih Dictionary**, London, Oxford University Press, 1996.

Yıldırım, Kadri, **Kürtçe Dilbilgisi** Mardin Artuklu Üniverisitesi Türkiye'de Yaşayan Diller Enstitüsü Yayımları, 2012.

Цукеман, И.И **Хорасанский Куранджи**, Морква, Акдемия НАУК СССР, 1986.

Çavkaniyê farsî:

اصطخری، ابواسحق ابراهیم، مسالک و ممالک (ترجمة فارسی المسالک و الممالک از قرن 6/5 هجری)، به کوشش ایرج افشار، بنگاه ترجمه و نشر کتاب، تهران 1347.

ابن حوقل، صورة الارض، ترجمة جعفر شعار، بنیاد فرهنگ ایران، تهران 1345.

بدلیسی، امیرشرف خان، شرفنامه، حواشی محمد علی عونی، مصر، فرج الله ذکی الكردی.???

ژویس بلو، دستور زبان کردی کرمانچی، ترجمه علی پاکسرشت، عموم علوفی، قم 1393.

پاپلی یزدی، محمدحسین، کوچنشینی در شمال خراسان، ترجمة اصغر کریمی، آستان قدس رضوی، مشهد 1371.

نقی، محمد، مقایسه نظام های حالت دهی کویش کرمانچی با فارسی معاصر دانشگاه بیر جند (پایان نامه چاپ نشده) 2012.

توحدی، کلیم الله (کانیمال)، جعفرقلی زنگلی ملک الشعراي کرمانچ، واسع، مشهد 1381.

توحدی، کلیم الله (کانیمال)، حرکت تاریخی گرد به خراسان، ده جلد، کوشش، مشهد 1364.

دالمانی، هانری رنه، سفرنامه از خراسان تا بختیاری، ترجمة علی محمد فرهوشی، مؤسسه مطبوعاتی امیرکبیر، تهران 1335.

سایکس، سرپرسی، سفرنامه ژنرال سرپرسی سایکس یا ده هزار میل در ایران، ترجمة حسین سعادت نوری، کتابخانه ابن سینا، تهران 1336.

عضدی، احمد، فرهنگ و لغت نامه کرمانچی، انتشارات احمد عضدی، بجنورد، 2003.

هه ژار، هه نبانه بورینه فرهنگ کردی-فارسی، سروش، تهران، 2009.

کلاویخو، روی گنزالز سفرنامه کلاویخو، ترجمة مسعود رجبنیا، بنگاه ترجمه و نشر کتاب، تهران 1344.

مکگرگر، کلنل سی، ام ، شرح سفری به ایالت خراسان و شمال غربی افغانستان در 1875، ترجمه اسدالله توکلی طبی، ، معاونت فرهنگی آستان قدس رضوی، مشهد 1368.

وطن دوست، سارا، پوشک و زیورآلات عشایر کرمانچ خراسان، عموم علوی، قم 2015.

منشی، اسکندر بیک، تاریخ عالم آرای عباسی، دو مجلد، گلچین، تهران 1350.

میرنیا، سید علی، ایله‌ها و طایفه‌های عشایری خراسان، نسل دانش، تهران، 1369.

Malper:

<https://www.mapsofworld.com/iran/iran-political-map.html>, Dîroka têketinê: 27.7.2017

http://daregaz.khorasan.ir/modules>Show_Content.aspx?PrintId=1&ContentId=6003 , Dîroka têketinê: 27.7.2017

http://www.newworldencyclopedia.org/entry/Ferdinand_de_Saussure Dîroka têketinê: 29.7.2017.

Dîroka têketinê: 20.7.2017

<http://ostandari.khorasan.ir/modules>ShowFrameWork.aspx?PrintId=1&RelFacilityId=156&ContentId=143778&STemplateId=1340>, Dîroka têketinê: 27.7.2017

<https://www.mapsofworld.com/iran/iran-political-map.html> dîroka têketinê: 28.7.2017

PÊVEK

Çîrok û ferhengok weke nimûne ji xebata meydanî ya herêma Deregezê hatine pêşkêşkirin, ev çîrok weke nimûneyekê ji folklorâ herêma Deregezê ne û dikare bo kesên ku li ser folklorê dixebeitin jî bibe mijarekê.

ÇÎROK

Qerenoker¹¹⁰

Yêk hewû yêk tinewû, bê xêyre xweyê kes tinewû

Paşêkê¹¹¹ lawek xwe hewûye, lawek xwe hewûye hînga va qêzê wêzîr sa¹¹² lawî xwe yexwazi, tîne yeke dawet û viya vertêxini¹¹³, vina we hev ra zindegi¹¹⁴ yekin, rûyêk je rûyan va lawî paşê verdekevi ser qesrê¹¹⁵ xwe, yewîni ku zerger le paş qesrê vina daketine, zerger daketine, va le nav vî koçê zergeran¹¹⁶ yefkiri, yewîni keçikek le nav vina ye va aşiqi vî keçika yewi.

Aşiqi vî keçika yewi, va tê dayekevi je ser qêsir dayekevi je zimîn lal dewi je qulaxan¹¹⁷ jî kerr, va xwe le nexweşiyê têxini, yeyê:

“zanim beyî mi viya sa mi naxwazi jî ez qe xwe lal kim feqe.”

Hînga va çend rozêkê we vî tora rayekevi, vina bane doxtiran dekin, bane melan dekin tînine ser viya. Rûyêkê pîrikek tê yeyê:

“Va lawî we tikê¹¹⁸ aşiq e, va karê doxtir moxtiran jî nini, gerê hûn ewê viya,

¹¹⁰ Çîroka Qerenoker bi dengê Tavûsa Rehmanî (70 salî), gundê Rehmanqulî, bajarê Deregezê.

¹¹¹ Padişah

¹¹² Sewa/bo

¹¹³ Derxistin/ yanê bûk ji mala bavê derxistin û birin mala zavê.

¹¹⁴ jiyan

¹¹⁵ Koşk/sera

¹¹⁶ zêrker

¹¹⁷ guh

¹¹⁸ Wisa xuya ye ku

derdê viya dewa kin”,

Hînga yeyê:

- tu yeşe yekî¹¹⁹ here jê verxin mînê aşiqi qêzê kê wûye em zaniwinî.

[Wê çaxê jî wê zemanê meselen dirav ku tinewûye keseki yexwestiye ku xidmetek sa kesekê bike, pîrikê gotiye ku beraweri mi qunde¹²⁰ bikşînin biyin (bidin) ez herim viya ew kim, zimanî viya biyeme vekirini.]

Vina yeyê:

Tila¹²¹ yeyêni te, “tu vêca yeyê qunde”.

Vina tînin beraweri pîrikê qunde yeyêni û jeyê je vî qunda kulliyêk xwe çê yeke û le ser zenda xwe yeşiyîni û teşıya xwe hiltîni tere le cem lîwik rûyenî:

Lawo ca, belê te le mi kevi, qêzê her kes bixwazî sa te yexwazin lê tu jini te heye,

Va gep deke ye viya ra, je ser dilê viya vertêxini, va yeyê:

Lê ez zanim beyî mi wê sa mi naxwazi jî qe va ye ku je vî ewa vernekevîm, je vî xaniya vernekevîm û surrê xwe jî aşkar nekim,

Hînga yeyê: -“Ka bêj ka kî ye?”

Yeyê: - “koçek¹²² zergeran le paş qesrî me dakteyiye, le nav wê keçikeki zêrger hewûye ez aşiqi wê wûme. Ez, ya gerê wî sa mi bixwazin ya jî ez gerê bimirim.

Hînga evelê paşa razî nawi, yeyê:

¹¹⁹ Tu dikarî/ tu dişê

¹²⁰ pembû

¹²¹ zêrr

¹²² grûpek

-hêç yewi tiştek werê ku ez herim qêzê zêrger sa lawî xwe bixwazim? Dîsa jî pê ra yekine dawi, yeyên:

-tu yî û lawek te ye tenê. Dilî wî meşkên here jê ra bixwaz.

Siweynda¹²³ wezîr û wekîl huldestin¹²⁴ tene¹²⁵ mala zêrger, terin rûyenin le ba zêrger, zerger huldesti tere a le henda hana ewa xwe, desgêh¹²⁶ xwe datîni hengilûskê¹²⁷ xwe çê yeke, esbawê¹²⁸ xwe çê yeke, va essi¹²⁹ nê cem vina, nê cem vina hînga vina huldestin terin yeyên paşa yeyên:

- eslen zerger nate cem me ku tewîl negirtinî¹³⁰ essi nate dora me.

Hînga va pîrika dîsa ye vina ra yeyê:

-lê hûn ku wêzîr, tu yesînî, ew le ku tê le ba wêzîr rûyenî, gerê tu herî kasiwekê¹³¹ bişînî cem wî, meselen yêki mîna Îde Qeşmarê ya Fêzê¹³² yêki werê bişînî ku here ye wî ra hemkelam biwi.

Mege ew tê le ba wêzîr û wêkîl rûyenî.

Hînga terin yêki mîna Fêzê tînin, yeyê:

-were here xwastigariyê¹³³ qêzê zêrger sa lawî mi ra.

Va tere rûyenî û je vir de û je wê ya gep dekin û çayêkê ye hev ra veyexwin û

¹²³ Sibeha din

¹²⁴ radibin

¹²⁵ terin

¹²⁶ Mekîneya xwe

¹²⁷ gustîlk

¹²⁸ amûr

¹²⁹ Eslen/qet

¹³⁰ Bala xwe neda ser me

¹³¹ Kesê ku li bazarê kar dike

¹³² Navên du hesinkarêñ gundê me ne.

¹³³ xwazgînî

jeyê demê¹³⁴ yekşîni sa viya, va hengilûskê xwe çê yeke, yeyê:

-lê bexşe te wegeri¹³⁵, qêzê, lawî paşê qêzê te hildegiri sa ci tu nayê, sa ci tu essi natî cem xwastigarê qêzê xwe?

Bê yeyê:

-kînga yêki mîna te hat ku min neyayê? Lê ew wezîr hatiwû ez le ku, herim le ba wêzîr rûnim? Ez ye wî ra hemkelam nawim.

Ê hînga va cewaba xwe hildegiri û jeyê verdekevi tere xoşal¹³⁶ dewi ye paşê ra yeyê:

-Mi cewab hilgirtiye, nika her kar dekin bikin.

Terin vî keçika hiltînin, tînin û yewin exed¹³⁷ dekin û jeyê yeke dawet sa viya, çend şevârûyan yeke dawet, viya vertêxini tîni, lawik jî xoşal, sa xwe du jîne xwe hene le ser mala xwe û zindegiya xwe xoşal in we hev ra.

Şevezê paşa rayekevi, ye xewn dewîni ku ta heft salan paşati le henî¹³⁸ viya tune. Î va huldesti jinê rayeke yeyê:

-Huli¹³⁹ jinik mi xewnek haka diye, ta heft salan paşati le henî mi tine. Huli qe we yawaşî¹⁴⁰ verkevinî je şêhr henî.¹⁴¹

Henî welat melatekê le wê heft salan yesekininî ta heft sal red dewin dîsa têni ser paşatiya xwe.

Jinik yegirî yeyê:

¹³⁴ Dem: amûrek e ji bo bawesînkirina agirî bi kar dihê, ji bo gurkirina agirî.

¹³⁵ Best ji te vegere!; nifirek e.

¹³⁶ kêfxwêş

¹³⁷ mehrkirin

¹³⁸ enî

¹³⁹ Hulist/ rabe/şiyar be

¹⁴⁰ hêdîka

¹⁴¹ Em herin

- em verkevinî henê, em inî û lawek e viya jî we xwe ra newinî?

Yeyê:

-Karek werê, nêm ye te ra, nakim karek werê.

Vana terin lîw¹⁴² jî hiltînin lîw tînin we lîw ra yeyêjin ku:

-Were we me ra henî.

Lawik yeyê:

-Na, ez karek werê nakim, ez gerê jinê xwe jî hilînim. Ez gerê jinê xwe jî ye xwe ra hilînim.

Hînga va jinê xwe jî hiltîni vana tînin, terine yekevine xezanê çar pênc xurcînan¹⁴³ tiji tela yekin tiji esbaw¹⁴⁴ yekin, her yêki hespekê û her çi yeşe yeke, je paşatî xwe û je wesayîlî¹⁴⁵ xwe hiltînin ku ta heft salan vana tişt kesrî¹⁴⁶ sa vina newi ka meselen vana le wê zecir¹⁴⁷ bikşînin, le wenateki.

Vana terin vî rûya tayne¹⁴⁸ êvari, ye şev verdekevin terin, îşev terin rûya yin jî tayne êvari terin yegêne¹⁴⁹ êlangekê¹⁵⁰, yegêne êlangekê, yewînin ku le vî êlanga le tabloyêkê nivîsîne ku “le vî êlanga diz hene, je xwe seresa¹⁵¹ newî diz têq qaret¹⁵² dekin, kulli tiştî yêkê yewin”. Paşa yesekini kişîk¹⁵³ yeye.

Yeyê:

¹⁴² law

¹⁴³ torbe

¹⁴⁴ malzeme

¹⁴⁵ kelûpel

¹⁴⁶ kîmasî

¹⁴⁷ zehmetî

¹⁴⁸ heta

¹⁴⁹ digihêjin

¹⁵⁰ Mêrgekê

¹⁵¹ Li xwe miqate nebî

¹⁵² talan

¹⁵³ Nobetê digire

-Hûn rakevin ez yesekinim kişîk yeyim diz nêwin esbawê me newin.

Vina rayekevin hînga ew yewi, tê nîzikê siwê va jinê paşê yeyê:

-Lê huli tu ku mirî, tu nika were satê serî xwe dayîn, ez kişîk yeyêm, tu rakev ez je şûnî te va yesekinim.

Va berefa¹⁵⁴ jî yesekini va yeyê:

-Paşa dîn wûye, diz le ku ne, raneketiye işev mîşev pa sekiniye¹⁵⁵.

Paşa ku rayekivi va jî je dû ya yegiri serî xwe datîni diz jî qe le vî deh deyqey ku viya serî xwe daniye diz jî têr herçi yê vina heye rês dekin¹⁵⁶ hiltînin terin, esbê vina yewin, diravî vina yewin, qizilî¹⁵⁷ vina yewin, kulli tiştê yewin qe vina yemên¹⁵⁸ û vina.

Vina wextekê siwe rwîn¹⁵⁹ deye paşa we xwe yehesê yeyê:

-Jinik te ku bêrdem dagirt¹⁶⁰ sa mi, lê te ku xani yêxistiye¹⁶¹.

Jinik yeyê:

- Ye xev ra çûm newû de je gîra mi verket¹⁶².

Vina yeyê:

- Me le wê ku lawik neterkand, nika huli lîwik jî biterkîninî henî. Ew cewan in her cûr hewi sa xwe karek pêyda yekin henî em we xwe.

¹⁵⁴ Nifirek e. berefbûyî yanê mirî. Va berefa yanê ev bêxêret.

¹⁵⁵ Şiyar sekiniye

¹⁵⁶ Berhev dîkin

¹⁵⁷ zér

¹⁵⁸ dimînin

¹⁵⁹ ronî

¹⁶⁰ parastin

¹⁶¹ Te ku mala me xerab kiriye.

¹⁶² Ji destê min derket

Dîsa du sê qeyeman¹⁶³ terin jinik yegîrî yeyê:

-Nika em inî û lawek e wî jî biterkîninî le vira, pe lawî xwe hilîninî ba jinê wî bisekinin.

Vina destê xwe yeyine ser feka¹⁶⁴ lîwik je arê¹⁶⁵ her du jinan yekişînin lawî xwe.

Yeyê:

-gep meke, dizan wesayêlê me biriye, verkevinî henî.

Vina lawî xwe hiltînin û terin şehrek le vî nîzika hewûye tene vî şehra lê tişti xwe tinin. Mêrik karê yeke paşa tere quranek xwe hildegiri tere derê xaniyan quranê yexwîni sa mirdê¹⁶⁶ xelkê lawik jî yewin le kelepeziyêkê¹⁶⁷ datînin, jinik jî teştek xwe hiltîni tere derî xaniyê xelkê kohnê¹⁶⁸ xelkê yeşo.

[Vina le vira biterkîn, je jinê vina ya xewer bêye]

Va jinana jî huldestin yewînin ku royê daye ser, ne paşa heye ne mîrê vina heye ne xwesiye kes tine. Çer kinî çer nekinî, vina ye hev ra meşweret meslehet dekin çer kinî? Qêzê wêzîr yeyê:

-tu zerger î, tu dinyadîde¹⁶⁹ yî, tu her kari bikî ez we dû te têm. Fikrek tu bikşîn.

Yeyê:

-were mala qazî şehr pirs kinî, henî şehrek tiki¹⁷⁰ bêli yewi le vira, henî vî

¹⁶³ gav

¹⁶⁴ dev

¹⁶⁵ navber

¹⁶⁶ mirî

¹⁶⁷ Dûkanê ku kelepaçeyab dipêjin

¹⁶⁸ cilûberg

¹⁶⁹ Bi tecrube

¹⁷⁰ Wisa xuya dike

şehra mala qazî¹⁷¹ pirs kinî, henî mala qazî, qazî xantema¹⁷² ne. Bêyênî ku me ye mêtî xwe va kiriye dawi herinî telaqê xwe hilgirinî, ew du sê rozêkê lengerê¹⁷³ me dayegiri ta wê çaxê fikrek xwe yekşîninî.

Ê vina huldestin terin mala qazî pirs dekin terin, tene mala qazî yeyê:

-me we mêtî xwe va kiriye dawi, hatinî yexwazinî telaqê xwe hilgirinî.

Qazî jî xantema yewi, heyqet jî yeyê:

-vina dudiyê we refş¹⁷⁴ in sa xwe dayegirim herduyan jî.

Du sê rozêkê lengerê vina dayegiri le vina izet¹⁷⁵ deke jeyê hînga rûyêkê vana yeyê:

-lê em ta çi wexti le vira bisekininî, fikireki xwe bikişîninî.

Ye ustikura qêzê wêzîr da ellayêk¹⁷⁶ hewûye tela wûye, viya vertêxinin yeyê: were ye qazî ra bêjinî ku:

-me pişîman kiriye tenî mala xwe.

Vana yeyêjin, yeyê:

-me pişîman kiriye em yexwazinî henî mala xwe. Vina huldestin verdekevine bazarê terin vî qizilî viya, pirika¹⁷⁷ yefiroşin, destek kohneyî mêtan, şûrekê, kumekê hildegirin jeyê verdekevin tene deri şehr le wê qêzê zêrger ye qêzê wêzîr yeyê:

-tu kohnê mêtan le xwe ke.

¹⁷¹ dadwer

¹⁷² temakar

¹⁷³ Me xwedî bike

¹⁷⁴ xweşik

¹⁷⁵ hurmet

¹⁷⁶ Xiftî/gerdenî

¹⁷⁷ Tiştêن gelekî biçük û sivik weke kayê.

Qêzê wêzîr yeyê:

-na ez karek werê nika bikim. Tu geriyayî tu zanî, tu warid¹⁷⁸ î tu kohnê mîran le xwe ke, ez yewime jina te.

Ê va kohnê mîran le xwe yeke û jeyê jî verdekevin şûr jî yeke wer xwe têmala paşê pirs dekin, tene mala paşê, tene mala paşê yeyê:

-em jini mîrek inî hatinî vî şehrî te karekê we me nîşan bêye em sergerm¹⁷⁹ biwinî le vira penahendê¹⁸⁰ te winî. Le vira kar kinî. Zeni merdek¹⁸¹ inî. Xaniyeki we viya nîşan deye yeyê:

-jinê xwe biwe a le henda hana tike hewliya¹⁸² hana ye xwe jî were nav nokerê¹⁸³ mi kar ke, Kar ke, hînga va tê le nav nokerê viya kar deke. Navî viya datînin “Qerenoker”

[Qerenoker, ka mînê res wûye wê çaxê ci cûrî wûye ku Qerenoker bane viya yekin.

Dengê bavê min: (derecêkê yeyêni)

Diya min:

-lê her ci hewûye ku nav werê datînin. Qerenoker banî yekin]

Hînga va le nav vina kar deke û êvari jî tê mal hesawê xwe¹⁸⁴ cem jinê xwe le vira vina yesekinin yeyêni ka xweyê we me ra ci gotiye.

Rûyêki diz têm le vî şehra diz verdekevin derî dûkanê xelkê ve yekin esbawî

¹⁷⁸ pispor

¹⁷⁹ Em xwe mijûl bikin

¹⁸⁰ penaber

¹⁸¹ Jin û mîrek

¹⁸² hewşê

¹⁸³ karker

¹⁸⁴ qaşo

xelkê yewin, esbawî xelkê yewin, tên dûkandarana, cemaet tê yerijine derbarê¹⁸⁵ şah
yeŷe:

-xanî te bikevi dizan em heledad¹⁸⁶ kirinî, tên her çî me heye rês dekin hiltînin
dewin, em gerê çi fikrê le halî me bêwi kişandini.

Vina va bane va nokerê xwe yeŷe:

-werin herin le bazarê bisekin lê va dizana fikirek lê bikşînin, tay çi wextê
xelk bêwi biriji vira û pestayî¹⁸⁷ nale bikşîni herine reda va dizana.

Vina terin. Îvari ew yeŷe, va nokerana ew yeŷe:

-bira Qerenoker here, Qerenoker bixwirê¹⁸⁸ te ye bira Qerenoker here.

Va yeŷe:

-bira Qerenoker here. Ew yî yên deyê bira Qerenoker here.

Kulli ji ustiyyê xwe yekin, Qerenokerê feqêr yeşînin. Qerenokerê tere le bazarê
yesekini ye penayî¹⁸⁹ siyekê wa yesekini yewîni diz hatin ketine dûkanekê, va je
parra¹⁹⁰ ku ye şûr lêtêxini qe vî diza ye ortê ra yeke du şeqan¹⁹¹, yeke du şeqan, hîngâ
siwe ku rwîn deye va yegiri her der

[Derwaze evelê hewûne, le şehran le kelan derwaze hewûne le derî şêhr
lêtêxistine]

her aliyêki dêrwêze va şeqêki je yê vî diza têya yeŷe: ba sa henek din we
pend wi kes nêwi diziyê neke. Îvari le vî şehra le meselen etrafê vî şehra ew hewûne
evelê perî hewûne, periyêk tê je vî, le ser vî laşa rûyeni ku je viya goşt je vî diza

¹⁸⁵ Qesr/sera

¹⁸⁶ talan

¹⁸⁷ Her/hertim

¹⁸⁸ Ezîz/xizm

¹⁸⁹ Li paş

¹⁹⁰ Ji pişt da

¹⁹¹ Du nîv

bixwe, wextê ku huldesti here, seftek¹⁹² je viya verdekevi, xizanî du sali ye hêlanekê wa dilqelaştı yewi. Jeynan yerijine derê xaniyê şah yeyên:

-xanî te ar biwi, keşka dizan em je viya bedtir bikiranî, yeyê nika va diza le vira nizanî çi tê le ser vî laşa rûyenî le axirê ku huldesti seftek jê verdekevi xizanê me kulli teva wûye. Xizanî du sali dil qelaştı yewi yemiri. Dîsa bane nokeran deke, ew yeyê:

-bira Qerenoker here,

ew yeyê:

-bira Qerenoker here.

Dîsa Qerenoker yesînin. Qerenokerê bedbext tere yesekini yewîni ku ye nîzikê siwê ra tiştek hat le ser vî laşa rûnişt, le hulistiyanâ ku yexwazi hulisti xicawek¹⁹³ je viya verket va ye şûr lêtêxini je viya tiştek yekevi jeyê va huldesti tere asmân tere.

Tere wexta tere va we nikilî şûr hiltîni yewîni ku şîlwarek¹⁹⁴ e je vî periya wa ketiye, vî şîlwara hiltîni tîni mal cem jinê xwe jeyê¹⁹⁵ jî tê deyxêkê yesekini û yegirîn we ser hev da yeyê:

-va ci bedbexti wû sa me çê wû

Jeyê hêç de va yesekini je viya wa ti xewer nawi, ti xewer nawi, rûyêki mudetek je vî ara tere rûyêki jinê paşê ye paşê ra yeyê ku:

-îrû yexwazim heme mala Qerenoker, ew nokerek te ye, nika navî wî haka verketiye yexwazim herim, heme¹⁹⁶ mala Qerenoker jinê wî biwînim.

Va yeyê:

¹⁹² Deng/sewt

¹⁹³ deng

¹⁹⁴ Etek/ qomaş

¹⁹⁵ piştre

¹⁹⁶ herim

-neku haka verkevî herî, yeyê here berxekê bişîne mala Qerenoker ba şerjê ke jeyê birinc bişîn rûn bişîn kulli wesayîlan bişîn le wê ba sa te nîn çê kin, hînga verkev here we tenê mere. Bê hemacîz mere.

Va oza mozani yeşîni jeyê jî serê pîşîni¹⁹⁷ va verdekevi tere va keçika jî qêza wêzîr e zani ku nîn mîn çerê çê ke, va nan manî xwe çê yeke û jeyê tê destpiyê xwe yeso, vî şîlwara jî le xwe yeke yeyê:

-jinê paşê tê vira, vî şîlwara jî le xwe yeke yeyê ba neyê tiştî vina tine
[şîlwara je periyê keti, viya jî le xwe yeke].

Va tê derî hewliyê ve yeke vî şîlwara ku le jinê Qerenoker yewîni je derê hewliyê veyegeri, veyegeri va tere cem paşê yeyê:

-texti bextê te çepe yekim¹⁹⁸ ku jinê Qerenoker şîlwarek lê ye ku ayem aşiqê yewi ku lê bifkiri ta bigê ku le xwe ke yeyê, yê mi yê werê tine, ya şîlawê jinê Qerenoker, ya serî Qerenoker ya jî ku telaqê xwe je te hildegirim, yeyê gerê sa mi yêki werê hilgirî.

Va banê yeke yeyê:

-Qerenoker, yeyê je vî parçey ku te sa jinê xwe kiri şîlwar je wê tine ku sa jinê mi jî şîlwarekê bînî, viya nika le jinê te diye, lec kiriye¹⁹⁹, yeyê “gerê yêki werê sa mi jî hilgirî.”

Va tere her ci le dûkanan degeri herçi tere orta şehr virda wêya yegeri, le kû ye lê mege le vira ye ku hewi. Va tê ye jinê xwe va hawêkê²⁰⁰ we ser hevda yegirîn, yeyê, jinik yeyê:

-were viya hilîn biwe pêyê.

¹⁹⁷ nîvro

¹⁹⁸ Xerab dikim

¹⁹⁹ Rik kiriye

²⁰⁰ demekê

Yeyê:

-bimirim karek werê yekim, haka nokerana we mi ya ketine yeyên “Qerenoker bixwirê te ye, Qerenoker bira here sa her karê,

vêca bêjin Qerenoker şîlwara jinê xwe hanî da paşê, ez le qêretê xwe tînim karek werê bikim?

Ez eslen karek werê nakim, va yeyê çel ro muhlet²⁰¹ jê hildegirim, tu je xwe seresa²⁰² wi ez herim şehr we şehr bigerim gaşe²⁰³ je vî parça henekê peyda kim bînim ege na lê serî mi yebiri“

Va tere çel ro muhlet je paşê hildegiri jeyê verdekevi tere şehr we şehr bigeri ku gaşe je vî parça heneki peyda ke.

Va tere meselen je vira tere yegê²⁰⁴ derek mîna Qoçanê, Meşeyê²⁰⁵ tere êvar wûye tere yegê vî şehra tere malê pîrikekê pirs ew yeke yeyê:

-pîrê, îşev şûnê yeyê mi, bêwim le malê te penalemîş²⁰⁶ wim ta siweynda huldestim terim? [va her ku ya jî tere yegeri peyda nake pêrçe]

Hînga va yeyê:

-ê lawo ca were, yeyê, giraniyê te ye zemînê ruxzê²⁰⁷ te jî we xweyê, were, ez herçi bixwim tu jî le cem mi bixwe.

Va le vira îşev rayekevi le siwê je, êvari yanî, yeyê:

-pîrê av heye qulmek av we mi yî, ez vexwim?

²⁰¹ Wext/izn

²⁰² miqate

²⁰³ belkî

²⁰⁴ digêje

²⁰⁵ Navênu bajarênu Xorasanê ne

²⁰⁶ penaber

²⁰⁷ rizq

Pîrik tere, av tinewûye, ye camê wa mîz deke tîne yeye viya yeyê vexwe.
Yeyê vexwe hînga va yeyê:

-pîrê sa çi va avê we şor e?

Yeyê: lawo ca, çi rûyê xwe reş kim, yeyê, av tine, yeyê le vira hejderhêk²⁰⁸ heyen, tê xwe daye pêşî avê me, yeyê heftê carê je pêşî avê tere,

ew jî we çi cûrê tere, hespekê devêkê, cwîtek gan, nizam çi, çi vana yewin, keçikekê jî yewin dewriyêk²⁰⁹ birinc jî yeyine mistê yene ser espê hiltînin dewin.

Va hejderha tay tê vina kulan dexwe je pêşî avê xwe yeye yan²¹⁰, yê ye fera, yê ye destipê²¹¹ ku avê xwe hiltînin tay heftey yêni avi xwe hene, yê mîna min î bê destipê û bê fera jî ku av nahesilîni²¹², av tinewû mi mîz kiriye haniye daye te lawo ca, çi rûyê xwe reş kim.

Va yeyê:

-kînganê wext e ku hejderha xwe je pêşî avê ye yan de?

Yeyê:

-qe siweynda ye. Siweynda ye, siweynda jî keçikê vî şehra kulli teva wûne, nowa qêzê paşê ye, qêzê paşê gerê biwin ku xwe je pêşî avê ye yan de xelk avê xwe hilîne.

Va yeyê:

-le siwê pe kêmekê zû mi rake ez jî hulistik herim ka biwînim ku ka ew kî ye, çi hejderha ye.

²⁰⁸ Ejdermar/ marên mezin

²⁰⁹ Tebsî

²¹⁰ Xwe dide aliyekê

²¹¹ Yêni jîr

²¹² Têrê nake

Va le siwê viya rayeke û jeyê va huldesti va lawika

[va keçika, lê keçik e ye qolê me nika]

tere yewîni ku ê ba keçikek û dewriyêk birinc dane mistê û jeyê le ser hespekê danîne û cwîtek ga û devêk û, hilanîne vana biwin ku hejderha xwe je pêşî avê ye yan de, vana, cemaet avê xwe hilîni,

va tere ye vî keçika ra tere meselen je henda ha ku cemaet veyegeri va lawika ye vî keçika ra tere. Keçik yeyê:

-lê sa çi, cewan î tu têyî çi? Ez bedbext im şansê mi haka haniye, nika nowa min e gerê hejderha mi bixwe, tu têyî çi? Tu mîwi, tu mîwi.

Va yeyê:

-mege xwînî mi je yî te swîr e? Ez têm ba mi jî bixwe.

Va tere hesawê xwe ta hejderha xwe je pêşî avê yeye yan ku bêwi meselen wan bixwe û dêve bixwe,

va lawika şûr je wer xwe yekîşîni tere ye şûr ku ye serî vî hejderha wa lêtêxini, va qîjini we viya yekevi va verdekevi tere, va lawika jî ye dû yekevi, feqe²¹³ ye keçikê ra yeyê ku:

-birev here ye beyî xwe ra bêj avê je ser şêhr yan kin, av xerawiyê neke, ez terim dîsa têm.

Va ye dû vî periya yekevi tere yewîni ku va çû a wer hesaw ke le Peleexterê²¹⁴ wan deran kevrek hilanî kete bin vî kevra dîsa va kevra hanî pêşiyê.

Hanî pîşiyê va lawika jî tere nîşanêkê le vira datîni le wer vî kevra jeyê veyegeri tê.

²¹³ Tenê

²¹⁴ Navê cihekê ye li nêzî gundê Rehmanqulî li Deregezê

Veyegeri tê va fam deke ku va şîlwara je periyen ketiye, viya fam deke, va veyegeri tê wexta va keçika tê xewer deye bavê yeyê ku:

-lawikekê dande²¹⁵ hejderhê, hejderha kuşt, av tê şêhr xerawiyê yeke avê je ser şêhr ye yan de.

Ye vî keçika ra yekine dawi yeyê:

-mege xwînê te je yê xizanê xelkê swîr e tu, xizanê xelkê kulli çûn hejderhê xwarin, tu sa ci revî hatî.

Ye viya ra yekine dawi, va yeyê:

-bewo²¹⁶ ye xweyê²¹⁷, lawikekê hejderha kuşt, yeyê ez hatim ege na ez çûm ku hejderha mi bixwe.

Ta wê çaxê va lawika tê yeyê:

-baca yeyê her cûr dekin mi bikin yeyê mi dandiye hejderhê, hejderha nika çûye fêlen²¹⁸ ku tine. Vina ye viya ra jî yekine dawi, yeyê:

-nika ew qariya jî, vê kêşa²¹⁹ bêwi essi²²⁰ em nafilitinî,

Yeyê:

-elan ku tine, ka nika hûn carê destpaçe²²¹ mewin.

Jeyê va keçika ku yeyê gerê hejderhê bixwarana nika gerê viya ye te yêni. Tînin vî keçika le viya eqed dekin, le viya eqed dekin, jeyê va çend rozêki le vira yesekini, ye keçikê ra jî yeyêji ku:

²¹⁵ lêxist

²¹⁶ bavo

²¹⁷ Bi xwedê

²¹⁸ niha

²¹⁹ Vê cara

²²⁰ Eslen/qet

²²¹ Ecele mekin

-resma me ye ta çel rûyî em em kar xwe ye jinê xwe nakinî, mesel nêñi nîzik.
Çel ro ku red wû hînganê tu jina min î ta wê çaxê tu xwenga min î.

Jeyê va çend rozêkê ku le vira yesekini va huldesti tere yeyê gaşe herim pêrçe
peyda kim lê ez tay çi wextê le vira bisekinim.

Va huldesti tere vî kevra hiltîni nîşane ku danîwûne yekevi yewîni baxek e
baxek e ye bin zemînê wa ku hûşê yêkê tere ku tikevî vî baxa, va tere le penêk xwe
veyeşeri yewîni ku keçikek kitawek le wer e yexwîni, ye vî, yêk je der da kete orta vî
baxa ningî xwe yekullê, yekullê yeyê va keçikê ku kitaw le wer e yeyê:

-xenca²²² sa çi tu yekullêyî tu têyî?

Yeyê:

-îşala le Qerenoker kim ku nenê wî daxê wî biwîni, yeyê ez deçüm le şehrekê
laş maş hewûn mi ew yekir yexwar yeyê hat ye şûr dandê hem qewara mi şîlwara mi
je mi ket hem jî ningê mi kire birîn.

Va hîn ye viya ra gep deke ku xwenga yên tê serî xwe girêyê, yeyê:

-xenca te sa çi serî xwe girêyê?

Yeyê:

-îşala Qerenoker nenê wî daxê wî biwîni yeyê Qerenoker dande mi serê mi
kire birîn, ye şûr lêxist serê mi kire birîn.

Va keçika yeyê:

-hînga ez ku aşiqê Qerenoker im çi? Va yeyê, hînga va her du xwengana jî
yeyên Qerenoker, yeyê:

-Qerenoker nika le vira we gîrê²²³ we kevi hûn çer dekin?

²²² Kurtbûyiya xwengêcan e.

Yeyê:

-Qerenoker ye gîrê me kevi wer yexwinê ku çilkê²²⁴ xwînê le zemînê nekevi, wî haka ezawî²²⁵ yekinî.

Va yeyê:

- lê ez ku aşiqê Qerenoker im çi? Hînga vina yeyê:

-na tu aşiq wûyî aşiq newûyî, viya em zexmî²²⁶ kirinî, em wî bernayinî.

Va le wer vina yegeri,

[evelê jî va dêviperiyana ye hêkelê pîlê rastê qesem dexwarine ku kar xwe meselen we karî vayî yên nekin]

va yeyê:

- ye hêkelê pîlê xwe yî rastê qesem²²⁷ bixwin ez le vira Qerenoker verxnim.

Hînga va xwengana qesem dexwin va yeyê Qerenoker were wer dêri²²⁸, Qerenoker verdekevi tê yegîrî yeyê:

-baca yeyê, bibaxşînine mi yeyê mi ku dande te qewara te je te ket, şîlwara te je te ket, sa mi bûye bela.

Yeyê zanî ci bela hatiye serî mi ye bayîsi²²⁹ wê şîlwarê?

²²³ Têkeve destê we

²²⁴ dilop

²²⁵ Em wî biêşînin

²²⁶ birîndar

²²⁷ sond

²²⁸ Xwe nîşan bide

²²⁹ Ji bo/ bi wê sedemê

Jeyê vayî jî ku serê xwe girêyê, lê ez mecbûr im ye swîti²³⁰ vî kara ye swîti vî şîlwara hatime; hali hekayetê mi we vî cûra.

Va le vira hawêki ye ser vina wa yegirî jeyê hînga yeyê:

-nika je vî parça²³¹ gerê henekê ye mi yên. Ez gerê je viya biwim parçeni.

Jeyê va huldestin terin topek parce tînin yene viya yeyê:

-va parce ye her çi yewê biwe.

Ew parce le cem me pir e.

Hînga va xwengê vana yê qîçik jî des je viya nake, va yeyê:

-ez aşiqê te me, gerê tu mi ye xwe ra biwê.

Va viya jî hiltîni pêrçe jî hiltîni tê. Tê le ba viya jî nayêji ku, ceryanî²³² xwe nayêji.

Yeyê:

-lê mîrek e. Va têne mala vî paşaya ku qêzê paşê jî daye viya, têne wê je wê bar dekin, paşa çiqes esbaw û cil û desgah û tîni sa vina ra bar deke, çend espan bar deke,

qêzê xwe jî ye çend nokeran va yeye viya yeyê:

- hilîn here ew ku gerê hejderhê bixwarana tu biwe ba we jina te wi. Viya hiltîni periyê jî hiltîni tê. Vana têne çend şevanerûyan vana ye rê têne tay têne yegêne vî şehrî ku qêza wêzîr lê ye.

²³⁰ Ji ber

²³¹ qumaş

²³² Serpêhatiya xwe

Tên va topê pêrçe hiltîni yewe²³³ mala paşê yeye²³⁴ paşê ku sa jinê xwe tike şîlwar, jeyê va her du keçikana jî tîni mala qêzê wêzîr jeyê tê vina herdu le xaniyêkê rayekevin, va herdiyê evelê ku hesaw bûne jinimêrê hev, le xaniyêkê rayekevin.

Vana êvari hawêki ye ser hev da yegîrîn yeyê:

-çi şansi min î pest²³⁵ heye ku nika ez vana çer kim. Ez nika lê ye vina ra bêjim ez jinek im lê surrê mi faş dewi lê neyêjim ez nika vana çer kim.

Vina tay virda wêya yekin, heft sal jî durist dewin, heft sal jî durist dewin, va yeyê:

- ka ez îrû verkevim ka le vî mîrî xwe yî berefbûyi²³⁶ biggerinî ka le vî şehra tine wexekê.

Va huldesti tere bazarê virda wêya yegeri yewîni ku xwesiya viya je wê ya teştek le ser tepê²³⁷ ye je hewliyek verket. Va yeyê:

-xelê²³⁸ tu çi yekê?

Yeyê:

-kohnan²³⁹ deşom lawo ca, kohnê xelkê yeşom.

Yeyê:

-siweynda mala Qerenoker pirs ke were kohnê jinê mi bişo.

Va yeyê:

²³³ dibe

²³⁴ dide

²³⁵ nizm

²³⁶ Nifirek e/ berefbûn yanê ji nav çûn

²³⁷ ser

²³⁸ xaltî

²³⁹ cil

-rind e keşka lê kohnê jinê te bêwim bişom.

Navî viya jî wer verketiye ku kulli zanin Qerenoker kî ye.

Va je wî red dewi yewîni ku paşa rûniştiye le derî hewliyêkê quranê yexwîni, va yeyê:

-apo le vira ci yekî?

Yeyê:

-quranê yexwînim sa mirdê²⁴⁰ xelkê.

Yeyê:

-siweynda mala Qerenoker pirs ke were sa mirdê me sûrêk quran bixwîn.

Va jî yeyê:

-rind e.

Va je wî red dewi yewîni ku tere derî kelepeziyêkê yewîni ku mîr jî le kelepeziyê ye, tiji dwînişk²⁴¹ wûye, tiji çermî²⁴² wûye, le vî kelepeziya ye, va ye vî reîsî kelepeziyê ra meselen deyêji:

-ku siweynda kelêki temîz çê ke pêye²⁴³ va nokerê xwe bişîne derê mala Qerenoker.

Hînga va ew yeke, yeyê:

-pêye vî nokerê xwe.

Yeyê:

²⁴⁰ mirî

²⁴¹ rûn

²⁴² Rûn û don/ pîs bûye.

²⁴³ bide

-sa çi je va nokerê temîz yêki neyêmê ku pêyême viya, va tiji dwînişka çî ye ku pêyême viya bişnim!

Yeyê:

-pêye wî bişîn. Eger pêyê yêke yên serî te yebirim. Pêye wî bişîn, ew lazimê min e.

Va yeyê:

-rind e.

Siweynda kelêk çê yeke le siwê je zû ya, temîz viya çê yeke jeyê serpûşekê²⁴⁴ jî we rûyî viya ra yekşîni, viya yeye ser tepî viya yeyê:

-biwe mala Qerenoker pirs ke buwe mala Qerenoker.

Va tere mala Qerenoker pirs deke va jî tê ye qêzê ra yeyê:

-ku mi hersê jî ûrû peyda kirin le vî şehra, hem paşa hem jina paşê hem jî mîrê xwe me peyda kir. Yeyê:

-siweynda le siwê kelêki le kelepeziyê kelêki tîni yeyê wextê ka hanî ez yeyêm biwe xêni, wextê ku hanî xêni tu huli bifirê gaşe aşkar kinî la tay çi wextê haka sergerdan²⁴⁵ winî bisekininî.

Va huldesti tîni yeke, yeyê:

-biwe xêni.

Va yeyê tîni xêni va keçika huldesti apişmîşi viya yewi yefiri viya²⁴⁶, yefir viya yeyê:

²⁴⁴ qapaxekê

²⁴⁵ Li bendê

²⁴⁶ Pê ra şer dike

-weyîn le vê henda dayîn kwîr î mege.

Dayeye viya, viya qiyî yeke û apişmîsi viya yewi, va herca destpiyê viya yelerzin va yeyê:

-aqay Qerenoker lê jinê te çi xicaletan²⁴⁷ yeye mi, yeyê:

-xaniketi ew jina mi nini ew jina te ye.

Va yeyê dîsa yeyê:

-lê bifkir aqay Qerenoker jinê te çi xicaletan yeye mi.

Ta dusê caran ye viya ra yeyêji hînga va ewa xwe hiltîni, kumê xwe hiltîni porê viya ye ser da berdeye porê xwe yeyê:

-xani ye ser te wa bikevi, te va kar wû te hanî serê me. Ez qêza zêrger im ew jî qêza wêzîr e. Te sa çi le me haka kir, te em bedbext kirinî nika heft sal in te em sergerdan kirinî, ye vî şehra wa te bedbext kirinî.

Va kohnê xwe têxini yeye viya yeyê:

-birev, mere kelepeziyê jî, birev here hemamê kohnê xwe bêxin xwe bişo temîz va kohnana jî le xwe ke verkev were. Ye kesi ra meyêj tu gepar here tikeve hemamê xwe bişo were.

Va verdekevi yerevi ku ye ortê xiyabanê wa tere dê bervê yewi yeyê:

-nenê²⁴⁸ Qerenoker jina min e ne.

Va yeyê:

-xef ke canemerg vî gepa meyêj, nika yê te ye ku me je vî şehra jî verxinin.

²⁴⁷ şerm

²⁴⁸ dayê

Yeyê:

-na ye quranê Qerenoker jina min e.

Va je viya red dewi berve bavê yewi yeyê:

-bewo terî ku?

Yeyê:

-teme mala Qerenoker.

Yeyê:

-Qerenoker jina min e ne.

Va yeyê:

-xef ke canemerg vî gepa meyêj, sa çi vî gepa yeyêjî

Yeyê:

-na lê Qerenoker jina min e, a va kohne ne dane mi gotiye here hemamê.

Jeyê terin vina kulli terin le vira ku berefi ser hev dewin hînga yeyê:

-lê ye paşê ra yeyê lê xanî te bikevi te sa çi le me haka kir, te em bedbext
kirinî, va kar wû te hanî serê me!

Hînga ta wê çaxê heft sal jî ku lê durist wûne lê vina verdekevin têñ kull le
vira yegêne hev, hînga Qerenoker tere ye vina herdu keçikana ra, ye periyê ra jî ye
qêzê paşê ra jî yeyê:

-êyni heyxet²⁴⁹ ez jinek im ez mîrek ninim,

²⁴⁹ heqîqet

Yeyê:

- mîrê me kesek hin e.

Va her çi ku mi gep kiriye sa te, va sa va herdu keçikana gep deke yeyê:

-nikana jî yesekinî gerê mîrî me hilgirî, hilgirin hûn jî le cem me bisekinin eger nasekin jî we yewim, te yeyême cem beyî te, te jî yewim le şûna te datînim veyegerim têm.

Vina herdu jî yeyên:

-na meger em je we zêye ku nininî, em herdu jî mîrî te hildegirinî le cem we zindegî yekinî.

Vina jeyê jî huldestin mali doletê xwe bar dekin, lê çend salan Qerenoker le vira nav verketiye, esbaw hilgirtiye, mal çê kiriye, vina terin çar pênc hespan yekirin tînin wesayêlê xwe le hespan bar dekin, paşê jî hiltînin jinê jî hiltînin mîrê xwe jî hiltînin veyegerin tênu ku hîn jî le ser paşatiyê yekine dawi. Ew yeyê ez yewime paşa va yeyê ez yewime paşa, hîn kes nebûye paşa, hîn jî le ser paşatiyê yekine dawi, paşa tê le ser têxt rûyeni dîsa yewi paşayê evelê hînga tînin heft şevarûyan sa mîrî xwe yekine dawet, va herdu keçikana jî vertêxinin tînin, ew le wê tene ser zindegiya xwe ez jî hatim gîştme qulixa²⁵⁰ te.

²⁵⁰ xizmet

FERHENGOK

Di vê beşê de hin bêjeyan ku li herêma Deregezê hene, li vir hatine amadekirin. Ferhengokeke bêjeyên taybet ku li herêma Deregezê berbelaw in. Di vê lîstê da bêjeyên ku heta radeyekê di kurdia bakurde nayên dîtin yan jî ew bêje bi wateyeke din li Deregezê berbilav in, tên destnîşankirin. Gelek ji van bêjeyan di zimanê farsî yan tirkiya herêma Xorasanê de jî xuya nakin, yan eger jî ew bêje di eslê xwe de ji zimanekî din hatibin deynkirin, ji ber guherînên fonetîk û guherîna wateya wan êdî bi hêsanî nayê famkirin ka gelo ev bêje bi eslê xwe ji kîjan zimanî hatine girtin.²⁵¹

Kurmanciya deregezê	Wateya û şirvoveya bêjeyan li gor kurdia bakurî
Aciz	Zirav, ne stûr, ne qalind, zeîf, nazik, tenik.
Acizbûn	Ziravbûn, nazikbûn, tenikbûn.
Amixte	Amuxte, li kesek yan tiştek adet kirin. Eslê wê farsî ye. Ji hînbûnê hatiye, farsî: amûxten
Anix	Giyadermanek e ku li çiyan şîn dibe, kekîk

²⁵¹ D. Îzolî **ferheng Kurdî-Tirkî, Türkçe-Kürtçe**, Weşanên deng, Çapa 7, Stenbol, 2013
Zana Farqînî, **Ferhenga Kurdî-Tirkî**, Enstîtuya Kurdî ya Stenbolê, Çapa 4, Stenbol, 2013
Mehmet Tanrikulu, **Ferhenga Tirkî-Kurdî**, Podium, Stockholm, 2000
Gîwî Mukriyanî, **Ferhenga Kurdistan kurdî-kurdî**, Enstîtuya kurdî ya Amedê, Amed, 2004
Kamêran Botî, **Ferhenga Kamêran kurdî-kurdî**, Spîrêz, Duhok, 2006
احمد عضدي، فرهنگ و لغت نامه کرمانجی، انتشارات احمد عضدي، بجنورد، 2003
هه ژار، هه نباوه بورینه فرهنگ کردی-فارسی، سروش، تهران، 2009
Michael, L. Chyet, **Ferhenga Kurmancî-İnglîzî**, Yale University, New Haven and London, 2003.
Salah Sadallah, **English-Kurdish Dictionary**, Avesta, Stenbol, 2000.
Umîd, Demîrhan, **Ferhenga desfî**, İstanbul, Sewad, 2007.
Taufiq Wahby & C. J. Edmonds, **A kurdish-Englsih Dictionary**, London, Oxford University Press, 1996.

Anixê kîviyan	Cûreyeke giyayê çiyayî ye ku wekî anixê ye. Cureyek kekîk e.
Ar	Are, nav, di nav de.
Aramkîne	Bi aramî, hêdî hêdî.
Arbirûsk	Agirê birûskê.
Arav	Navbera du tiştan. Sinorê du tiştên dijber. Weke aravê bihişt û cehenemê
Ardane	Golikên ku ji şîr hatine kirin, êdî şîr naxwin
Azirandin	Eziyetkirin
Alistin	Bi zimanê xwe tiştek ...
Aşne	Dost, heval
Atile	Cudakirin
Avrêj	Cihê ku ava baranê têda dihrrike û digihêje newalan
Avrû	Şeref, namûs
Avresîn	Av pijiqandin.
Awandin	Xistina tiştekê bi zorê di nava tiştekê din da
Awirdan	Mirûzdan, rûyê xwe tirş û tal kirin
Axir	Axur, axûr, tewle.
Axirbarî	Zarokê herî dawîn di malbata da

Axirpişt	Zarokê herî dawîn di malbata da
Baxtere	Sebze û xiyar û bacan
Barrijîn	Dengê berxan li pey mîhê
Bizdandin	Qetandin
Barî, bayî	Kaseyeke mezin
Best	Zinar û lat
Bûsat	Mal, jiyan
Bezandin	Revandin
Bîxî	Hertim
Bêdad	Stem, zilm
Bêderî	Mist, kefê destan
Bîne	Çadir, kon
Bînedar	Koçer
Bêar	Bêxêret, bêşeref
Bîsû	Qumaşê ku dişewtînin û ariya wê li ser birînan datînin
Bîngav	Serêvar, dema nû dinya tarî dibe
Bîtin	Elekkirina ardê
Bîçin	Dirûn, genim dirûn

Bêcekirin	Dabeşkirin
Berk	Xurt
Bernexûn	Serûbin, bereks
Bervexwe	Xwexwaz, kesên ku hemû tiştî tenê ji bo xwe dixwazin
Berfindîl	Cihê ku berf ji bo havînê lê tê berhevkirin,
Bexşî	Dengbêj, hozan
Berik	Tû, mîweya dara tûyê
Birake	Destebira
Bertavikîn	Nexweşıya ji ber tîna tîrêjên rojê
Beca	Teqrîben, kêmzêde
Bejî	Wehşî, kedî nbûyî
Bangî	Girîna bi dengê bilind li pey miriyan
Barşeng	Barxwar, dema ku bar xwar dibe. Dema tiştek xwar dibe û hevsengiya wê li hev dikeve, dibêjin filan tiş şeng bûye
Bicûlî	Goreyên rîs
Bûkil	Pêlistokeke biçûk ku di şîna keçikên nezewicî da çedikin
Birajin	Jina birayê mirov
Bariş	Baran

Canik	Keçikêñ nûbalixbûyî
Cihaz	Kurtanê devan
Cixir	Rêrew, dema berf dibare kesek tê ciqirê vedike, rê vedike. Bi wê rêya ku di nava berfê da vedibe dibêjin cixir.
Cûle	Petêxên negihîstî
Cûm	Yekîneya hejmartina benîstan, cûmeke benîstê
Cixrix	Mekîneya pembû paqirkirinê
Cemente	Heywanêñ wehşî, canewerêñ wehşî
Cire	Nebalix, negihîstî, ji bo nûçiwanan tê bikaranîn.
Cirecewan	Lawikêñ nûbalixbûyî
Cizik	Dûyê pêz yê helandî
Canemerg	Ciwanmerg, kesê ku di ciwantiya xwe di dimire
Çal	Bîr, cihê av lê kom dibe. Sarincêñ avê yên di binê erdê de.
Çispan	Çalak, lezgîn
Çelqandin	Lerzandin, livandin
Çim	Sim, mînak: çimê mangê
Çîg	Negihîstî, garis yan genimê xav.

Çık	Stêrk
Çevir	Tijênerjî, bi zor û qawet
Çêllik	Hêllik, pêlîstoka ku zarok bi werîsê ji xwe ra çêdikin
Çepe	Bereks, bernexûn
Çinîçinî	Parçeparçe
Çilpeçilp	Dengê dilopkirina avê
Çûrik	Çîrok
Çing	Nikil, devê balindeyan
Çizirîn	Av yan tiştekê avek ku hêdî hêdî diherike
Çîrrî	Deng, hawar
Çepel	Pîs, qefçil
Çox	Kiras
Çal	Bîr, cihê ku têda av heye
Çirtime	Derbeya aram bi tiliyan
Çîrpî	Şaxeyên nazik yên ter ku ji darê tên jêkirin
Çirtandin	Xwarina dendikan
Çirtan	Toraq û mastê ku li ber royê tê hişkkirin
Çîrbûn	Telefbûn, emrê me çir bû: emrê me bi betalî derbas bû

Çaxûn	Bayê sar, sir û seqem û serma
Çarço	Tabût
Çarix	Solên ku ji rîs têñ hûnandin
Çatû	Werîsê ku dewaran pê girê didin
Çor	Nexweşî, derd
Deman	Quntarê çiyan
Dîtmam	Dotmam
Dême	Zemînêñ yan erdêñ ku bi ava baranê têñ avdan
Dêze	Qirax
Dêgan	Qesas bi dêgana xwe kirin: bi ya dilê xwe kirin
Dêgana lêkirin	Telaffîkirin
Dehîm	Deh rojêñ ewilê dema ku dayîk zarokêñ xwe dihînin diniyayê
Destbol	Kesê ku pere zêde xerc dike,
Derrizîn	Şkestin
Delengaz	Daliqandî
Delalet	Şîret, pend û nesîhet
Derdmend	Nexwes

Derdê karî	Nexweşiya kujer
Dubextî	Pêncîpêncî, yan dibe yan nabe
Duqurne	Dupiştê, duderbe
Dûxhefsar	Hefsarê serê mehînan
Dedê	Sernavek e ji bo bangkirina dayîk yan xwenga mezin
Dûlax	Toz û xwelî
Dûle	Dengê guran
Dumake	Berxê ku ji du mîhan şîr dixwe
Dwîn	Dûvê pêz, rûn
Duşeng	Xwar û nehemşeng
Dutar	Tembûra xorasanî
Durne	Navê balinneyekê ye/ navekê jinane
Derçe	Deriyên biçûk
Duhal	Hamile/ducan
Day	Dîwarên ku ji xweliyê çêdibin
Dirav	Pere,
Diremezorî	Bi darê zorê
Dahatin	Tıştek li kesekê hatin, mînak: dema kesek cilekê li xwe dikin, û ev cil xweş li bedena wî/wê bê, dibêjin lê

	dahatiye.
Deşvan	Kesê ku karê parastina zeviyan dike.
Dankirin	Xalîkirina dew ji meşkê
Dan	Gav, dem
Damarû	Jina bavê mirov/damarî
Dalwar	Zêdekirina darên tirî li ser çend darên din û çêkirina sîwanê
Daf	Dafik,
Daqultandin	Xwarin
Dagerandin	Vegerandina ji bilindiyê
Dageriyan	Vegeriyana ji çiyê
Dirîv	Nîşan, dax, şewat
Dara	Zengîn
Dagirtin	Ragirtin, hilgirtin, hêlan
Dakişيان	Ji ya xwe hatin xwarê
Divîdar	Darek wekî spîndarê ye.
Daçîyan	Dazelîn, dawerivîn
Dwîtin	Dotin/didoşe/bidoşe, doşîn
Dwîz	Dûz,rast

Ewravî	Ewrênu bi xwe ra baranê dihînin
Emelî	Pêketî, mubtela
Eydî	Xelata roja newrozê
Engilûsk	Gustîlk
Engez	Çen, parçeya jêrîn ya devê mirov
Ender	Zarokên ji du bavan yan ji du dayîkan, ne nêz,
Elêlo	Bangnîşana nêr
Emen-demen	25 rojan berî newrozê rojeke taybet heye ku dibêjin emen-demen
Elêlê	Bangnîşana mêm
Elexoş	Tehdîd
Elefcûş	Dema destpêka biharê ku giya nû şîn dîbin
Evelkişt	Nixurî
Evelbarî	Nixurî
Erman	Hêvî
Erwet	Rezîl
Êgin	Xurt, bihêz
Fal	Cotbûna hesp yan keran
Firk	Piştêş,

Fek	Dev
Falik	hêkê ku ji bo mirîşkan datîn ku ew hêkên xwe yên din li wir bikin
Feroş	Zûgihîştî, mînak; filan tişt feroş e, yanî ji dema xwe zûtir çêbûye
Fîtikîn	bi devê xwe deng derxistin
Firêwan	Zêde, dibe ku ji feravana farsî hatibe girtin
Firo	Şîrê nû, dema ku heywan nû dizên
Fit	Kesê ku zimanê wî/wê baş nager û nikare bêjeyan baş bilêv bike
firîtin	Firotin/difroşe/bifiroşe, firoştin.
gulpepûk	Giyadermaneke ku li çiyan şîn dibe, bîhneke xwe yê pirr xweş heye.
Guşare	Guhar/ gûşvareya farsî
Gaşe	Belkî, eger bibe
Gîr	Zeft, zeftkirin, asê/gîrkerdena farsî
Gep	Peyv, gotin, bêje
Gepkirin	Axivîn
Guzeran	Jiyan, ji guzeşten a farsî ku bi wateya derbasbûnê ye
Gurdekirin	Wêrîn,

girê/girûşk	Bend, girê
Gurling	Civat, berhevbûn
Gurrijîn	Dengê bilind derxistin
Guçik	Guh
Guhdagirtin	Guhdarîkirin
Gamergî	Nexweşıya ku ga pê dimirin
haka	Weha, wesa, wanî, bi vî awayî.
hêrijandin	Westandin.
Hingiftin	Dîtin
Hiltekandin	Ji hev cuda kirin, livandin
Halîbûn	Bihîstin/ famkirin
Hişkesalî	Sala bê berf û baran
Herrok	Kesê ku hertim dikene
Hîlî	Awêne/neynik
Hêt	Ran
Hêvalek	Gêzî
Hînga	Piştre
Hewale	Jor

Hêzkirin	Cudakirin
Heylo	Awaz
Heledad	Talan, wêran
Hemzik	Cêwî, cot
Hênjîn	Dema ku kesek dixwaze rakeve, çavê xwe vedike û digire/ xew û şiyarî
Hela	Hîn jî
hawêk	Demekê/ gavekê
Haj	Gêj û mat
hekem	Hereket/bizav
hegerdî	Beredayî/ mirovên bê cih û mekan/ mirovên bê armanc
haka/hakana	Wisa
heşametkişandin	Alîgirîkirin
hesend	Hêsan
Haş	Aram, bêdeng
hulistiyân	Rabûn
heşawkirin	Bibakirina genimî,
Hûj	Wehşî
Lîp	Tijî, dagirtî

lêmişt	Tiştên ku ji lehiyê bi cih dimînin
Lêlo	Bangnşîana nêr
Lêlê	Bangnîşana mêt
Lat	Destvala, destxalî
Lemeç	Pîs, qefçil, nepaqij
Leqem	Xeber, sxêf, xeberên pîs
Lemş	Sist, bê hereket
Letay	Sxêf, xeberên pîs
Lafok	Derwîn, fêlbaz
Lorik	Zarok, bebek
jîr	Bîna, kesê ku dibîne. Filan kes kor nîne, bîna ye
Jûnî	Çok
jeniyan	Dubare,, ji nû ve
Jendin	Vekirina heriyê pêz
Jeyê	Piştre
jîr	Jîr, jêhatî, zîrek
keweg	Riziyayî û pûç û vala
Kêş	Car

Kêz	Kêzik
Kurrik	Gore, cûrap
kuncandin	Dewsandin, pelixandin
Kok	Kêfxweş û serhal, filan kes kok e; yanî gelekî kêfxweş e.
kemişîn	Kemînkirin
Kînga	Kengî, ci wextê
kelegî	Gundî
Keşka	Xwezî
Kol	Heywanê bê şax yan şaxşikestî
kelepa	Berjêr
Kûtî	Pîs
kelexo	Xwêdana sar ku ji ber nexweşiyên weke tansyonê û şekerê çêdibe
Kûniş	Pîs, kesê bedkar
keçilok	Giyayek e ku ji şireya wê benîstan çêdikin
korkork	Balindeyeke weke bazê ye, dema hewa tarî dibe ew difire
Kesûg	Darê dirêj ku pê agirê tendûrê li hev dixin
Kût	Berhevbûn, kûtkirin; berhevkirin

Kokel	Pêçandî
Kundî	Kûzên mezin ku ji bo parastina genim û cê bi kar dihêن
Koşik	Kunê bêvil
Kuşnî	Goleş, werzişike kevn ya îranê ye
kunkunîşk	Qulqul
Kort	Çal, bîr
Kuttek	Stûn
Kotel	Berjor, rêya berjor
Kişte	Qêysiyêن ku li ber tavê hatine hişkkirin
Kam	Parçeyek ji devê mirov yan heywanan e.
kizirîn	Şewitîn
Karî	Kêrhatî
Kirdar	Reftar, tevger
kirkaw	Navê darekê ye
karsaz	Kesê ku kêşeyan çareser dike
Kele	Gund
Kalîn	Dengê berxê, dema ku bangî diya xwe dike
Kal	Petêx

Kal	Rêya ku av ji xwe ra vedike
Kar	Rêrewek di navbera du çiyayan da
Kaçî	Navê xwarinekê ye ku bi ardê gênim çêdikin
kemer	Çiya
kwîr	Kor, kûr, bêçav, nebîna.
meyandin	Ji şîr mast çêkirin
Mel	Gav, sat, kêlfî; mela biharê: wextê biharê
Meyn	Mêjî
Meym	Darêñ tirî
meykan	Çêlikê mirîşkan yên ku mezin bûne lê hîn hêk nakin
mengal	Dasê mezin
meske	Nivîşk
Melte	Meqsed
Mefer	Hêz û qawet
mexelgah	Cihê istraheta pêz
mergan	Nêçîrvan
Meçît	Mizgeft
merixandin	Xewandin yan raketandina hesp û keran

Mûzî	Pariyên mezin yên xwarinê
Mizî	Bêhal û tenbel
Moj	Jinap
minminîk	Perperok
Mird	Cureyeke bihokan e
Mired	Mirî
mala ku	Xwezî ku
Mida	Hêvî
Micî	Nîsk
Malîn	Temîzkirin
Mang	Gêj û mat
malmişt	Çopênu ji miştina malê berhev dibin
Mastan	Navê jinane, jinêni ciwan û dilber
mekerçîn	Berazê mî
marzûpişt	Hestiyê seranserî yê piştê mirov
Nefçe	Cewan
nemekzewal	Kesê ku şukir nake, israfkar, kesê ku qedr û qîmeta qencyan nizane
Nêrir	Nexweşıya ku mirov kor dike

nîvtirk	Kesên ku baş nizanin kurmancî biaxivin, zimanê wan baş nagere
nemaz	Nimêj
Neqil	Çîrok
nûsikandin	Zeliqandin
negamerg	Kesê ku ji nêşka va dimire
nexere	Rêya teng û biçûk
Narî	Firavîn
nalijîn	Nalîn û ax û wax kirin
navpîl	Navmil
nika	Vê gavê, niha, noke. Niho.
Naraw	Tenbel
pa	Şiyar, hişyar.
Pîl	Mil
pabûn	Şiyarbûn, hişyarbûn.
padevan	Gavan, naxirvan.
perçiftin	Perçivîn, perçifîn, werimîn.
peqandin	Teqandin
Peg	Şefeq, serê sibehê

pijjiqandin	Belakirin
Pamal	Binpê ji paymala farsî hatiye girtin
Pelik	Giyayeke dermanî ye ku bo qerisîn û nexwesiyyê baş e
Pîj	Şîş, sîx
Pirikîn	Bêhnijîn
Pît	Şidandî
Pîtkirin	Şidandin
Pişkîn	Bêhnijîn
Piz	Cenîn
Pesar	Çol
Pest	Nizm
Perêk	Hin, hin kes
Pizdan	Hevalê cenînê
pişirandin	Hûrhûrkirin
Permûç	Çilmisî
Pexte	Pembû
pelçiqandin	Teqandin, qeliştandin
Pût	Yekîneyeke endazegirtina weznê ku 16 kîlo ye

Pirtiftin	Şewitîn
Pirzilîn	Çilmisîn
pirandin	Lêxistin, lêdan, kutan.
Pirçene	Pirgep, kesê zêde diaxive
pirrikîn	Bênjîn, bêhnijîn, pişkandin, pişikîn, biniştin.
pûrtkirin	Pûrtikandin, pûrt jê rakirin. (k) bn :kirin.
Qizilbaş	Li Xorasanê bi mirovên zana û jîr ra dibêjin weke qizilbaşekê ye.
Qend	Şekerê hişk ku pê çayê vedixwin
Qers	Çepik
Qeter	Rêz, dibe ku ji qetara erebî hatibe girtin
Qîl	Didanê heywanên dirende
Qewax	Şkeft,
Qefçil	Pîs, nepaqij
Qeftal	Kêlek
Qefs	Payîz
Qelp	Asê
Qerez	Dijminî, mebest û meqsed
Qulmit	Qalind, stûr

Qonc	Qurmê darê
qerrişîn	Terikîna ji ber sermayê
Qunde	Pembû
Qurne	Nêrî, navoka giyayê
Qiçik	Biçûk
Qulp	Destiyê firaxan
qurifandin	Dewisandin, guvaştin
qurijandin	Bi dengê bilind axifîn
Qincîr	Çilmisîn, permûçbûn
Qoşme	Navê sazekê ye ku ji hestiyê baskê bazan çêdibe
Qarok	Kesê ku zû diqehere
Qij	Tevlihev
Qirim	Nexweşıya bêderman ku ji bo heywanan dihê
qajeqaj	Deng
Qiştik	Balendeyeke mîna qijikê ye, nîşana şûmbûnê ye
Qaşil	Poste
Qirik	Qijik
Qirjilîn	Şewitîna sethî

qareyîn	Qehirîn, qarkirin, xeyidîn, hêrisbûn.
qawan	Berazê nêr
Qaçî	Meques
qatix	Mast
qarkirin	Qareyîn, qehirîn, xeyidîn, hêrisbûn.
reşme	Kemerbendê mêran
radûkirin	Teqîbkirin, li pey çûn,
rûçikandin	Pûrtikandin, pûrt jê rakirin
rapêkirin	Bi dû ra çûn, radûkirin
rûkêş	Qumaş yan layeyek li ser tiştek danîn, ji farsî hatiye girtin
rengbaz	Hîlebaz, xapînok
rêjûblêj	Israfkirin
rêya kakêş	Rêya kadiz
Rîçe	Rîşe, kok
Rîv	Aveke nûsek ku dema zayînê ji bedenê derdikeve
Rijî	Dûyê reş/şewat/tiraf
reşandin	Belakirin
Refş	Xeml, xweşiktî

Rep	Rabûyî
Repal	Qambilind û zirav
rûkêşkirin	Poşandin,
rexne	Derz, derizîn, qeliştok
Rizî/riziyayî	Xerabbûyî
Rikîn	Serhişk
Rûgewr	Mezin
raparzinîn	Parzûnkirin
rahevketin	Bi hev ra şer kirin
raçavkirin	Çabdêrikirin
rameyandin	Tiştékê dîk bi awayê asoyî li erdê danîn
ranekêş	Dirêjkirina karekê
raxişkirin	Li pey xwe kişandin
rûqalbûn	Bi kesekê ra şerkirin
ragankirin	Zêde dotina şîr ji çêlekê yan pez
rageriyan	Dînbûn
ragirtin	Kêm xerckirin
raketin	Razan

raşikestin	Temambûn, nêzî dawiya demekê bûn
ragûm	Kesê ku rêya xwe wenda kiriye
rapêkirin	Li pey hev çûn
rajandin	Livandin
rîvî	Rovî, navê heywanekê ye
sa/sewa/sewê	Bo/ ji bo
serbider	Pispor
serbîrkirin	Bibîranîn
Sîs	Spî
sêxiştî	Ji sê rêzan pêk dihê/ berbilavtirîn qaliba helbestan li Xorasanê
sêvê zemînî	Kartol
sîqal	Saf û biriqandî
sêvik	Navê hestiyekê ye li ranê mirov
serpê	Kelepaçe
Sîrt	Bilindî, berzahî
silûk	Navê canewereke biçpk e ku li derdora avê dijî
serbar	Barê zêde
sellat	Leqebla eskerên tirman û orisan

Sem	Jehr, ji farsî hatiye girtin
sewad	Şiyana xwendin û nivîsînê, ji farsî hatiye girtin
sewaddir	Xwenda
stewr	Neza
sîpildax	Sorbûna post yan birîndarbûna bedenê mirov
serhewale	Berbijor
serekîlepa	Berbijêr
Seft	Deng dibe ku ji sewta erebî hatibe girtin
selabela	Şêwirîn
seqetbûn	Mirina heywanên heramgoş
seraw	Jor
siresir	Bi dengê nizm axavtin
sersa	Haydar
sekirin	Lêgerîn
Sû	Zat, batin
sûsnîmûsnî	Xalxalok
sîrelaş	Çêlikên balendeyên dema ku hîn biçûk û bê per in
simsimîn	Gerîna li derekê yan cihekê bi mebesta bi destxistina tiştekê

Siza	Ceza
smar	Çem, rûbar
simsime	Cureyek xwarinê ye
salifîn	Idarekirin
şekirin	Kanîn, karîn, tiwanîn, şıyan.
serçavî	Serekanî, çavkanî, çavik.
şamar	Navekî jinane bo jinêñ kurd li Xorasanê
Şime	Şîrê pez û dewaran dema ku nû dizên
şingandin	Deng jê derxistin
şeliqîn	Birîndarbûna navranê mirov ji ber rêçûna zêde
şelûkût	Kesê nexweş û pîr
şemal	Ba
Şiyan	Dengê hespan
Şîlik	Ser serê mirov
şiyarkirin	Cotkirina erdê
Şeng	Xwar
şengij	Xwar
şengijîn	Xwarbûn

şewate	Birîndar û zererdîtî
Şelp	Pelê daran
şeqqe	Dunîv
şekerlêv	Lêvşekerî,
Şoxî	Henek, ji farsî hatiye girtin
Şûltî	Nerm û avekî
şevnêm	Ava ku êvarê li ser giyayan çêdibe
Şeşik	Navê lîstikekê ye
Şilî	Baran
Şixil	Parçeyeke biçûk ji darê
şîlwar	Damanê jinane
Şirim	Hindik û hêdî
şakê-makê	Navê lîstikekê ye li Xorasanê
tawandin	Pêçandin
Tîtik	Nozad, zarok, bebek
Tirêm	Gelo
Tîlaz	Saf
tiryak	Madeya hişbir, esrar

teliqîn	Zayîna heywanêñ heramgoş
tendûr	Tenûr
taştemal	Aşpêjxane
talandin	Talankirin, temamkirin
Toraq	Mastê hişk ku di postê da dihêlin
Tav	Roj
Tav	Baranê tund û têper
Têxer	Caşık, zarokê keran
Tell	Hempa, reqîb
temûz	Havîn
Teyar	Amade
teqafil	Ji nişkê va
tevdan/tavdan	Li hev xistin
tevrabûn	Balixbûn, mezinbûn
Teft	Germ
tefteba	Bayê germ
Tej	Qomaşên çêkirî ji pirça bizinan ku dixwazin pê konekê çêbikin
Tisî	Xalî

Tore	Şanoger/ hejar û feqêr
Teda	Bingeh
terâşe	Darêن hûrik
Toquer	Karker
tûlûşî	Pereyê ku mîvan li dawetê xelatî mazûvan û bûk û zavayî dikin
tepandin	Tiştikê bi zorê bixî nava tişteke din
Titûn	Dû
Torqe	Navê balinneyeke efsanewî ye
Tûş	Hed û sinor
tûşeshatin	Rûbirûbûn
Toper	Eşîret
timêşe	Hertim
Tiftîk	Pirça pêz yan deveyan ku jê kuman çêdikin
tirmansehra	Kurdên Xorasanê bi Tirkmenistanê ra dibêjin tirmansera
tirman	Tikman
Taşt	Xwarin
taştepêj	Aşpêj
taxil	Azoxe, azoqe, erzaq, xwarin.

tîkan	Strî, kelem, dasî, pîj. Ji tirkî hatiye girtin
Virnî	Berxên ku herî dawî têny dinyayê
vebaydan	Ji nêşka ve ji xewê şiyarbûn
velandin	Helandin
vebirûskîn	Şerqdan,
vexemirandin	Bêdengkirin
veşemitîn	Ketin
veşikandin	Dulayekirin, takirin
vetewşîn	Kontorola xwe ji dest dan, şemîtîn
werre	Wesa, weha, wilo, bi wî awayî.
xijxijonek	Cihê ku zarok xwe li ser berfê dixijxijînin
xapexap	Karekê bebername û bê plan
Xejîr	Laşxur
xêwebixar	Xêwe û Buxara, du bajarêن Tirmanan ku berê bazara kolefiroşan li wir hebû
xêylek	Gelek
xêllîk	Karasê şivanan yê ku ji kulavê tê çêkirin
xwezî	Avê devê mirov
Xîş	Xizm

Xerman	Bênder
Xewitín	Lêgeriyan
Xesandin	Mêritî yan nêritî jê standin
Xurîn	Berî ku kesek taştê bixwe, dibêjin xorîn e
Xwînsar	Xemsar, bê hîs
Xef	Bêdeng
Xuriş	Mastê hişk
Xurandin	Tiştek bi kesekê xurandin, dan xwarin
Xudgo	Şair
Xurag	Xwarin
Xwastok	Parseksifet
Xwang	Xwîşk
Xwastigar	Xwazgîn
Xopan	Wêran
Xorr	Ne qelew, kêm wezn
Xore	Cizam, nexweşiyek e
Xicaw	Deng, awaz
xizan	Zarok

Xij	Şemitok
Ximexim	Kelîna avê ji bin erdê
Xilxilandin	Westandin
Xişt	Kelpêç
xerman	Melok, komeke qesela genim, ceh , nok û hwd.
xermangeh	Ciha ku çend xermanan tê de kom dikan.
xizan	Zarok
Zimang	Cihê ku piraniya demê sî ye û roj li wê derê nakeve./ berevajiya berojê
Zaw	Newal
Zawçe	Newalê biçûk
Zireme	Bêmentiq
Zikine	Kesê ku zêde ji xwarinê hez dike
Zille	Westiyayâ
Zoq	Kevirê biçûk
Zülle	Dengê guran
Zîne	Pilekan/ merdeven

Cedwela 6: Ferhengok